

**CALENDARIUM
BENE
MORIENDI
DENUO
REVISUM, ...**





P. Lissini ad simpliciter yum 1830

CALENDARIUM

B E N E

M O R I E N D I

*Denuo reuifum, corre-
ctum, auctum, &
impreffum*


A

SACERD. C.B.P.



ROMÆ, Typis Bernabò. 1708.

Superiorum permiffu.



*Ad Pium , providum ,
ac vigilem*

ÆTERNÆ SALVTIS
CHRISTIANUM
LECTOREM.

Mori naturæ est , be-
ne autem mori ar-
tis, virtutis , ac in-
dustriæ , ait Senec. ad Lu-
cil. scribens , & subdit ;
Quis est, qui pretium tempo-
ri ponat, qui diem æstimet,
qui sciat, se quotidie mori ?

A 2

Ut

4 Præfatio.

Ut igitur tantum æternitatis negotiorum negotium, sedulò tractes, tibi hoc benè moriendi, ut rectè vivas Calendarium damus; in hoc enim vel studiosè observes necesse est, quali moriaris die fasto an nefasto. Hanc sollicitudinem benè moriendi ut discas, dies singulos observa. Sub una scilicet vivendi arte hac una, traditur lege: *Ad mortem te præpara: Beatus enim* (ait sapientissimus ille bene vivendi, ac moriendi Confiliarius Thomas A Kempis) *qui horam mortis suæ semper ante oculos habet, & ad moriendum quotidie se disponit.* Ut autem ad incertam mortis

tis

Præfatio. . . . 5

ris diem benè sis paratus ,
fac , omni die sis paratus .
Ad quam metam cōsequen-
dam hoc tibi proponitur
consulendum : in eo quem-
admodum reperies, nullam
non esse diem , qua mori
non possis ; ita nullam esse ,
qua mori non possis bene .
Nullus erit dies nefastus
nisi quem tū tua culpa infe-
lici morte nefastum feceris .
Idcirco procurandum tibi
est Sydus . quod vitæ tuæ
morienti quotidie effulgeat,
Patronum scilicet è Cœlo ,
quem si imiteris , si piè cō-
las , si supplex invoces, non
deerit morienti . Nulla e-
nim melior est ad mortem
præparatio nisi benè vivere .

A 3


Quem

6 *Præfatio.*

Quem si tibi tutelarem habueris, qui tibi assistat morienti, qui in mortis agone te languentem excitet, luctantem dirigat, labantem erigat, qui tanti negotii expers, immortalis tibi felicitatis auctor erit. In hanc tibi futuram prosperitatem totum hoc Calendarium collimat, quod quamvis quotidiani consilii brevis videatur atomus, magnæ tamen æternitatis erit principium. Eritque tibi longioribus occupationibus detento breve quidem, sed ad æternam vitam tantorum Patronorum quotidiano præsidio jucundissimum levamen, eosque imitari non dedignaberis,

Præfatio . 7

ris , quorum te illustris , festiva , ac quotidiana in memoria delectat . Vale , & ut securè , sed in æternum vivas , disce quotidie Sanctorum exemplo , ac tutela benè mori . Illudque Evangelicum Oraculum ad benè vivendum , & moriendum in mente habeto *Negotiamini dum venio .*



N. N.

*Omnia & Singula de Sanctis
in hoc libello dicta intelli-
go, & intelligi volo ju-
xta Decretum URBANI
VIII. 5. Junii 1631.*

Reimprimatur.


*Si videbitur Reverendiss. P.
Sac. Pal. Apost. Magistro.*

*D. de Zaulis Episc. Verul.
Vicesg.*

Reimprimatur.

*Jo. Baptista Carus Magister Reve-
rendiss. P. Paulini Bernardinii
S. Ap. Pal. Mag. Socius Ord. Præd.*

JA-



JANUARIUS.

I. JANUARI.

JESUS octavo à Natiuitate die circumcissus sanguinem copiosè fudit . O quantos sanguinis im res vitæ vespera dabit , si aurora ejus cruore tam multo rubet ! Tua scelera , ò Homo , culter erant (verò saxum) qui JESUM infantem sic sauciavit .

OJESU, Fili MARIE, annorum vitæ meæ, & totius æternitatis sanctissimum centrum, da pro novo anno te ipsum mihi, & me

A 5 tibi :

10 *Januarius.*

tibi : ut ita nomini tuo ser-
uiat annus hic meus, omnes
anni mei, menses, hebdo-
madæ, dies, horæ, minuta,
& momenta vitæ, & mortis
meæ, ut singula tua sint, &
omnia tuis meritis unita in-
fluant in Divinum Ocea-
num sacrosanctæ æternitatis
tuæ, ut felici morte annos
temporis mei concludam, &
simul inchoem, nunquam
finiendos annos æternos il-
lius gloriæ, ad quam me
creasti, utq; illam haberem,
factus JESUS. Amen.

Hoc idem mihi impetrate,
omnes Sancti, quos felici
morte defunctos hodie felici
æternitate donavit DEUS.

Omnes Sancti mei nomi-
nis,

nis, & meæ Patriæ, ac Patroni mei menstrui omnes.

Omnes Sancti, quibus sacra est illa, quæ mihi nascenti prima fuit dies.

Omnes Sancti, quibus sacra est illa, quæ mihi morienti ultima erit dies.

Omnes Sancti, & Sanctæ DEI, tuque, O MARIA Mater agonizantium, ora pro me, & omnibus hodie nascentibus, & hodie agonizantibus. Impetrate mihi à Crucifixo JESU felicem, mortem, & beatam æternitatem. Amen.

Credo, spero, amo, adoro te, pulcherrime, ac optime super omnia Deus meus! & ideo doleo, ac desidero plus.

A 6 do,

dolere, & confiteri. Doleo
super omnia, quòd te tam
ingratus offenderim, Deus
meus, & omnia. In gratia-
rum actionem, & satisfactio-
nem, offero tibi hujus diei,
& vitæ meæ totius actiones,
atque momenta singula.

*Nota, hæc clausula quotidie
repetitur.*

2. JANUARII.

*S. Macarius plenus sancta-
rum lachrymarum senex, &
semper ad Deum vigil, ad se-
ipsum inquebat: Anime mi,
ne te in terras è coelo dimit-
te: ibi Deum, & cum Deo
Dei aulam omnem habes.
Toto septennio coeli nihil in ci-
bum admisit, quadragesimum
sine cibo, viginti dies sine som-*

no tranſegit . Pro caſtitate ſex
menſes nudum ſe culicum acu-
leis expoſuit . Centenarius de-
nique obiit . Vis diu tibi , &
Deo vivere? corpori parum in-
dulge .

S. Macari, per lachrymas,
per jejunia , per puritatem,
ac preces tuas omnes, rogo,
docce me animum nunquam
è cœlo dimittere, ut tandem
beata morte animam meam
è terris in cœlum emittam ,
ibi Deum, & cum Deo Dei
omnem aulam habiturus .
Hoc idem mihi impetrare
omnes Sancti , &c. ut ſupra
pag. 10.

3. JANUARI .

S. Geneveſe , quod templum
frequenter, Mater alapam
Ma.

14 Ianuarius.

Matriccæcitatem inflixit Deus: quam pia filia subtulit . Per hebdomadam non nisi bis cibum, vinum virginitatis venenum nunquam admisit. Hinc cælum quoties aspexit, illa laprymis, hoc gaudiis fluere est visum .

Sancta Virgo, ora pro me, ut illuminet cæcitatæ meæ tenebras JESUS: ut ex his tenebris ad æternum gloriæ lumen transeam . Hoc idem mihi impetrate omnes Sanctis &c. ut supra, pag. 10.

4. JANUARI.

S. Titus, S. Pauli Discipulus, Virgo vixit . Morientis facies jam gloriosa cœlesti lumine radiabat . Vitam in laboribus pro animarum lucro actam ubi

po-

Ianuarivs. 15

*posuit , Animam cælo Angeli
invehentes iusserunt quiescere.
Sic Virgines , & Apostoli mo-
riuntur .*

**S. Tite , roga pro me JE-
SUM , ut in hora mortis il-
luminet vultum super me ,
ne hora mortis meæ sit pote-
stas tenebrarum , sed ut cum
Angelis lucis videam faciem
Dei . Hoc idem mihi impe-
trate omnes Sancti , Sic . ut
suprà , pag . 10 .**

5. JANUARI.

*S. Eduardus in Angliæ Re-
gem à S. Petro unctus , conjugio
Virginitatem copulavit . Men-
dicum agrum (pium onus)
humeris regiis ad aram porta-
vit , & sanavit . Unda , qua
manus ipse lavit , cæci tenebras
suas*

16 Ianuarius.

suas eluerunt . Suo sacro presenti ipse ex ara JESUS benedixit . S. Joannis Evangeliste amore rogantibus nihil negavit : quo dein nuntio mortis sue horam didicit . Mortui corpus, uti & anima viventis, corruptionem non vidit .

S. Eduarde , impetra mihi, ut sic vivam JESU meo, ut & in morte & in judicio supremo mihi benedicat JESUS, & ego deinde unà tecū æternū benedicam JESUM. Hoc idem &c. pag. 10.

6. JANUARI.

SS. Tres Reges è Regnis suis Betlehemū abierunt, ut Christo nato dicerent Sacramentum. Ne aberrarent, stellam ducem addidit cælum . Ne vè redires
in

Ianuarius. 17

in Herodis irati manus inciderent, è cœlo moniti per aliam viam regna revisunt. Sic Superis cura est, qui Superos curat.

O Sancti Tres Reges Melchior, Gaspar, Balthasar, pro me orate, ut cœleste lumen sic per vitæ hujus pericula sequar, ut ad Christum, cui Sacramentum in Baptismo dixi, in æternitate beata securus pertingam. Hoc idem, &c. pag. 10.

7. JANUARI.

S. Raymundus nobilis Hispanus à puero MARIÆ devotus: adultus in ejus Annunciationem augustius celebrandus etiam liberalis. In D. Dominici cœtum admissus MARIÆ

18 Ianuarius.

MARIÆ monitu pro liberandis
vinclis sodalitatem erexit. An-
gelo suo usus excitatore, ut sur-
geret ad preces, & pallio, ut
per mare navigaret.

Sancte Raymunde, qui
jam es in portu æternitatis,
& potentissimus es apud JE-
SUM, & MARIAM orator;
ora pro me, ut ita JESU, &
MARIÆ, cor meum, & om-
nes vires liberaliter impen-
dam, ita Angelo me ad san-
cta excitanti paream, ut me
suprema Angeli tuba à som-
no mortis excitet ad æter-
num laudandum DEUM
meum. Hoc idem &c. pag. 10.

8. JANUARI.

S. Petrus, dictus Igneus, Car-
dinalis Episcopus Albanensis,
qui

Ianuarius. 19

qui relictis splendida, atque opulente familie opibus, ac deliciis, se ad Religiosam vitam austeritatem contulit. Primo jumentorum, pecudum, infirmorum postea morientium cura addictus. A SS. Sui Ordinis Magistro Joanne Gualberto, ad Simoniacam labem detegendam, & in Innocentia testimonium, iussus per flammam illæsus evasit; unde Igneus dictus, miraculorum gloria illustris mirabiliter Ecclesie profuit.

Beate Petre, ora pro me ut sæculi vanitatibus pettæsus, & flammis concupiscentiæ illæsus evadens, moriturus tecum Divini amoris igne succensus ad celeste cōmercium perveniam. Hoc idem &c. pag. 10. 9. JA-

20 Ianuarius.

9. JANUARI.

S. Julianus, & Basilissa conjuges, quod cogitarent jungere Virginitatem nuptiis, adfuit cum MARIA JESUS, & animos addidit, dum utriusque nomen libro vitæ scriptum ostendit. Hæc Virgo, ille Martyr obiit. Tales convivat meretur Virginitas.

Orate pro me, ut omnes dæmonis versutias vincam, & sic ad æternam gloriam me præparem, ut inscribar & ego libro vitæ, & nullo me unquam peccato deleã. Hoc idem, &c. pag. 10.

10. JANUARI.

S. Marcianus Confessor orationem suam jejuniis & elemosynis reddebat alutam. Inopem

pem de die obvium nullum vacuum dimisit; noctu per urbem, quibus daret, quarebat. Vesset, præterquam unam tum habebat nihil, pauperi dedit, & recepit è cælo auream. Da pauperi, qui DEUM cupis debitorem.

Ora pro me, ut ego morti meæ per corporalem, & spirituales eleemosynas ita parem, ut cum anima corpus hoc, velut vestem exuerit, aurea, & nuptiali, æternitatis veste induatur. Hoc idem, pag. 10.

II. JANUARI.

S. Theodosius Abbas in se rigidius paucis panibus centum, & amplius mensas pavit. grano uno granarium totum imple-

22 Ianuarius.

plevit. Militum Duci ejus civi-
cium pro lorica fuit. Basilio ē
suis Monacho mortem suavis-
simam impetravit. Indulget
ijs Deus, quod poterunt, qui
sibi nihil indulgent.

O impetra mihi mortem
sanctam; impetra, ut ita
meum corpus, & animam ad
illum transitum disponam,
ut omnia, quæ corpore, vel
anima ago, sint mihi solatio
morienti. Hoc idem, pag. 10.

12. JANUARI.

S. Arcadius Martyr, ut
Christum servaret, fortunas
dimisit, & latuit; ut verò ami-
cum suo loco captum, Tyran-
no se stitit, sola patientia te-
ctus, & pro Christo simul, &
amico servando manus, pedesque

Ianuarius. 23

*que præbuit refecandos. Ut
vincas, satis est, si Christum
habeas.*

**Ora pro me, ut ita DEUS
manus meas doceat ad præ-
lium, ita dirigat gressus
meos in vitam æternitatis,
ut nec manus mea, nec pes
meus me scandalizet; sed to-
tum corpus meum, & anima
mea tota Deo me seruiat,
ut in æternitate possideam
totum DEUM meum. Hoc
idem, pag. 10.**

13. JANUARI.

*S. Godefridus Cappenpergen-
sis Comes humana omnia po-
sthabuit, ut certius haberet cæ-
lum. Conjugem inter sancti-
moniales, se inter Divi Nor-
berti Canonicos transfudit. Cæ-*

li

24 Ianuarius .

li cupidus , dissolui identidem
cupiens , moriturus obvium ha-
buit caelestem chorum : mortuus
nepti multa luce coruscus ap-
paruit . Vis à Deo honorari ?
mundi honores fuge .

S. Godefride , precibus
tuis ad illam gloriam vestem
& coronam , ad horam mor-
tis sanctæ , ad quam tam sol-
licitè anhelasti , me apta : &
juva , ut sic per temporalia
transeam , ut non amittam
æterna . Hoc idem , pag. 10.

14. JANUARIi.

S. Felix Nolanus , vinculis è
quæ pro fide tulit , ab Angelo
fuit ereptus . Latenti telas
araneæ pro muro contra hostes
texuerunt . Angeli & sex mens-
es cibum ministrarunt , & so-
latio

Ianuarius . 25

latio fuerunt . Tutissimus ubique est , quem Deus tuetur .

Defende me , S. Felix , contra persecutores in mortis articulo animam meam ad mortem æternam quæsituros : oppone te cum Angelo tuo murum pro me , re-crea me , ut in æternitate felici sim tecum æternum felix . Hoc idem , pag. 10.

15. JANUARI.

S. Paulus Eremita quindecim annos natus eremum subiit : ibi ad centesimum decimum vitæ annum palma eadem cum vestiit , & pavit . Corvus annis sexaginta indies panem ei medium , at cum Antonius adesset , integrum tulit . Flexis genibus orans expira-

B vit :

26 Ianuarius .

*vit: animam inter Cœlites Cœ-
lum petere vidit Antonius. Tu-
mulum, in quo humaretur, leo-
nes duo effoderunt . Securum
iter est è cella in cœlum .*

*S. Paule, ora pro me , ut
tales hic socios amem , qui
me ducant, vel quos ego du-
cam illuc , ubi es : ora , ut
oram benè , & inter bonos
melior , inter malos bonus
vivam , & moriar bonus ,
eamque ad illos choros , in-
ter quos te vidit Antonius .
Hoc idem , pag. 10.*

16. JANUARIi.

*S. Furseus Anglus C. in cœ-
lum raptus ab Angelis, qui vel
dæmonum jacta in eum tela
clypeo excipiebant, vel crimina
objecta diluebant . Fusus ad
cor-*

Ianuarius . 27

corpus redijt , ut Orbem, quem
viderat perfidia , discordia ,
avaritia, & crudelitate arde-
re, corrigeret. Correxerit decenni
labore, & ad eternam quietem
abiit . Quietem hanc non spe-
ret , qui non laborat .

Ora pro me Angelice A-
postole , ut & me, & Alios à
mundi, & inferni flamma cœ-
lo servem, & cœlestes Ange-
li me scuto suo à dæmonum
igneis jaculis protegant
nunc, & in hora felicitis mor-
tis meæ . Hoc idem, pag. 10.

17. JANUARIi .

Sanctus Antonius Ægyptius
Confessor , ut perfectus esset ,
quod in templo audiit , Juve-
nis omnia vendidit , & dedit
pauperibus . Charismata, quæ

28 Ianuarius.

in aliis meliora vidit, est amulatus. A demonibus mirè tentatus, sed vicit, quia vigil: laqueis mundum plenum vidit, sed evasit, quia humilis. Fac similiter, si vis similiter vincere.

Ora pro me S. Antoni, ut semper vigilem, & humilis sim, quò & dæmones vincam, & mundi laqueos evadam; & laqueo contrito liberer, asserarque in libertatem filiorum Dei. Hoc idem, &c. pag. 10.

18. JANUARI.

S. Prijsca Romana, Virgo nobilis, tredecim annos nata, verberibus operta, ferventi adipe delibuta, leonibus objecta, triduana inedia afflicta, in equuleo ungulis ferreis crucia-

ta,

Ianuarius. 29

*ta, rogo accenso injecta, sedula
lesa. Tandem, vocante per An-
gelos sponso, capite plexa ad
nuptias evolavit. Cadaver ne
modò lederetur, ab Aquilis cu-
stoditum. Vis omnibus his al-
tior esse? esto Virgo.*

*Q*uatenerrima, & fortissima
Virgo, per illa mortis tuæ
instrumenta, doloribus qui-
dem, sed & gloria plena, te
rogo, iuva me, ut per mor-
tis mee dolores sic trāseam,
ut mortis æternæ dolores
evitem, & ad gaudiorum il-
lorum æternitatem ducar,
ubi tu cum Virginum Spon-
so gaudes. Hoc idem pag. 10.

19. JANUARI.

*S. Abundantiæ Virgini na-
scenti & morienti, ultrò cam-*

B 3

pa-

30 Ianuarius.

*pan.e applauserunt, & ultro,
cum baptizaretur, in templo
lampades accensæ. Octennis
tam familiaris fuit Jesulo, ut
aureum ab eo pomum acceperit,
& invicem flores hibernos
porrigeret. Tam pulchra est
casta generatio, ut & Superos
in amorem sui trahat.*

Nè quæso, O DEO tam
chara Virgo, mei morientis
obliviscete inter æternas
tuas delitias apud JESUM
tuum, & MARIAM, Ora illos,
ut lætitiâ Angelis
creet mea mors, non dæmonibus:
ut in templo sanctæ
gloriæ suæ DEUM meum
unâ tecum benedicam, æternum
benedictus. Hoc idem,
&c. pag. 10.

JA.

Ianuarius. 31

20. JANUARI.

S. Sebastianus sub Diocletiano Imperatore miles, sed Christianus, multos ad fidem convertit, multos firmavit. Unde è cælo audiit: nunquam non tecum eris. Propter Christum sagittis meta factus, & metâ sanctum attigit Deum, apud quem pestiferorum est advocatus. Multa potest apud Deum, qui pro Deo patitur multa.

Tuis quæso precibus, sancte Sebastiane, apud Deum effice, ut plus lucem animi, quàm corporis horream: ut ita omnia in DEI oculis faciam, ut in vita, in morte, in æternitate semper sim cū DEO, & experiar illud:

B 4

Nun-

Nunquam non mecum eris.
Hoc idem , &c. pag. 10.

21. JANUARI.

S. Agnes tredecim annos nata , tam chara fuit Christo , ut eam annulo sibi subarrharit , & Angelum addiderit , qui cœlesti eam cyclade texit , nè à leonibus videretur . Hinc impolluto calle carnis spurcitiâs transiit , & gladio transfixa lucidas Sponsi sedes accepit . Agnetem imitare , qui vis amari ab Agno Dei .

Tibi gratulor felicitatem tuam , ò B. Agnes ! Ora & pro me illum , cui jam juncta es in cœlis , ut ne finat me ita in tenebras exteriores ; verum etiam me in lucidas illas sedes accipiat . Hoc idem pag. 10. JA.

Ianuarius. 33
22. JANUARI.

S. Vincentius Martyr in craticula inter verbera, & equuleum, inter prunas ardentes, & ferreos ungues, inter candentes laminas, & testacea fragmenta pro Christo constitit. Angelo confortante. Sacrum ejus cadaver abiecit contra aves, & lupum defendit corvus. Quem Deum defensum cupit, quis ledat?

Sācte Vincenti, Divi Laurentij æmule, patria, doloribus, gloria, solare me in supremo lectulo ad mortem jacentem; ut æternis prunis stratum lectum evadam, tecumque in beata æternitatis quiete quiescam. Hoc idem, pag. 10.

B 5

JA-

34 Ianuarius.

23. JANUARI.

S. Joannes, Vir misericordiarum, unde & Eleemosynarius dictus, mortuus à S. Petro in æternam celi mansionem induci visus est. Speras misericordiam in cœlis? esto misericors in terris.

Doce me, S. Joannes, erga egentes miserationem, ut liberaliter, vel ope corporali, vel precibus, consilio, modis omnibus omnes juvem, quos à me juvari vult Deus: ut morienti mihi sit Pater misericordiarum Deus meus, fimque beatus inter misericordes, & æternam misericordiam consequar. Hoc idem, &c. pag. 10.

IA-

Januarius . 35

24. JANUARI.

S. Babylas Martyr vinculis ligari pro Christo vivus non horruit, & decollatus, vincula non dimisit, ut semper Christo conjunctus esset. Dum vincimur pro Christo, nobis Christum devincimus.

Impetra mihi, sancte Christi Martyr, ut voluntas mea sic DEI voluntati sit semper conjuncta, ut, seu vivam, seu moriar, libenter patiar, quidquid, vel pro Christo, vel à Christo patiendum occurrit. Et hæc sit mea ad mortem præparatio, in morte solatium, in æternitate corona, maxima, & minima pro Christo, & à Christo libenter, & cum gratiarum a-

-11

B 6

ctio

36 *Januarius.*

etione fuisse perpeſſum. Hoc
idem, pag. 1c.

25. JANUARI.

*S. Paulus è Saulo converſus
ex perſecutore factus Apoſto-
lus, ex lupō agnus, ex vaſe
iniquitatis vas electionis, quod
portaret nomen JESU coram
gentibus. Vis ita converti, dic
verè cum eo: Domine, quid me
vis facere?*

*Ora pro me, S. Paule, ut
ante mortem ſic convertar,
ut faciam, quod me vult fa-
cere Deus, JESUM opere,
& verbo portem coram ho-
minibus, ut me morientem
per Angelos ſuos JESUS
portet ad Regnum ſuum,
Hoc idem, &c. pag 10.*

IAE

Ianuarius. 37
26. JANUARI.

S. Polycarpus S. Joannis discipulus Marcionem hæreticum Sathanae primogenitum dixit: igni addictus gratum Deo odorem dedit, cum diceret, nolle se Christo maledicere, qui sibi semper faceret bene. Qualem putas peccator dat odorem?

Sancte mi! ora, ut nullus Satanæ minister, nemo improbus, ne ipse quidem Satanas mihi, seu viventi, seu morienti nocere quidquam possit. Commenda me Magistro tuo Joanni, ut ille spiritum hunc meum, cum exspiravero, deponat in eo, in quo ille quievit, sinu Dei IESU. Hoc idem, pag. 10,

IA-

38 Ianuarius :

27. JANUARIJ.

*S. Joannes Chrysostomus ve-
lut Elias a Jezabele, plurima
passus ab Eudoxia . Ei S. Pe-
trus, & Joannes scripturas ape-
ruerant : scribenti Paulus ad-
fuit, sacrificanti Spiritus San-
ctus . Morituro S. Basilius
Martyr, ad cuius corpus ora-
bas, dixit : Joannes frater,
crastinus dies nos loco conjun-
get : & S. Viatico munitus, est
conjunctus . Beatus qui non
abiit in consilio impiorum .*

*S. Joannes, aperi os tuum
aureū pro me apud Deum,
ut ego in vita Sanctorum
muniar præsidio; & in mor-
te eorum solatio confirmet:
ut sine viatico non discedā,
& mortis meæ dies nos loco*

con-

conjugat æternum. Hoc
idem, &c. pag. 10.

28. IANUARI.

*S. Jacobus, dictus pœnitens,
quadraginta jam annis in ere-
mo & abſtinentia, & miracu-
lis admirandus; in horrendum
carnis, & homicidij ſcelus pro-
lapſus. Sed pœnitens toto de-
cennio inter oſſa mortuorum ſe
vividus ſepeliit: quot hebdoma-
dis non niſi bis radicibus refe-
ctus, donec ſepulchro ſuo im-
moreretur! Qui ſtat, videat ne
cadat.*

**O Sancte Iacobe, precibus
tuis mihi impetra, ut timo-
re, & amore ſuo carnes meas
conſigat DEUS, ut cum tre-
more ſemper operer ſalutem,
& quæram æternitatem meam:
ut**

40 *Iannarius.*

ut aut nullius peccati reum,
aut certè poenitentem me
vita mea morti meæ, & mors
mea æternitati meæ sistat.

Hoc idem, &c. pag. 10.

29. IANUARI.

*S. Constantinus Episcopus,
& Martyr per aquam ferven-
tis balnei, & ignem victor
transiit, & ab Angelis est cu-
ratus: post mortem obitam ca-
daver divino monitu quæsitum,
Angelorum Choris circumseptum
est repertum. Bene coeptis con-
stanter insiste, qui Angelis vis
charus esse.*

*Adesto & mihi unà cum
Angelis tuis, ut per mundi
hujus tribulationes velut per
ignem, & aquam victor vi-
vens, & moriens illuc abeam.*
ubi

Januarius. 41

ubi unà tecum, & cum Angelis æternū cantem, Gloria Patri, & Filio, & Spiritui Sancto. Hoc idem, pag. 10.

30. JANUARI.

*S. Martina V. & M. effusa in egenos opulenta hereditate celum tenuit: unde & terrenis blandimentis, & terricula-
mentis superior fuit, & è celo impetravit, quod voluit. Deum demum & vitam, quam unam reliquam habebat, dedit, vote celesti est invitata ad cælum. Vis ad cælum invitari? dimitte terram.*

Ora pro me, S. Virgo, ut & non re, animo saltem sic omnia terrena dimittam, ut invitari etiam merear ad cælum; & tremenda illa mortis

42. *Ianuarius.*

tis hora sit mihi æternæ beatitudinis principium. Hoc idem, &c. pag. 10.

31. IANUARI.

S. Marcella Romana è nobilissima, & ditissima pro Christo, pauperrima facta, unde cœlestibus solatiis tam repleta fuit, ut fustibus, & flagellis caesa gratias ageret. Adsunt cœlestia, ubi absunt terrena solatia.

O S. Marcella, viduarum, exemplar, ora pro me, ut tempestivè relinquam quidquid mihi morienti molestum esse potest. omniaque, ac singula ita agam, quasi in ipso opere sim moriturus. Hoc idem, pag. 10.

FE.



FEBRUARIUS.

1. FEBRVARII.

S Ignatius Antiochia Episcopus pro Christo vincens, & ad bestias damnatus agebat: Nunc incipio Christi esse discipulus. Ignis, crux, bestia, tota tormenta Diaboli in me veniant, tantum, ut Christo fruatur. In ejus corde post mortem repertum est nomen JESU: hinc agebat, non posse se aliud loqui, quam JESUM. Ex abundantia cordis os loquitur.

S. Ignati, inscribe & mihi nomen JESU, ut constanter assuescam inter prospera, & ad-

44 *Februarius.*

adversa elevato ad JESVM,
& MARIAM, corde ignita
in coelum amoris jacula e-
vibrare, & si vel nunc inci-
piam esse Christi discipulus,
ut & vita mea, & morte mea
JESVM, & MARIAM lau-
dem, amem æternum. Hoc
idem, &c. pag. 10.

2. FEBRVARII.

*Postquam impleti essent pur-
gationum dies, ingressa MA-
RIA templum, JESUM per-
manus Simeonis Patri æterno
obtulit: & gladium doloris per
Simeonis vaticinium recepit.
DEO charus non est, quem non
affligit.*

O purissima Domina mea,
dulcissimum amarissimi ago-
nis solatium! da morienti
mihi

Februarius. 45.

mihi JESUM, & sic me servum tuum cum Simeone in æterna pace dimitte. Non recuso longum illum purificationis meæ diem in purgatorio: mallet tamen DEI amore, quàm pro pœna culparum illum pati. Nunc, igitur, illumina me, accende me, & purifica me. Hoc idem, &c. pag. 10.

3. FEBRUARII.

Sanctus Blasius Episcopus nec minis, nec blanditiis adduci potuit, ut Diis sacrificaret; tandem virgis cæsus, & in equuleo ferreis pectinibus laniatus, caput pro Christo dedit, ut ab Angelis coronaretur. Nemo coronabitur, nisi qui legitime certaverit.

S. Bla-

46. *Februarius.*

S. Blasii, ora pro me: ut ita in hac vita inter diaboli tentationes certé, ut felix hinc ad coronam, non ad penam egrediar; & intrem in gaudium Domini tui, ac mei.
Hoc idem, &c. pag. 10.

4. FEBRVARII.

S. Theophilus Confessor, ut officio restitueretur, D E O, DEIQUE Matre ejurata, dæmonis fit mancipium. Sentiens fœditatem criminis, quadraginta dies, noctesque Maria supplex, recipitur in gratiam, & triduo post felix in templo animam exspirans, per Mariam in cœlum intromittitur. Vis cœlum intrare? ad MARIAM pulsa: MARIA cœli janua est.

S. Theo-

Februarius. 47

S. Theophile, pulsa pro
me celi januam **MARIAM**,
ut dum vivo, constanter
MARIÆ, & ejus Filii
mancipium permaneam, &
moriturus eam habeam pro-
pitiam, & per ipsam in gau-
dium Domini introducar.
Hoc idem, &c. pag. 10.

5. FEBRVARII.

S. Agatha Virgo eligens bu-
mitem, & servilem Christiano-
rum vitam præ Regum opibus,
& superbia, & malens Virgo
mori, quàm nupta viveres co-
laphos, candentes laminas in-
equuleo, acutas testas, vivos
carbones, & mamillam abscin-
di sustinuit. Tandem inter pre-
ces ad cælum migravit. Annon,
qui se humiliant exaltantur?

S. Vir-

48 *Februarius.*

S. Virgo, & Martyr, Aga-
tha, tuis precibus mihi im-
petra, ut dum vivo, eligam
cum Christo humiliati,
quàm cum mundo regnare,
& ita merear exaltari in cæ-
lis, ubi tecum, & cum
Christo æternùm regnem,
& triumphem.

SS. Joannes, Jacobus, &
Paulus veri JESU socii, pro
quo cum aliis pluribus Nanga-
sachi in Japonia crucifixi sunt,
& lanceis confossi. Qui Christi
esse cupiūt, crucifigi nō timeāt.

Orate pro me, SS. Marty-
res, ut vivus, & moriēs Chri-
sto crucifixus sim cruci:obe-
diens illi usque ad mortem,
laudans illū etiam post mor-
tem in beata Crucis amico-
rum

Februarius. 49

rum, ac discipulorum æternitate. Hoc idem, pag. 10.

6. FEBRVARII.

S. Dorothea Virgo, & Martyr post tormenta ad gladium itura rixit, quia ad Sponsi hortos se abire aiebat: rixit hæc Theophilus Scholasticus, & è Sponsi illius horto recentes in Februario rosas, flores, & poma petiit: misit illa mox per cœlestem ephœbum, & in Sponsi odorem Theophilum traxit. Tam dulce cœlum est, ut qui illud cogitat, tormenta rideat.

Sancta Virgo, ora, ut per spinas, & molestias vitæ hujus penetrem ad æterna illa viridaria sponsi tui, ubi sim æternùm Theophilus, hoc est, DEI amans in paradiso

50 *Februarius.*

diso DEI mei . Hoc idem ,
&c. pag. 10.

7. FEBRVARII.

- *Sanctus Theodorus Martyr*
lares, quos Licinius Imperator
ei adorandos obtulit, confregit,
et pauperum prædam fecit :
ideo in crucem actus, puero-
rum sagittis est scopus factus :
sed solutus ab Angelo, gladio
cecidit. Prius quàm in pugnam
descenderet, audiit è cælo: Ma-
cte Theodore, ego tibi ade-
ro. Effe cum DEO, ut DEVS
tecum sit: et securus eris.

- *Adesto mihi morienti u-*
nà cum Angelo tuo, sancte
Theodore, ut igneæ damo-
num sagittæ mihi non no-
ceant: & pro me ora, ut in
supremo mortis agone se-
mia-

Februarius. 51

in ianimum me auiment JE-
SUS, & MARIA: ut vin-
cam, & vobiscum fim in bea-
ta æternitate. Hoc idem, &c.
pag. 10.

8. FEBRVARII.

*S. Marina Virgo cum Patre
asceterium ingressa Marinus
audiit. Accusata tamen à
puella stupri illati, tacuit: se-
ptis religiosus ejecta, & quinto
post anno recepta calumniam,
tulit, usque dum mori deter-
sit, quæ Marinam detexit.
Innocentia premitur, non op-
primitur.*

O Sancta Virgo, impetra
mihi, ut non timeam ab hu-
mano, timeam autem à di-
vino judicari die; & possi-
deam in patientia innocen-

52 *Februarius.*

tem animam , & innocens
compaream pro tribunali
DEI, qui judicabit & illum,
qui patitur, & illum, qui in-
fert injuriam . Ille innocen-
tem dicat , & habeo satis .
Hoc idem, &c. pag. 10.

9. FEBRVARII.

*S. Apollonia Virgo sub De-
cio ut Christum teneret , passa
est sibi a malis confractis dentes
evelli. In rogam insuper, quem
minabatur lictor , ni Christum
abjiceret , sanctiore intus igne
inflammata seipsam iniecit, &
in cœlum evola vit . Bene per-
dit corpus , ut non perdas ani-
mam .*

Ora pro me, Sancta Virgo,
ut bene penetrem, præstare,
ut hic patiatur corpus mo-
men-

Februarius. 53

mento uno dolorem parvulum, quàm post mortem cum anima dolores maximos & æternos. Ora, ut hic bene patiar, & bene moriar: ut ibi vivam æternùm, ubi nihil molestum patietur corpus, vel anima. Hoc idem, &c. pag. 10.

10. FEBRVARII.

S. Anstreberta Virgo, ut Christo Sponsa fieret, nuptias fuga elusit, aquas, ne fugam sisterent, casto, & sicco pede transiit. In Cænobia Paulatensi Virginum Mater, animam agens, quos illa Cœlites in auxilium vocabat, obvios videt. Dum vivis Cœlites cole, & vocatos obvios habebis, dum morieris.

C 3. Te,

54 *Februarius.*

Te, ò Sancta Virgo, nunc
cum illis invoco : ad sis mihi
in illo puncto, in quo verti-
tur omnis cardo spei meæ ;
Adsint tecum ii, qui tibi mo-
rienti adfuerunt Coelites, &
Coelitum omnium Rex Je-
sus, Regina Maria ; quos
ego unâ tecum nunc ama-
re semper cupio, ut cum il-
lis merear Deum æternum
videre. Hoc idem, pag. 10.

II. FEBRVARII.

*S. Victoria Virgo bis trium-
phavit : semel, càm mortali
sponsi in amplexus ruente, è
summo tecto præcepit abiens in
templum, seque D E O devo-
vens Hymenæum vicit. Iterum
càm pro Christo mortem obiens
vicit Diocletianum, & Maxi-
mi-*

Februarius. 55

minianum Impp. Sic triumphans in terris, quidni triumphet & in coelis?

Tuis me precibus subleua, ô Victoria, ut pro anima mea, & Christi honore pugnans semper vincam, & maximè quando in ultimum agonem descendam, ut victor abeam ad æternos triumphos. Hoc idem, &c. pag. 10.

12. FEBRUARII.

S. Antonius Episcopus primas literas à Spiritu Sancto didicit, cui pro Minervali se ipsum dedit: cum Dei cultui se totum inter Monachos dedit: inquam virtutis scholam è mundo & Patrem pellexit: qui grandævus à filio vitæ sanctioris rationem didicit. Nemini

C 4 hic

56 *Februarius.*

hic Magister deerit, nisi qui sibi ipse defuerit.

Sancte Antoni, ora Magistrum tuum pro me, ut illa, quæ nescio, ita me scire, & illis, quæ scio, me sic uti, ita vivere, ac mori doceant, prout verum Spiritus Sancti discipulum decet. Hoc idem &c. pag. 10.

13. FEBRVARII.

B. Jordanus è D. Dominici familia sic B. Virgini familiaris erat, ut non semel ipsa sceleratos ad istum mitteret persanandos: quam ipse vidit in ara præhensa filioli manu ad illa verba (Gloria Patri, &c.) omnibus benedicere. Vis à Virgine benedici? non cessa de ipsa, & filio dicere bene.

B. Jor-

Februarius. 57

B. Jordane, ora pro me
Virginem inter mulieres be-
nedictam, ut mihi viventi, &
morienti, seu repente, seu
aliter moriar, etiam ipsa
cum prole pia benedicat.
Hoc idem, &c, pag. 10.

14. FEBRUARII.

*S. Auxentius Abbas in Con-
cilio Chalcedonensi verbis, &
miraculis Divinitatem Christi,
& Christi paræ Virginitatem
propugnavit. Tanta fuit pa-
tientia, ut scaturientes è tabi-
do corpore vermes, si excide-
rent, ceu gemmas reponeret.
Cælo non est aptus, quem non
patientia aptat.*

Doce me, S. Auxenti, ut
pretiosos faciam dolores,
qui mihi per vitam omnem

C 5 ob-

58 *Februarius.*

obveniant: ut ita habeat cor-
ram DEO pretium omnis
actio mea, vita mea, mors
mea. Sciam, obsecro, pati,
sciam vivere, sciam mori.
Hoc idem mihi impetra fan-
cte Valentine Episcopo pro
Christo capite plexe, nunc
Epilepsiæ Thaumaturge, &
vos, &c. pag. 10.

15. FEBRVARII.

*S. Faustinum Sacerdotem,
& Jovitam Diaconum fratres
acerbissimis tormentis per totā
Italiam, igne, bestiis, mari
gloriosos, Brixia, quæ eos genuit,
gladio coronavit. In carcere,
dum aliis SS. Eucharistiam mi-
nistrarunt, ipsi Angeli mini-
strarunt. Ad aram Angeli ser-
viant: & hominem pudeat?*

O ter

Februarius. 59

O ter Sancti Fratres, pro
me orate, ut ego & vos An-
gelos habeam, & adjuutores, &
administros: ut ex hoc car-
cere non exeam, nisi SS. Via-
tico munitus, & ad eam, quā
Christo, & vestro sanguine
emistis, transeam immortali-
tatem. Hoc idem, pag. 10.

16. FEBRUARII.

*S. Juliana Virgo, quod Eleu-
sum Gentilem nollet habere
sponsam, experta est Judicem,
& Carnificem. Daemonem spe-
cie Angeli boni mala suaden-
tem vinculis ipsa suis ligavit
& flagellavit. Ad flammās da-
mnata eas lacrymis extinxit,
& leberem ferventis aquæ pre-
cibus dirupit: caput denique
pro Christo dedit. Suggestiones*

C 6 non

60 *Februarius.*

non admittes, & Daemonem superabis.

S. Virgo, ora pro me, ne me arte ulla unquam fallat Angelus tenebrarum, præcipuè in morte cum æternitate luctantem. Tu illum alliga, ut plus tua pro me oratio efficiat, quàm quicquid aliud contra me. Hoc idem, &c. pag. 10.

17. FEBRUARII.

S. Sabinus Episcopus ex senio cecus, hominum tamen cogitationes, & corda vidit. Cacitatem tam patienter tolit, ut post mortem mereretur æternum Deum videre. In patientia nimirum animas possidemus, & Deum.

*Ora pro oculis cordis mei,
San-*

Februarius. 61

Sancte Sabine, ut sint simplices : ora, ut ea, quæ corpori molesta sunt, libenter feram, quia à Deo sunt : ora, ut ita moriens oculos claudam, ut iis videam æternum Deum Salvatorem meum . Hoc idem, &c. pag. 10.

18. FEBRUARII.

S. Simeon, Jacobi Jerosolymis successor, Christi se propinquum verè probavit, cum centum viginti annorum senex mortem Crucis constanter obiit . Propinquum Christi crux probat .

Ora pro me, S. Simeon, **IESUM** crucifixum , ut mors illius morti meæ æternū sit solatium; ut ita Crucifixi amans hic vivam, & moriar
in

62 *Februarius.*

in tempore , ut vicissim ille
me amet in æternitate . Hoc
idem, &c. pag. 10.

19. FEBRVARII.

*S. Conradus Placentinus ,
puritatem ut servaret , in ve-
pres se abiecit ; ut juvenem
sceleratum hasta è cælo conf-
gendum , preces suas objecit :
DEO animam flexis genibus
reddidit . Devotè moritur, qui
vixit devotè .*

*S. Courade , pro me ani-
mam agente etiam preces
tuas clypeum oppone , ne
prævaleat inimicus : & ora
pro me, ut dum vivo Deum
sic devotè orem, ut sequatur
devota mors ; in mortem verò
vita immortalis . Hoc idem ,
&c. pag. 10.*

20. Fe-

Februarius. 63

20. FEBRVARII.

S. Eucherius Insulam Aurelianensem, quam nondum nato Angelus promisit, à Carolo Marcello Rege accepit quidem, sed ab eodem ea spoliatus, postjussus est Colonia exulare: ab exilio migravit in Patriam Sæctorum, sed vidit prius Carolum cælo exulare in inferno, quod sacris manus iniecisset, Quam dispar utriusque vita, tam fuit dispar mors.

Sancte Eucherî, gratulor tibi, beatam illam æternitatem te possidere, qua Carolus excidit, & infelicem illam te non timere, in quam Carolus incidit. Verùm inter utrumque ego sum mediûs, & dubius, illam spero, hanc

64 *Februarius.*

hanc timeo . Ora pro me, ut
ita moriar, ut illam habeam,
quam spero , non illam ,
quam timeo. Hoc idem, &c.
pag. 10.

21. FEBRVARIJ.

*S. Mauritius Apameæ in Sy-
ria ductor cum militibus suis
uncos primùm, equuleum, fla-
gra, flammæ, & tela pro Chri-
sto perpeffus, dein Photinum
filium prope paludem ad palum
alligatum vespis, muscis, &
sagittis confodi coram vidit .
Denique cum sociis ipse melle
linitus, à vespis ad mortem
confossus est . Hoc denique est
militem esse fortem, si & pro
Christo scias mori .*

*Adesto cum filio, & copiis
eius mihi morienti, & ora
pro*

Februarius. 65

pro me, S. Mauriti, ut certanti mihi adsit Imperator noster JESUS, & in ultima pugna victorem faciat, & inter victores suos censeat in æternitate. Hoc idem, &c. pag. 10.

22. FEBRVARII.

S. Petrus Damiani Juvenis a fratre natu maximo porcis pascendis adhibitus, dein ab altero fratre literis admotus sic profecit, ut eas doceret. Sed memor injuriarum mundi, eum averfatus, inter Anachoretas se abdidit. Cur non ludis mundum toties tibi illudentem?

S. Petre, juva me precibus tuis, ut mundum toto corde averfari possim, quo mundus ex hoc mundo evolem
ad

66 *Februarius.*

ad eum, cujus regnum non
est de hoc mundo, & tecum
illum æternum laudem. Hoc
idem, &c. pag. 10.

23. FEBRVARII.

*B. Nicolaus à Christo coram
audiens. Nicolae, sequere me:
promptè est secutus. Fuit Chri-
sti, & B. V. amans, ut ali-
quando undecies millies Pater,
& Ave recitaret. Si amas,
non pigat diù orare.*

Ora pro me, B. Nicolae, ut
in omnibus DEUM me vo-
cantem promptè sequar, &
ita Pater ad Patrem Deum,
& Ave ad Dei Matrem oré,
ut & Patris illius, & Matris
bonus filius vivam, & mor-
tiar. Hoc idem, &c. pag. 10.

24. FE-

Februarius. 67

24. FEBRVARII.

S. Matthias Apostolus in locum reprobis Judæ electus est, quando fors illa felix supra eum cecidit. In Æthiopia tunc Christum predicavit, pro Christo lapidibus, & securi percussus sortem eternæ hereditatis adiit. Tali sorte quidnè digna sit vita, & mors talis!

O S. Apostole, sim & ego tam fidelis DEO meo usque ad vitæ finem, ne cadat super me fors reproborum, sed proborum, ut felici morte hinc in sortem Sanctorum veniam, quæ est fors filiorum Dei. Hoc idem &c. pag. 10.

25. FEBRVARII.

*S. Tarasius primò Consul
dein*

68 *Februarius.*

*dein Princeps, tum Archipræ-
sul Constantinop. In his tamen
honoribus pauperum nunquam
oblitus, quibus præter vestes
quotidie vel cibos è sua mensa
mittebat, vel sua manu mini-
strabat. Et plebejum pudeat?*

*Sancte Tarasi, charum ti-
bi fuit pauperum nomen; ec-
ce me pauperem, & maximè
in hora mortis egentem! Ora
ergo, ut in illo æternitatis
adeundæ articulo pauper-
culam hanc animam meam
in domum gloriæ inducat
Deus. Hoc idem, &c. pag. 10.*

26. FEBRVARII.

*S. Porphyrius Jerosolymis in
monte Calvarie Christum cru-
cifixum cum coram vidisset,
oravit: Domine, memento
mei,*

Februarius. 69

meis , dū veneris in regnum
tuum . Et Christi jussu latro
bonus osculum ei tulit ; Chri-
stus verò Crucem suam feren-
dam cum amplexu commenda-
vit . Crux Christi pignus est
amoris .

Memento, Sancte Porphy-
ri , quæso, etiam mei apud
Crucifixum JESUM ; jam
enim venisti tu in Regnum ,
tibi à Deo præparatum à cō-
stitutione mundi ; ut audiam
à Christo in agone meo . Ho-
die mecum eris in Paradiso .
Hoc idem, &c. pag. 10.

27. FEBRUARII.

*S. Athanasia Andronici con-
jux, cū hinc filios mortuos in
S. Juliani templo fleret, ab eo
docta est, iis cælum non inuide-*

re .

70 *Februarius.*

*te. Sic admonita, ut eodem
conuiteretur, omnibus opibus
in pauperes abjectis, cum ma-
rito in diversa cœnobîa abiit.
Relinque, quæ habes propter
Deum, & Cœlum habes.*

*Sancta Athanasia, ora pro
me, ut rebus hujus sæculi
non affigam cor meum: sed
ita per hæc temporalia tran-
seam, ut non amittam æter-
na. Hoc idem, &c. pag. 10.*

28. FEBRVARII.

*SS. Lupicinus, & Romanus
Germani, ambo Virginitatem
à teneris coluere, ambo à pa-
rentibus ad nuptias urgeban-
tur: sed iis mortuis ambo ad
Ereum concessere, ubi supe-
ratis demonum fraudibus mul-
tos ad Christi castra duxe-
runt.*

Februarius. 71.

*runt . A teneris assuescere ta-
tissimum .*

SS. Lupicine, & Romane,
orate pro me, ut nunc ita as-
fuescam vivere Deo, ut in
morte impugnantem me dæ-
monem vincam, & ad coele-
stia castra securus migrem.
Hoc idem, &c. pag. 10.

29. FEBRVARII.

Si est annus Bissextilis.

S. Maria, morientium tu-
tela: S. Angele à Deo mihi
assignate: Omnes SS. quibus
in morte Christus, vel Beata
Virgo, vel Sanctorum ali-
quis apparuit, & ad bene mo-
riendum juvit: Omnes SS.
qui eos, qui in horrèdo mor-
tis agone versantur, soletis
singulariter adjuvare, assisti-
te

72 Martius .

te mihi in agone meo, & ora.
te pro me, ut tunc mihi pro-
pitius appareat JESUS, qui
veniet me judicare . Hoc
idem, &c. pag. 10.



M A R T I U S .

1. MARTII.

Sanctus Siviardus Abbas
moriturus suos ad perseve-
rantiam, & gratie estimatio-
nem est hortatus, inquiens: Vi-
debit quivis, quàm bene no-
bis voluerit Deus . Mortui
anima, Sanctorum Petri, &
Pauli manibus visa est cælo
inferri. Dignus gratia non est,
qui estimare aut non novit, aut
non vult . S. Si.

Martius. 73

S. Siviarde, ora pro me,
ut æstimem semper gratiam
DEI, ut gratia DEI in me
vacua nō sit, sed plena sem-
per usque ad mortem, usque
ad beatam æternitatem: in
qua verè videbit quivis, quā
bene nobis voluerit DEUS.
Hoc idem, &c. pag. 10.

2. MARTII.

*S. Ceadda Episcopus ut in
iudicio extremo non timeret,
dum vixit id semper timuit.
Unde ad ventos, tonitrua, ful-
mina velut dei illius imagines
flevit. Morienti Angeli adfue-
re. Beatus homo, qui semper est
pavidus.*

S. Ceadda, impetra mihi,
ut Iudicijs divinis timeam in
vita, ut merear à te, & San-

D ctis

74 *Martius.*

Etis Angelis post mortem ad patriam illam deduci, ubi nullus timebit unquam. Hoc idem, &c. pag. 10.

3. MARTII.

S. Cunegundis Imp. Henrici Virginis Conjux Virgo, in Virginitatis testimonium nudis pedibus, & illæsis candenti ferro inambulavit. Post conjugis mortem, ut Virginitatem porro tueretur, mundo exivit, & Religiosa in Cœnobio vixit. Nusquam tutior Virginitas, quam inter Virgines.

Sancta Imperatrix, inveniam ego, per tuas, & S. Conjugis tui preces, gratiam, ut continentiam statui meo congruam fervem, ut aliquando tecum in æternitate vivam,

Martius. 75

vam, & Deum meum laudem. Hoc idem, &c. pag. 10.

4. MARTII.

S. Casimirus Polonia Regis Filius sic à teneris Castitatem amavit, ut cilicio uteretur pro purpura, & humo pro molli lecto. Summa hyeme nudipes noctu templa obivit. Mori Virgo maluit Juvenis, quàm non Virgo vivere senex. Centum, & ferè quinquaginta annis Corpus ejus incorruptum est repertum, una cum Hymno Mariano, quo Omni die MARIE laudes dixit. Amas Virgo esse? cave corpus tuum ames.

Sancte Casimire, scio quæ MARIE honori, & amori dixero, aut fecero, morientem me ad ipsam aternita-

D 2 tem

tem fecutura. Adsis ergo mihi dum vivo, ut corporis & animæ puritatem ita custodiam, ut *omni die Mariæ dicat mea laudes anima*, ut in supremo vitæ die ad sinum **MARIÆ** vadat devotissima. Hoc idem, &c. pag. 10.

5. MARTII.

S. Canon conjugem à parentibus obtrusam docuit Christo nubere. A S. Michaelē doctus, quomodo ad Baptismum, & S. Eucharistiam adiret. Non deerunt Angeli Magistri, si non desint homines discipuli.

Doce me, S. Canon, ad Altare sanctum accedere, prout à Magistro tuo didicisti, ut semper hoc Sacramento sic utar, ac si pro viatico

æter-

æternitatis illud moriēs sum-
merem ; Moriens verò eo
sic muniar , ut habeam felix
iter in itineribus æternitatis
ad eum,quem in Sacramen-
to adoro . Hoc idem , &c.
pag. 10.

6. MARTII.

*S. Coleta Virgo à S. Ioanne
Apostolo per annulum Christo
est desponsata , & ipse Chri-
stus ei Eucharistiam dedit : &
Martyrum omnium dolores, si-
cut optaverat, sensit. Moriens
à Christo velut sponsa in ca-
lum est deducta . Vis amari à
Christo ? ama amore ejus mul-
ta pati .*

Ora pro me, Sancta Virgo,
ut & ego amore JESU sic de-
sideré pati , ut in hora mor-

D 3 tis

78 *Martius.*

tis deducar in domū illam,
in qua qui habitant, beati
sunt: ut unā cum illa in sæ-
cula sæculorū laudem, qui
passione sua me redemit, IESUM
Christum. Hoc idem,
&c. pag. 10.

7. MARTII.

*S. Thomas Doctor Angeli-
cus feminam impudicam ar-
dētī titione fugavit: victor an-
te crucem orans ab Angelis bal-
theo est præcinctus, & omni post-
hac carnis molestia caruit in
unam DEI gloriam semper in-
tensus: unde post mortem stel-
lato pectore gloriosus apparuit.
Et quid sit dignius Deo, quo
collimet homo.*

O Angelice Doctor Tho-
ma! impetra quæso hanc
stel-

stellam tam puræ intentionis cordi meo, ora pro corde meo, ut ne sinat illud IESU, & MARIA ullo unquam crimine maculari; sed sit ad IESU crucifixi, & Mariæ gloriam vita mea, mors mea, æternitas mea. Hoc idem, &c. pag. 10.

8. MARTII.

S. Philæmon in theatro Christianorum tam dextrè egit, ut Christianus mox fieret. Quare pro Christo flagra, & sagittas innoxie tulit. Tandem sanguine suo meruit baptizari. Utinam, vel Christiani personam suam sic agant?

Ora pro me, S. Philæmon, ut in rebus salutis meæ non nuger, sed seriò agam nego-

D 4 tium

tium æternitatis meæ. Obsecro, ferio, & bene agam personā hominis verè Christiani, ut illa demùm æternitate coronetur, quæ non datur, nisi qui Dei obsequiis ferio se impendunt. Hoc idem, &c. pag. 10.

9. MARTII.

Santa Francisca Romana ob vite innocentiam, & austeritatem Angelo suo tutelari, Christo passo, & Mariæ tam fuit familiaris, ut hæc ei in sinum dederit Jesum, Jesus comedenti, & decumbenti assederit, Angelus semper spectabilis fuerit. Non habet Celitum familiares, qui renuit mortificari.

Iuva me, Francisca felix.

Fran-

Martius . 81

**Francisca Angelica , Fran-
cisca I E S U , & M A R I Æ
amabilis , per mortificatio-
nem mereri , ut adsit mihi &
comedenti , & decumbenti ,
& semper , & denique mo-
rienti , & æternitate viventi
I E S U S . Hoc idem , &c.
pag. 10.**

10. MARTII .

*SS. Quadraginta Martyres
Sebasteni frigidissimo celo in
lacu gelurigente positi ad Deū ,
orarunt , ut sicut 40. ingressi
essent , sic 40. coronarentur .
Sed missas cælo coronas solum
39. dum miratur janitor , unus
eorum in balnea propè litus sta-
tuta desiluit ; in cuius locum ipse
ingressus , cum ijs fractis cru-
cibus quadagesimam meruit .*

D

5

Ne-

82 Martius.

Nescis? sola perseverantia coronatur.

Impetrate mihi, ò Sancti Martyres, perseverantiam, ne unquam à DEO meo deficiam, sed ad finem usque perseverans, salvus sim sine fine. Hoc idem, &c. pag. 10.

11. MARTII.

S. Pelagia cum geminis filiabus Martyrium quaesitura Antiochiam abiens; ne pudorem perderent, è via in profluentem desilierunt, & illo haustæ sunt. Corpora simul decentissime tecta undæ ad litus exposuerunt. Vitam amas æternam? mortem ergo ut timeas temporalem.

Orate pro me, sancta Mater, & sanctæ Filia, ut ego
prez

pretiosam mortem quæram
per vitam pretiosam, ac tan-
dem inveniam pretiosam æ-
ternitatem. Hoc idem, &c.
pag. 10.

12. MARTII .

*Sanctus Gregorius Magnus
Papa, inter pauperes, quos ci-
bavit, Christum, & Angelos
meruit hospites habere. Gras-
sante Romæ peste, Beatæ Virgi-
nis Imaginem circumferens vi-
dit cruentum gladium abster-
gere, & in vaginam recondere;
& Angelos in aere Regine celi
cantantes de morte Victoriæ
audivit. Devotè Mariam in-
voca, & exaudieris.*

*Sancte Gregori, ora pro
me Reginam cœli, ut ea de-
votione in vita eam invo-*

D 6 cem:

84 Martius .

cem , ut per illam ad regnū
ejus perveniam , ubi æter-
nūm cantem Alleluja . Hoc
idem , &c. pag. 10.

13. MARTII .

*S. Euphrosina Virgo, Cruci-
fixum aliquando complexa, sic
in ejus amorem exarsit, ut spre-
tis Principis nuptijs se totam
in Cenobio devoveret : ubi mi-
ra abstinentia, & patientia ce-
lebris, à sponso in celum est
evocata. Pugna fortiter ut vin-
cas, & coronaberis .*

O patiar & ego libenter !
Ora pro me, Sancta Virgo ,
ut patiar; & ora, ut patiar li-
benter. Ora, ut libenter mo-
riar : sed in suavissimis am-
plexibus I E S U, & M A-
R I Æ. Hoc idem , pag. 10.
MAR-

14. MARTII.

*Sanctus Petrus Abbas vidit
Beatam Virginem præ laboran-
tium sudores abstergere. E mor-
bo factus monocolus gratias
DEO egit, quod oculum alte-
rum amisisset. Utrum melius,
cum uno oculo celum, quam
cum duobus gebennam intrare?
felige.*

*Ora pro me, Sancte Petre,
ut ita oculis meis utar, ut
non poeniteat, & ita pro Dei
& Deiparæ gloria laboré, &
fudem, ut in mortis ultimis
sudoribus Mariam etiam ha-
beam consolatricem. Hoc
idem, &c. pag. 10.*

15. MARTII.

*S. Longinus Centurio, Cbri-
sti*

86 Martius.

Pilatus aperuit, & liquorem effluentem oculis suis tum corporis, tum mentis habuit salutarem. Nam missis à Pilato, qui caput ejus præscinderent, hospitio exceptis prius, dein candidatus caput dedit ressecandum. Hoc didicit, cum Christum mori vidit.

Sancte Longine, ora pro me, ut quam viam ad cor IESU lancea aperuisti, eam ego suspirijs meis frequenter teram, dum vivo, ut moriens aliquando in illud Corpus spiritum meum expirem. Hoc idem, &c. pag. 10.

16. MARTII.

S. Torellus tertio galli humeris repente insidentis cantu monitus, Iuventutis sue turpitudines,

Martius . 87

dines, 40. annis sub dio in jejunijs, catenis, verberibus, in aqua gelida, trium tantum horarum quotidie somno, amare flevit, & maculas eluit. Non puduit te peccare, & penitere pudeat?

Sancte Torelle, juva me precibus tuis, ut me Deus gratia sua sic excitet, & roborret, ut agam dignos poenitentiae fructus, & tecum Angelis, de peccatore poenitentiam agente gaudentibus, associari æternum possim. Hoc idem, &c. pag. 10.

17. MARTII.

S. Gertrudis Virgo per Mariam cum lachrymis à Iesu peccatorum veniam, mortem, & æternitatem felicem petiit; & à
Ma-

88 Martius .

*Maria sinu Iesulus data manu
promisit dicens : eam à se , &
Maria nunquam deserendam.
Vis exorare Iesum , ora per Ma-
riam .*

*Ora pro me apud Deipa-
ram, S. Virgo, ut apud Filiū
suum mihi nunc periclitan-
ti, & in supremo agone ja-
cētī opem impetret, ut à pec-
catis mundatus merear hic
ab ijs nunquam deferi, & ijs
in æternitate sancta associa-
ri . Hoc idem , &c. pag. 10.*

18. MARTII .

*S. Eduardus Angliæ Rex ,
clam à Noverca, ut suo filio co-
ronam pareret , occisus , dum
venabatur , & in casa rustica
primum sepultus , dein in palu-
dem conjectus . Sed ubique ob-
libe-*

*liberalitatem hominibus Deo
sacris prestitam, vel luce inso-
lita, vel ignea columna DEUS
cadaver prodidit. Disce, quam
sit in liberales DEUS libe-
ralis.*

*sancte mi Rex, intercede
pro me, ut siue repentina, ut
tu, siue alia morte occum-
bam, occumbam sanctè, ut
Regi Regum DEO æter-
nùm unà tecum homagium
in sanctæ æternitatis Regia
præstem. Hoc idem, pag. 10.*

19. MARTII.

*S. Ioseph, Mariæ sponsus,
Iesu nutritus, plus quàm duo-
decim annos dulcissimè cum Ie-
su, & Maria conversatus, ar-
cana mira didicit. In eadem
secum domo, & mensa DEUM
Dei-*

90 *Martius .*

*Deique Matrem vidit , & lo-
quentes audivit, & denique in-
ter Iesum, & Mariam conso-
lantes , & ministrantes ulti-
mum agonem egit, & spiritum
exhalavit. Quis dulciorem sibi
mortem fingere velit , aut pos-
sit ?*

*Adesto, quæso, Sancte Io-
sephe, mihi morienti, & im-
petra, ut me in agone jacen-
tem , suspirantem , & expi-
rantem juvent, ultimum spi-
ritum colligant , & in æter-
num suum contubernium
recipiant I E S U S, & MA-
RIA . Hoc idem , pag. 10.*

20. MARTII .

*Sanctus Ioachimus Mariæ
DEI Matris parens , & Iesu
Filij Dei Avus beatissimus .
Asscm*

Martius. 91

*Assensum suum trifariam divisit :
partem templo sacram , alte-
ram egenis communem , ulti-
mam sibi, & familie reliquam
voluit . Testamentum hoc cælo
probatum esse ostendit filia ,
quam seni dedit . In calum, &
pauperes nemo frustra est libe-
ralis .*

S. Ioachime , ideo per te
Maria , & per Mariam IE-
SUS est mundo natus , ut
ego MARIÆ filius ado-
ptivus, IESU servus, & fra-
ter felici morte nascar cælo.
Ora & illum, & illam pro
me, ut non pereat in me Na-
tivitas, vita, sanguis, & mors
IESU. Adesto mihi morien-
ti, & me tecum ad JESUM,
& MARIAM filiam tuam
de-

92 *Martius.*

deduc. Hoc idem, &c. pag. 10

21. MARTII.

S. Benedictus Abbas libidinis incendiū in animo gliscens sanguine suo inter spinas nudus abjectus extinxit, ut nunquam viderit. Anima ejus sponsa instat ornata Cælum subiit, clamante cælo: Hæc via est, qua dilectus Domini Benedictus ascendit, Delectaris hac gloria? imitare vitam.

O dilecte Domino Benedicte, juva me precibus ac meritis tuis, ut ego nunc sim diligens, & benedicens Dominum, ut etiam fiam in vita, & post mortem dilectus, & à Domino benedictus. Hoc idem, &c. pag. 10.

MAR-

Martius. 93

22. MARTII.

S. Catharina Sueca S. Brigittæ filia, Virgo, & conjux: ut Virginitatem in tuto locaret, sese humi locavit pannis vilissimis tecta. Nil aggressa est (eiusd^æque auctor fuit aliis) nisi Dipare prius diceret Ave. Placeat tibi gratus Mariæ favor? placeat & devotio in Mariam.

Ora pro me unà cum Sancta tua Matre, ut omnia, quæ aggredior, invocata MARIA incipiam, & ea approbante perficiam: ut etiam MARIA me in supremo maximè lectulo decumbentem invisat, & juvet, quo æternum vivam, & Deum videam. Hoc idem, &c. pag. 10.

MAR-

94 Martius.

23. MARTII.

S. Otho è studioso factus miles, sub Lothario Imper. Primum pro Innocentio III. Papa Equitis titulum retulit: dein pro Alexandro III. Papa contra Frider. Imper. militans, ab hoc captus, carcerem, & vincula tulit. Sed invocatus D. Bernardus dormientem manibus hostium eduxit. Post hæc sub DEO contra se stipendium meruit: nunquam melius, gloriosius nunquam.

Sancte Otho, adesto mihi cum Sancto tuo Bernardo, ut quando mors ex carcere hoc me educet, in libertatem videntium, non in carcerem cæcorum educat: & impetra, ut ubi vincula hæc mea

Martius. 95

mca diruperit Deus, sacrificem illi hostiam laudis vobiscum in æternum. Hoc idem, &c. pag. 10.

24. MARTII.

S. Simon parvulus Tridentinus, menses vix dum 29. natus, à Iudæis forficibus concisus, acubus toto corpusculo punctus, distensus, varijs modis excarnificatus, crucifixus, morientis Christi Martyr victima factus est. Quam putas placuit Deo hæc innocens victima?

S. Puer, ad sis mihi morienti, & si pro Christo non potero, saltem in Christo ut sanctè moriar, impetra. Hoc idem, &c. pag. 10.

MAR.

96

Martius.

25. MARTII.

Hodie SS. Trinitatis nomine salutante Mariam Angelo, & Spiritu Sancto obumbrante in Virginis utero, est VERBUM CARO FACTUM. Verè dies lætitiæ!

Ave MARIA, gratia plena, Dominus tecum, Ancilla Domini, Mater DEI, in qua hodie Verbum Caro factum: esto mihi MARIA, impetra, ut in gratia moriar, o gratia plena! ut Dominus sit mecum, & ego cum Domino in æternum, o benedicta in mulieribus, ora, ut benedictus fructus ventris tui sit mihi viventi & morienti JESVS. Ita fiat, ò S. MARIA, Mater DEI,
Ma-

Martius . 97

Mater viventium & morientium , & prædestinatorum . Sancte Gabriel , saluta mecum , & pro me MARIAM . & doce me illam salutare , ut oret pro me , oret nunc , dum vivo : nunc , dum oro : nunc , dum sum in periculo damnationis æternæ , & nunc in hora , nunc in momento , nunc in sudore , tunc in agone mortis meæ . Hoc idem . &c. pag. 10.

26. MARTII .

S. Ludgerus Episcopus , parvulus etiamnum rogatus , quid toto die egisset , libros se vel scripsisse , vel legisse respondit . Et quo Doctor : Deo , aiebat . Hinc ad mortem usque orationibus , sacris lectionibus , concioni-

98 *Martius .*

*cionibus fuit intentus . Tanti
est , bono Doctore uti !*

Ora pro me, Sancte Lud-
gere , ut omnia , quæ tota
die, tota vita, & morte agam,
& patiar, Deo Doctore agā,
& patiar: ut in æternitate ibi
sim ego discipulus , ubi est
Magister meus Deus , Hoc
idem , &c. pag. 10.

27. MARTII .

S. Rupertus Vangionum E-
piscopus virgis per orbem cesus
in exilium actus, in Bojariam
venit, quam totam Christo sub-
egit. Epi Paschatis die post sa-
crum morienti, Angelis candi-
dati Alleluja accinuerunt . Si
cum Deo es , patria dulcius est
exilium .

Adesto & mihi cum An-
gelis

Martius . 99

gelis tuis, Ruperte; & mortem aliàs horrendam, tuo, Angelorumq; auxilio amabilem effice, ut uterque DEO nostro felix Alleluja æternum cantemus. Hoc idem, &c. pag. 10.

28. MARTII.

S. Guntramus Rex, ut plura sibi pro morte, & iudicio auxilia prepararet, in egenos, ac templa regias gazas profudit. Refudit dormienti thesaurum opulentissimum DEUS, quem ipse effossum in pauperes, & templa denuò effudit, ut thesaurum haberet in Cælo. Hominem vis habere debitorem? cur non & Deum?

Ora pro me, S. Rex, ut quidquid mihi morienti, vel

E 2 sola-

solatio, vel auxilio fore cognovero, id faciam & nunc serio in singulis, quæ ago, mihi thesaurizem thesauros æternos in aurea eternitate. Hoc idem, &c. pag. 10.

29. MARTII.

S. Mechtildis in carnem suam tam austera, ut & carne, & lecto, & vino, quoad vixit, abstinuerit. Ægram solata est Maria, & ei Eucharistiam Angeli porrexerunt. Qui vivunt in carne ut Angeli, quidni habeant ministros Angelos?

O Sancta Virgo, hæc mihi morienti solatia impetra, ut IESVM, MARIAM, & Angelos unà tecum habeam protectores: ut sine Eucharistia non discedā ex
hac

Martius. 101

*hac vita mortali. Hoc idem,
&c. pag. 10.*

30. MARTII.

*S. Regulus Episcopus ad a-
ram faciens, mortis S. Dionisii,
& sociorum nuntium per tres
columbas accepit, quæ trium
Martyrum nomina ore fere-
bant. Contra superstitionem
animosè bellum gessit. Signo
crucis pro clave usus, carceres
aperuit, & vinc-tos liberavit,
& dæmonibus terribilis exti-
tit. An non in cruce victoria?*

*Sancte Episcope, ora pro
me, ut nec nunc, nec in ago-
ne meo videat in me quid-
quam dæmon toties à te vi-
ctus, ut denique meum
etiam nomen, non inferna-
les corvi, sed columbæ cœ-*

E 3 lestes

102 *Martius.*

lestes ferant, & legar inter
Electos. Hoc idem, &c.
pag. 10.

31. MARTII.

Sanctus Guido Bertholdum
quendam in agone supremo ob
conscientiæ stimulos valde lu-
stantem, quod ei peccatum, li-
cet per oblivionem omissum, se-
verè obijcerent Dæmones, juvit,
& ut sibi redderetur, à Deo im-
petravit, riteque confessum ex-
piavit. Quis pro agone tã dif-
ficili non patronos quærat?

S. Guido, juva & me, ubi
me in difficili illo agone vi-
deris, ut in pace conscientiæ
puræ, & in pace Christi re-
quiescam. Hoc idem, &c.
pag. 10.

APRI-



APRILIS.

I. APRILIS.

S *Anctus VValericus puer pastor, & hortulanus tam innocens, ut aves, & vermicullos è manu sua pasceret. Spurciloquentie tantus osor, ut rigente bruma in edibus morari nollet, ubi Sacerdos, & loci praefectus feda loquebantur, abiit, at ille oculis captus, iste contabescens, poena dederunt. Non vis infici à spurciloquis, procul esto.*

S. VValerice; ora pro me, ut quidquid loquor, cogito, facio, purissimos Dei omnia

104 *Aprilis.*

videntis, & audientis oculos,
auresque non offendat. O
vivam, & moriar in Deo, co-
ram Deo, & propter Deum.
Hoc idem, &c. pag. 10.

2. APRILIS.

*S. Franciscus de Paula Mi-
nimorum fundator, virtutibus
quidem omnibus insignis erat,
sed potissimum charitate, teste
cælo, è quo ad ipsū globo igneo
inscripta Caritas descendit.
Eam sic arsit, ut ipse ignes sub-
lunares impunè tractaret, &
alios sancto amore inflamma-
ret. Hoc igne ardere, & pul-
chrum, & amabile est.*

S. Francisce, experiar &
ego ignes tuos. Certè si vi-
veres, Caritas tua non pa-
teretur, ut morienti mihi
non

Aprilis . 105

non adesses, si posses. Nunc
potes : O juva , ut ignis
DEVS, hoc est charitas, ita
me accédât, ut in me extin-
guat, confundat, & consum-
met omne , quo cum non li-
cet mihi Deum amare; & ut
in charitate vivam, in illa
moriar, eternùmque sim cha-
rus charissimo meo & tuo
Deo. Hoc idem, &c. pag. 10.

3. APRILIS.

*Sanctus Richardus ex pau-
pere creatus Episcopus, cum ho-
nore mores ut soles non muta-
vit . Vasis aureis, & argenteis
in pauperum annonam expen-
sis, agebat : præstare more pa-
rentis fictilibus cœnare, quàm
Christum in pauperibus esuri-
re . Moriturus à sacerdotibus*

E 5 ite-

106 Aprilis.

iterari sibi continuo voluit: Maria Mater gratiæ, &c. denique Crucifixi complexibus immortuus. Sic mori optas? sic vive.

S. Richarde, ora pro me I E S V M Crucifixum, & M A R I A M piissimam ejus matrem, ut ita tuo exemplo instructus vivam, ut aliquando inter I E S V M, & M A R I A M piè moriar, & tecum illis eternum associer in coelis. Hoc idem, &c. pag. 10.

4. APRILIS.

S. Theodolus Juvenis, & Agathopus senex, in carcere ab ipso Numine animati ad patientiam, ita pro Christo sieterrunt inter tormenta, ut Tyrannum in ruborem, in lassitudinem

nem dederint tortores. Si velit
te Deus pati; an putas, pruden-
ter renuis?

O Sancti Martyres, ani-
mate hoc miserum corpus
meum, ut pro DEO liben-
ter, & ubiq; patiatur: ut post
mortem felicem pro momé-
taneo, quod passum est, æ-
ternitate gloriæ induatur.
Hoc idem, &c. pag. 10.

5. APRILIS.

S. Vincentius è Divi Domi-
nici familia ab ipsomet Christo
morbo levatus, & jussus ad
pœnitentiam populos evocare.
Cui labori sic vacavit, ut
25000. Judæorum, totidem
Saracenorum Christo concilia-
rit: Christianorū verò 12000.
reconciliarit: publicè infamiā

E 6 40000.

108 *Aprilis.*

40000. *ad innocentiam redu-*
xerit. Tot spolijs triumphan-
tem, spoliare orcus castitate
contendit, sed frustra. Sic ille
cum Maria, & Maria cum il-
lo pugnavit, ut vinceret Vincē-
tius. Hoc est servum Dei gna-
vum esse, & fidelem.

Sancte Vincenti, accende
& cor meum, ut DEI amo-
re ardeat: & pro me ora, ut
nulli sit scandalo vita mea;
plurimis verò bono exem-
plo: ut mors, uti me viven-
tem ex hac vita eximet, ita
me det vitę beatę, & eternę.
Hoc idem, &c. pag. 10.

6. APRILIS.

S. Guilielmus ostenta sibi ab
Odone Abb. Crucifixi imagine,
ita amore ejus exarsit: ut reli-

870

Aprilis . 109

*Et o saeculo religionem petierit &
Morientem ad coronam prius
exhibita eduxit Christus. Quid
ni morientē ducat Iesus, quem
viventem habuit sequacem?*

*O sciam inspirationibus
parere divinis: sciam prae
mundo aestimare coelum!
Ora pro me S. Guilielme, ut
hoc unum me Iesus doceat,
ut sciam, & velim, & faciam;
ut vita mea sit expers saeculi,
& mors mea sit origo beatæ
æternitatis. Hoc idem, &c.
pag. 10.*

7. APRILIS .

*S. Hermannus Ioseph dictus,
sic a septimo ætatis anno Ma-
riam coluit, ut eum ipsa in
templo ad filiolo suo, & D. Io-
anni colludendum invitaret.*

Vt

110 Aprilis .

Vt in ediam suam levaret, saxum ei Maria monstravit, unde, quoties egeret, nummos premeret . A Maria sic amabatur , ut ei & sponsi sui nomen daret , & eum in sponsum acciperet . Maria nomen non nisi humi prostratus audijt : unde odoribus semper cœlestibus est afflatus . Tanti est sincerè Mariam amare .

Vtinam ego I E S V M , & MARIAM seriò amarem ! fortè mihi hactenùs blanditus , me ipsum decepi , quasi MARIAM amem . O curram jam seriò in odorem IESV , & MARIÆ ! Ora pro me Sancte Ioseph , ut morienti mihi sint solatio duo illa nomina , ut ubi in terra

Aprilis, III

terra felici morte prostratū
jacuerit pigrum hoc corpus
meum, odore cœlesti pascat
animam in cœlo D E V S .
Hoc idem, &c. pag. 10.

S. APRILIS.

*S. VVicterpus Episcopus post
martem D. Herculae Virgini
apparens, Christum à Pilato
ostensum exhibuit, & expave-
scenti dixit, sic eum laniari à
tractantibus, & sumentibus in-
dignè Eucharistiam. Sancta
sanctè tractari debent.*

Esto & mihi comes, Sancte
VVicterpe, cū aliàs, tum
maximè quando ultimò
accipiam illud viaticum, &
pharmacum immortalitatis;
ut IESVM in cœlo mihi
ostendens dicas: Ecce homo;

¶¶¶

112 *Aprilis.*

ecce Deus, & corde sancto illum aternis amoribus amemus. Hoc idem, &c. pag. 10.

9. APRILIS.

S. Maria Ægyptiaca, d' teneris veneri dedita, Hierosolymis in festo Exaltationis Sanctæ Crucis & Templo ter divina vi repulsa, ad Deiparam Mariam conversa aditum impetravit. A qua iussa Iordanem transiit, & quidquid homines inter peccarat, inter feras lachrymis eluit. Confide; propitium habes Iudicem, si Iudicis Matrem Patronam habes.

O magna Poenitens, impetra mihi à IESV per MARIAM, ut nunc seriò illa omnia amarè defleam, quæcunque amariorum reddere mihi

Aprilis. 113

mihi possunt, amarum aliàs
etiam agonem mortis meæ,
& non repellar, sed inducar
in templum æternum. Hoc
idem, &c. pag. 10.

10. APRILIS.

S. Macarius Patr. Ant.
Christi sepulchrum inuisens, à
Saracenis ad ossa usque lacera-
tus, pavimento tribus clavis
affixus, ignito supra pectus sa-
xo imposito, sed ab Angelis li-
beratus, in Flandria se cum so-
cio gemino lui pro urbe victi-
mam obtulit. Nil DEO cha-
rius, & nil in orbe charius
Charitate.

Eja, S. Macari, age, ut
ita me Angeli, ita tu, ita
Maria, ita Deus hic pere-
grinum juvet, ut semper ab
ani-

114 *Aprilis.*

animi peste omni sim immu-
nis : & sanus, ac æger, DEI
semper sim victima, simque
etiam moriens vivum holo-
caustum DEO. Hoc idem,
&c. pag. 16.

II. APRILIS.

*S. Guthlacus è nobili, & mi-
lite Eremita, Insulam ab ho-
minibus quidem desertam, sed
dæmonibus infestam habita-
vit. Risit vanas dæmonum mi-
nas, & vicit. Inde ab Angela
quotidie visitatus, & contra
insidias armatus. Latrare dia-
bolus potest: mordere non potest,
nisi volentem.*

Sancte Guthlace, age, ut
ita me per Angelum tuum
Custodem armet DEVS, ut
Angelo meo semper, dæmo-
ni

Aprilis. 115

ni nunquam vel in minimo,
quidquid suggerat, obediā.
& quotidie me die æterno
parem, & ibi cum Angelis
bonis, ac tecum ad mayo-
rem DEI gloriam æternū
triumphem. Hoc idem, &c.
pag. 10.

12. APRILIS.

*S. Alferus ad Regem Ger-
manorum Legatus a via aber-
rans, ad Regem Regum in Cœ-
nobium Cluniacense deflexit.
Hanc ei sortem invidens Dæ-
mon ex altissimo monte eum de-
iecit: sed incolumis demonem
risit. O te felicem, qui ut ad
Deum venias, mundo aberras;*

*Impetra mihi, Sancte Al-
fere, à DEO meo vires soli-
das, & DEI cordi affixum
cor,*

116 *Aprilis.*

cor, ut hoc velim, quod
DEVS vult, non verò, quod
Daemon, Caro, & Mundus,
præcipitare me volentes: at-
que ita me è lecto mortis
meæ ad coenam vitæ æternæ
invitet, & perducatur Rex æ-
ternæ gloriæ. Hoc idem, &c.
pag. 10.

13. APRILIS.

*S. Hermenegildus Rex ius-
sus à Patre Leovigildo Ariano
Catholicis sacris spretis se A-
rianum in Paschate profiteri,
cum nollet, in carcere vinctus
primum, dein ipsa Paschatis
nocte securi percussus. Disce
quousque Parentibus obtempe-
randum.*

Regie Iuvenis S. Herme-
negilde, doce me, ita huma-
nos

Aprilis . 117

nos respectus, timores, ac
spes omnes pro Deo, & eter-
nitate despiceres, sicut tu Re-
gis Patris iussa, & minas de-
spexisti; ut nullus dæmo-
num, nullus hominum, nul-
la creatura me à DEO meo
possit abducere: sed in illo
sperem, illum amem, illum
timeam, qui amorem, & ti-
morem omnem verè mere-
tur; in cuius manu & cælum
est, & gehenna, & postquam
corpus felici, vel infelici
morte occiderit. Tu mihi
felicem impetra: ut tecum
sim æternùm felix. Hoc
idem, &c. pag. 10.

14. APRILIS.

*S. Lydvina, ut castitati
forma non noceret, à Deo de-
for-*

118 *Aprilis.*

formari petiit. Audiit Deus votum, & eam morbis sic exercuit, ut nemini placeret, præterquam Christo. Sic triginta-octo annos exercita, adstante Jesu, & Maria cum Angelis migravit ad cælum. Placet Deo quisquis novit pati.

S. Virgo, quæso, illi felices tui erga Iesum, & Mariam amores, & dolores, pro me inter dolores mortis de salute incerto, ac trepido intercedant: ut Iesu, & Mariæ ope felix abeam ad illam, quæ sic amantibus præparata est, æternitatem. Hoc idem, &c. pag. 10.

15. APRILIS.

S. Calpida Virgo Regia furtivè ex Regis Patris mensa captivis

Aprilis . 119

ptivis Christianis cibos ferebat. Deprebensa, ut Patris iram evaderet, dixit, se rosas ferre: exhibere iussa, & ipsa, & parens cibos vidit in rosas conversos. Tam chari sunt Deo, quibus captivi pauperes chari sunt.

Tuis precibus, ò Sancta Virgo, mihi misericordem illum animum impetra, ut rosas hic mihi colligam, easque per pauperum manus præmittam in cælum, quibus me pauperum Pater IESVS coronet. Hoc idem, &c. pag. 10.

16. APRILIS.

S. Joachimus Confessor tanta in Deum, & proximum charitate flagrabat, ut Epilepsiam

ab

120 Aprilis.

ab Epileptico in se transferri à Deo impetrarit . Et ut plus amore Dei pateretur, vermibus absumi petiit, nec negatum . Male non moritur, qui libenter opera charitatis exercet .

Ora pro me, S. Ioachime, ut ea in omnes charitate sim quam à me postulat DEVS meus, & opera charitatis libenter exerceam : ut sic me vivum animet Charitas, & Deo Iudici, qui Charitas est, me sistat charitas. Hoc idé, &c. pag. 10.

17. APRILIS.

S. Helenus, è mundo prius, quàm pueritia exiit, tutius inter feras, quam homines victurus. Fejunia diu producèti demon escas obtulit : sed respuit,

ES

Aprilis. 121

Et dapes Angeli ministrarunt. Mundus, Et dæmon, etiam cūm benefacere videntur, cavendi.

Attende & mihi, ne qua arte vel dæmon, vel homo à dæmone substitutus inescare me possit, & morti me æternæ addicere: Dæmonis esca est, quidquid peccatum est. O jejunem ego ab his escis, ut post talia jejunia ad æternas epulas me Angeli sancti à morte abducant. Hoc idem, &c. pag. 10.

18. APRILIS.

Sanctus Ursmarus priusquā natus matri ostensus per scalam in cælum eniti. Paratus quotidie animas suomet sanguine cælo lucrari: patientia

F

ad-

122 Aprilis.

*admirabili, ceu Jobus, cœlum
conscendit. Nec facilior, neq̃
planior est via in cœlum, Pa-
tientia.*

O patiar & ego libenter,
ut patientia mihi scala sit,
qua moriens in cœlum ascē-
dam! ora pro me, ut ita in
patientia vivam, quò mihi
mors mea sit pretiosa in cœ-
lum scala, non præcipitium
ad infernum. Hoc idem, &c.
pag. 10.

19. APRILIS.

*S. VVernerus in agro Tre-
virensi ruri natus, 14. anno-
rum à Judæis crucifixus, tri-
duo excruciatu, è cruce ad
Paradisum abiit. Corpus in
speluncam abjectum ne lateret,
accensis multis facibus cœlum*

pa-

Aprilis. 123

parentavit. Cælo displicere non potest, cui placet pro Christo pati.

Roga pro me IESUM Crucifixum, parvule Crucifixe Martyr, ut ponat Crucem, & mortem suam inter mortem meam, & tribunal suum; & quod mihi deest, illud de tuo, ac suo sanguine suppleat, ut felicem æternitatem consequar. Hoc idem, &c. pag. 10.

20. APRILIS.

S. Agnes Politiana è S. Dominici familia, quindecim annos solo pane, & aqua vixit: à B.V. Jesulum, ab ipso crucem, quam portabat, in sinum tanquam amoris tesseram accepit. Ex Angeli manu sepe S. Eu-

F 2

cba-

124 Aprilis .

*charistia refecta . Morienti
Angeli adfuere . Quid mirum ?
Angelico more vixit .*

Exere , ò B. Agnes , vim
calidissimarum precum tua-
rum , & impetra mihi à MA-
RIA , ut semper JESUM in
corde habeam , ut sim totus
JESU , & totus M A R I Æ
in tempore , & in æternitate .
Hoc idem , &c. pag. 10.

21. APRILIS .

*S. Anselmus Cantuariensis
Episcopus ostendente Deo vi-
dit , mundum non esse nisi ceno-
sam plaudem , in qua homines
suas dilicias piscarentur . In-
dignum hoc ratus , ad religiosa
septa , quæ sibi instar regie
apparebant , transiit . Vis
mundus esse ? mundum fuge .*

San-

Aprilis. 125

Sancte Anselme, ora pro
me, ne immundus Mundus
me abyſſo inferni demergat.
Ora quaeso, ne in portu, hoc
est, morte, naufragiũ patiar
felicis æternitatis, sed ad il-
lud Regis Dei palatium in
æternitate perveniam. Hoc
idem &c. pag. 10.

22. APRILIS.

Sanctus Theodorus à DEO
puer adhuc sexennis ad suum
obsequium tractus, sed Mater
(Noverca potius) obstitit. Non
tulit Deus: per S. Georgium
stricto mucrone mortem mina-
tur matri, si à piis exercitiis
filium avocaret. Ne iratum
vis experiri Deum, cave san-
cta aliorum consilia impedire.

Exora mihi, S. Theodo-

F 3 re.

re, hanc à DEO gratiam, ut nihil me à DEO, & piis avocet. Pietas enim ad omnia quidem, sed ad mortem sanctè obeundam, vel maximè utilis est. Quare, obsecro, impetra mihi, ut piè, & cum piis vivam, & piè moriar. Hoc idem, &c. pag. 10.

23. APRILIS.

3. Georgius Tribunus cum Diocletiani tyrannidem palam damnaret, vincula, saxum ingens supino pectore, horridam cultris machinam, ferreas crepitas igne cādentes fortiter perpressus, se Christi militem probavit, & dato pro Christo capite coronatur. Aeternum non patietur, qui patitur pro Christo.

Fortissime Martyr Georgi,

gi, ora pro pigro hoc, & ad
dura pro æternitate sustinē-
da delicato nimis corpore.
Patiatur nunc, ne patiatur
æternūm; currat quò anima,
& Deus vult, ut cœlum, non
infernū comprehendat, ac
in morte à Christo corone-
tur. Hoc idem, &c. pag. 10.

24. APRILIS.

*S. Bona Virgo septennis, ut
pudorem servaret, suadente
Christo, stramine usa pro lecto,
cilicio pro veste, tres quot heb-
domadis dies solo pane, & a-
qua exegit, reliquis nonnisi le-
guminibus vixit. Pudorem vix
tuetur qui carni blanditur.*

Impetra mihi, ò Bona
Virgo, ut carnem meam se-
verè habeam, ne recalcitret,

128 *Aprilis.*

& à via celi me excutiat. Impetra mihi præterea, ut bona, & sancta vita me parem ad bonam, & sanctam mortem. Hoc idem, &c. pag. 10.

25. APRILIS.

S. Marcus Evang. Alexandrie ipso Paschatis die ad aram captus, nocte Angelo exhibente nomen suum in libro vitæ vidit: de quo cum gauderet, & gratias ageret, Christus pacem est precatus, ad quam altero die laqueo præfocatus accessit. Hæc pax nonnisi per adversa obtinetur.

Sancte Marce, exora & mihi pacem illam à JESU, pacem cordis, pacem vitæ, mortis, æternitatis, ut in albo Beatorum inscriptus, felici

Aprilis. 129

lici morte in Pace in idipsum dormiam, & requiescam æternum. Hoc idem, pag. 10.

26. APRILIS.

S. Basilus Episcopus dum Glaphyram Virg. protegit ne prostituatur, suam vitam prodigit. Fusus, aut fidem, aut caput ponere, hoc abjicit in cælo coronandum. O si quisque suum, ut hic alienum, tueretur pudorem!

Sancte Basilie, ora pro me, ut sic inter homines degam, ut & pudorem meum non prodigam, & alienum in periculum non adducam; ut ita felici morte defunctus in cælo merear coronari, & tecum æternum Deum cum

F 5 san-

130 *Aprilis.*

sanctis laudare . Hoc idem,
pag. 10.

27. APRILIS .

*S. Zita Virgo Ancilla mirè
in pauperis liberalis, ut cælum
emeret. Placuit Deo : unde pa-
nis frustula in flores , aquam
pauperi porrectam in vinum
convertit. Redeunti sub noctem
a templo B.V. & pontis, & ur-
bis portas aperuit . Quanta
felicitas ! da frustulum panis ,
& recipe cælum .*

*O Amem & ego paupe-
res , quia illos amari vult
DEUS ! Ora pro me, ut sub
vitæ noctem mihi adsit pre-
cibus tuis invitata MARIA
ad portas mortis, sitque mihi
ipsa cum JESU porta ad vitā
æternam, Hoc idem, pag. 10.*

28.

Aprilis . 131
28. APRILIS.

Sanctus Vitalis Miles , & Martyr SS. Gervasii , & Prothasii Pater, Ursicinum Medicum , ut Martyrium fortiter subiret , animavit, & ipse post equuleo tortus, terram, & lapidibus obrutus , quod alterum monuit , praestitit . Is enim , verè magnus est, qui quod alios docuit , ipse facit .

Sancte Vitalis , tuis apud DEVM meritis hoc mihi impetra , ut nec doctrina mea , nec vita alijs sit offendiculo ; sed quod alios doceo ipse faciam : ne alijs viam coeli ostendens , ipse aberrem . Hoc idem , &c.
pag. 10.

F 6 29.

132 Aprilis.

29. APRILIS.

*Sanctus Petrus Martyr è
D. Dominici familia, Zelosif-
simus contra Hæreticos Prædi-
cator, audire à B. V. meruit :
Ego rogavi pro te, Petre,
ut non deficiat fides tua. Ab
hæretico in odium fidei inter-
fectus. Quid obest hanc ob
causam odio haberi?*

Ora pro me **MARIAM**,
Sancte Petre, ut **IESVM**
pro me roget, ne vel in vita,
vel in morte mea ullo modo
deficiat, sed semper pro-
ficiat fides, spes, & chari-
tas mea : ut sic illius lateri
post mortem æternus cliens
adhæream. Hoc idem, &c.
pag. 10.

Aprilis. 133

30. APRILIS.

S. Catharina Senensis septennis à B.V. Christo desponsata, ut sponso similior esset, spineam præ aurea coronam eligit, & capiti impressit. Tu eligis coronari, & auro? cave.

Dilecta JESU Sponsa Catharina, impossibile est, ut impetrare non possis, quod voles à J E S U tuo, & tua MARIA: impetra ergo mihi, ut in hac vita eligam, cū Christo, & propter Christum affligi; ut aliquando in JESU Crucifixi, & MARIAE complexu puram animam in cœlo coronandam experem, semper tecum beatus futurus. Hoc idem, &c.
pag. 10.

MA-



MAJUS.

I. MAJI.

SS *Philippus, & Jacobus,*
 quorum ille à Christo
 Patrem sibi ostendi ardentè
 desideravit, & impetravit;
 postquam sub annum 54. in
 Scythia pro Christo crucifixus,
 & lapidatus est. Hic carne,
 vino, & ficera à teneris absti-
 nens, tam multus in orando,
 ut ex flexione genua callum
 obduxerint, cùm Hierosolymæ
 Episc. 30. annos fuisset, anno
 63. è templi fastigio dejectus
 mortem pro Christo obiit: quan-
 to putas gaudio!

O San-

O Sanctissimum par Apostolorum ! orate pro me, ut in abstinentia , oratione , & patientia ita secundum DEI voluntatem vivam , ut morienti mihi Jesus Magister meus ostendat Patrem. Hoc idem , &c. pag. 10.

2. MAJI.

S. Athanasius innocens calumniam passus à scæmina, vim sibi à S. Virgillatam , & ab Arianis , ab eo occisum Arsenium mentientibus , exul totum pene orbem pererravit: in cisterna annos 5. latuit: redux Alexandriam quatuor menses in patris sepulchro : mortuus in cælo vivit . Vis & tu animam tuam possidere in cælo ?
patere .

S. Præ-

136 *Majus.*

S. Præsul, impetra mihi hoc ad bene moriendum certissimum præsidium, patienter ferre quidquid in me machinatur mundus; ut post mortem experiar, quàm magna sit merces, quæ propter justitiam innocenter patientibus est promissa. Hoc idem pag. 10.

3. MAJI.

Debellato per Constantinum Maxentio, Helena dejecto Veneris fano, & statua, salutiferam Christi Crucem cum geminis aliis è terra eruit. Quæ Christi esset, docuit moribunda, cui attactu sanitatem reddidit. Thesaurum quaris? vel Crucem Christi, vel missam à Christo crucem accipe.

Cru-

Crucifixe JESU, da, ut tua Crux, sicut tibi pro me morienti mortualis fuit lectulus, ita mihi morienti æterno sit solatio: & quia illam ideo, ut me invenires, conscendisti, ne quæso me à facie tua perire permittas, sed fac, ut sim inter tuos æternum. Hoc idem, &c. pag. 10.

4. MAJI.

S. Monica Manichæa Hæresim mortuo filio Augustino tam copiosas lachrymas effudit, ut diceret Sanctus Ambrosius, fieri non posse, ut tantarum lachrymarum filius periret. Si matris lachrymæ pro filio tantum valuerunt: quid tuæ pro te ipso?

Ora

138 *Majus.*

Ora pro me, unâ cum S. Filio tuo, S. Mater, ut sim; & ego filius, non jam lachrymarum, sed orationum tuarum; sitque impossibile, ut filius tantarum precum inteream. Hoc idem, &c. pag. 10.

5. MAJI.

Hodie S. Monica lachrymarum fructum pepererunt: nam accedente tum lectione SS. Scripturarum, tum S. Ambrosii adhortatione, tum aliorum exemplo, producit Augustinum non posse, quod potuissent isti, & ista: & factus ex Manichæo Catholicus, ex Rhetore Doctor Ecclesiæ, ex mundi amatore summus contemptor. Et quid moras nectis in Conversione?

Do-

Doce me legere cum fructu Divinam Scripturam, & imitari Sanctorum exempla, ut sicut tu per ea ex morte deductus fuisti ad vitam, ita ego ex hac mortali vita deducar ad vitam æternam. Hoc idem, &c. pag. 10.

6. MAJI.

S. Joannes Damascenus, cum a Leone Iconomacho manus ei ob defensas SS. Imagines abscissa esset, coram Maria icone familiariùs quæstus integram accepit, quam deinde in Virginis laudes totam impendit. Tu tuam quomodo impendis? pudeat!

Porrigere mihi, S. Damascene, auxiliarem manum tuam, & pone me precibus tuis
ju-

juxta Mariam, & deinde cu-
jusvis manus pugnet contra
me viventem, & morientem.
Hoc idem, &c. pag. 10.

7. MAJI.

*S. Stanislaus Episcopus Cra-
coviensis, ut prædium à Viro
nobili pro Ecclesia emptum con-
tra adversarios defenderet, &
mortuum jam venditorem ex
tumulo ad Judicem duxit.
Cumque improbam vitæ licen-
tiam in Rege sæpe argueret, ab
eodem in templo occisus est.
Sic scilicet mundus remune-
rat.*

Corripe me, dum malè
ago, & adesto mihi mori-
bundo tua ope, non ut me
ad vitam hanc revoces, sed
ut ad æternam voces; sisque
ad

Majus . 141

ad propitium Iesu tribunal,
inde usque ad cælum comes.
Hoc idem, &c. pag. 10.

8. MAII.

*S. Michael Archangelus in
monte Gargano hodie ad spe-
luncam quandam, quo cujus-
piam taurus fugerat, nec inde
revocari poterat, apparuit; ubi-
que Deum in se, & ceteris An-
gelis coli velle docuit: unde ibi
templum ejus cultui est ædifi-
catum. Tu animam tuam ei
in templum extrue.*

*S. Michael Præposite Pa-
radisi, cujus oratio perducit
ad regna cœlorum, pro me
indefinenter ora, ut in ani-
ma mea semper vigeat cul-
tus tuus, mei Custodis, &
omnium Angelorum; ut in
mor-*

142 *Majus,*

morte vestro gaudeã auxilio, & post mortem vobiscum Deum laudem æternum. Hoc idem, &c. pag. 10.

9. MAII.

S. Gregorius Nazianzenus Athenas petens gravi tempestate jactatus vovit, si maris ũdas evaderet, se Baptismatis undis mersurum, & vitam inter Religiosos acturum. Reus voti factus, utrumque explevit, & celum petiit. Nimirum sine adversis celum non auditur.

Ora pro me, ut & ego hinc omnia agam, ita omnia patiar, ut Iesum æternum videam. Dicam ego moriens id, quod tu, cūm patereris, dicebas: *Et si ambulavero in medio umbræ mortis, non timebo*

mebo mala, quoniam tu me-
cum es. Hoc idem, &c,
pag. 10.

10. MAII.

*S. Glyceria Virgo càm Lam-
padophorica celebrarent, in pu-
blicum prodiit cruce frontem
signatā alia lampade sibi opus
esse negavit, quod dicto, & fa-
cto Jovis statua corruit. Ipsa
inter acerbissimas pœnas An-
gelum habuit consolatorem.
Verè nos Crucis pretium nesci-
mus.*

O Sancta Virgo, signa me
& in periculo Deum offen-
dendi, & in ultimo potissi-
mum agone, signo salutife-
ræ crucis; ut omnes Dæmo-
nis molitiones in nihilum
cadant, & ego securè Deo
ser-

ferviens ad æternitatis ducar triumphos. Hoc idem, &c. pag. 10.

II. MAIL.

S. Anthimus Presbyter propter Christum alligato ad cotlum saxo in Tiberim projectus, à coruscante Angelo liberatus est: multos ad Christum, & martyrium adduxit, quos denique & ipse capite plexus est secutus. Perfectus Dei amor solus esse non potest.

Impetra mihi illum perfectum amorem Dei, ut quotquot possum ad ejus amorem alliciam verbo & exemplo: sic confido, in hora mortis non defuturum mihi Angelum ejus, qui ex tenebris hujus mundi me in
lu-

Majus. 145

lucem perpetuam educat.
Hoc idem, &c. pag. 10.

12. MAII.

*S. Pancratius pater orbis 14.
annorum puer, ubi Romæ aquis
salutis à Pontifice tinctus est,
non diu latuit Diocletianum.
Raptus ad tribunal, maluit
vitam perdere, & Dei filius es-
se, quam Jovem adulterum (sic
eum vocabat) colore, & à Dio-
cletiano in filium adoptari. Et
hec summa sapientia est.*

Adiuvā nos precibus tuis,
Sancte Puer, ut quam exem-
plo docuisti, bene, & perfectè
discamus Cœli sapientiam;
omnia scilicet malle perde-
re, quam Christum: sit mi-
hi præ omnibus mundi deli-
cijs, & gazis Christus, ut in

G ipsius

146 *Majus.*

ipſius amore vivam, & moriar. Hoc idem, &c. pag. 10.

13. MAIL.

S. Ioannes Silentarius magnarum opum heres, Mariam ex aſſe heredem, extructo nobiliſſimo in eius honorem templo, vivus ſcripſit. Tanta fuit animi integritate, ut nudum ſequoad vixit, nunquam aſpexerit: qua verecundia B.V. ſummè charus fuit. Putas multos inveniet Maria hodie, quos amet?

Obſecro, S. Ioannes, inſtilla hãc animo meo virtutem, & in Mariam liberalem charitatem, ut ipſi ſim charus; quo ſpero fiet, ut mihi ipſa in ultimo agone aſſiſtat, & non ſinat, quem charum ha.

habuit, eò abripi, ubi amari
in æternum nō ampliùs po-
test. Hoc idem, &c. pag. 10.

14. MAII.

S. Bonifacius Rom. quòd
cum Aglae impudicè versatus
esset pœnitentiæ causa ad con-
quirenda SS. Martyrum corpo-
ra, & sepelienda peregrinatus
est. Tharsi Ciliciæ Martyrum
vincula exosculans, captus, in
tormētis Deo gratias egit. Pec-
casti? ne peras, plenè pœniten-
tiam age.

S. Bonifaci, in hoc mihi
benefac, quantumvis ini-
merenti, & quem vides tot
peccatis, & peccandi cōsue-
tudinibus quasi sepultum,
excita, quibus modis potes,
ad pœnitentiam, & tuis præ-

G 2 cibus

cibus adiuva; ut priusquam
hora ultima appropinquet,
dignos pœnitentiæ fructus
faciam. Hoc idem, &c.
pag. 10.

15. MAII.

*S. Dympna Regia Virgo a
proprio parente in thorum pel-
lecta, ut, & Virgo, & Dei spon-
sa maneret, ultra mare fugit:
sed etiam illuc Barbarus leno,
Pater penetravit. Cumque ad
scelus filiam movere non posset,
gladio peremit. Cadaver Ange-
li in candidissima marmorea
urna sepelierunt, & Virginis
nomen rubeo lapillo inscripse-
runt. Si Castorum funus cœ-
lum curat; quis Impurorum?*

*O age, castissima Virgo, ut
semper unâ tecum mortem
potius.*

potius eligam,quàm quodlibet peccatum. age ut hic mihi corporis, & anime puritas cordi sit, ut moriens ab Angelis porter in Cælû, & nomen meum in Dei pectore scriptum reperiam. Hoc idem, &c. pag. 10.

16. MAII.

S. Ubaldu Epicuratis duobus cecis, tertio idem roganti suavit, ut cecitatem mallet, quàm lumen, cordi tenebras allaturum. Ab infimæ sortis homine publicè ignominia affectus, pro vindicta ei osculum tulit. Pudeat eum, dices, animi tam abjecti: imò te pudeat animi tam malè Christiani.

Impetra mihi, S. Vbalde, & nunc, & in agone meo, ve-

rum cordis lumen , & contra omnes inimicos cor amicorum , ut illud & vivens , & moriens possideat Iesus. Hoc idem, &c. pag. 10.

17. MAII.

S. Torpes ex impia Neronis aula piissimus aulicus , quod precibus suis æmulam cælo machinam , qua Nero novus in terris Iupiter mortalibus illudebat , fregisset , factus ex aulico Martyr , & Cæli multò solidioris hæres . Stultus est , qui Cælum sibi fabricat in terris .

Apta me aulæ cælesti , ò S. Aulice , ne mihi Cœlum fragile , & vitreum in terris quæram : sed æternum in Deo mihi Cælum ita vivendo ædificem , ut animam meam

Majus. 151

meam post mortem meam
Cælo invehas. Hoc idem,
&c. pag. 10.

18. MAII.

*S. Ericus Sueciæ Rex, Chri-
sto regna lucrari studuit, Pa-
triae, & pauperum Pater dictus.
Æstus libidinis glaciali aqua
suffocavit. Cæsis bello hostibus
lachrimis ipse suis parentavit.
Hic verè rex est, qui se bene
regit.*

Ora pro me, S. Ericc, ut
sanctorum præclare facta ani-
mo generoso imitari nec tæ-
deat, ne pigeat; & ut in hoc
sedulò iucumbam, ut passio-
nes meas Christo JESU Re-
gi Regum subjugem, & mul-
torum cum his præliorum
Victor, in Cælo triumphem.

G 4 Hoc

Hoc idem , &c. pag. 10.
19. MAIL.

S. Ivo Jurisconsultus Christi in persona pauperis habuit convivam, panes orando auxit, morbos curavit, flammæ precibus extinxit, signo crucis per aquas sibi viam fecit, inter suavissimos Crucifixi amplexus ad Dei tribunal abiit suam causam acturus, & vicit. At quomodo ais? Pauperum dum vixit, viduarum, & pupillorum fuit Advocatus, his linguam suam non vendidit, sed eorum causas beneficiis, & Eleemosynis emit. Nescitis, o Iuris consulti, quàm sit bona pauperum causa!

S. Ivo, ecce animam meam pauperulam! habet hæc

hæc læsæ majestatis divinæ
rea causam difficilem apud
Deum agendam. Obsecro,
causam ejus suscipe: ut verò
feliciter tractare possis, im-
petra mihi illam tuam in
pauperes charitatem, ut illis
benefaciendo, multos ha-
beam apud Deum pro causa
mea intercessores. Hoc idè,
&c. pag. 10.

20. MAII.

*S. Bernardinus Senensis so-
la sua præsentia turpiloquia
compescuit, quando & alapa
in viro ea castigavit. Fœminas
omnes animo, præter Mariam,
delevit: hujus coronam tam ar-
tentè oravit, ut illa assidens di-
ceret: Bernardine, in hac devo-
tione multum mihi complacui.*

G 5 De

De JESU nomine tā ardentē dicere solitus, ut Jēsu nomen caput ejus illustraret. Quā proficua in Iesum, & Mariam devotio! sed quā paucorum.

Ora, ut & ego duobus his, Iesu, & Mariæ nominibus sim devotissimus, ita loquar cum Deo, mecum, & cum proximo, ita Iesu, & Mariæ serviam, ut me in morte non poeniteat vixisse. Hoc idem, &c. pag. 10.

21. *MAII.*

S. Hospitius in alta turris carcere voluntario, ferro gravis, squalore deformis, verminibus è corpore scaturientibus plenus, & orans, negabat, vel vermes sibi, vel alios cruciatus raves esse, quòd iis excitatur
ad

*ad Deum amandum. Tanti est
quomodo rebus utaris.*

Ora, ut sciam & ego uti
doloribus ad amorem Dei.
Crescant dolores, & crescat
Dei amor; ut sic per dolo-
rem, & amorem, ita ad mor-
tem perveniam, ut locum il-
lum, ubi nullus erit amor,
sed æternus dolor, evadam.
Hoc idem, &c. pag. 10.

22. MAII.

*S. Basiliscus miles videns
Theodori Cognati sui marty-
rium, erubuit, tot se pro Cæsa-
re Maximiano vulnera, pro
Christo tulisse nullum. Invita-
vit eū Christus ad pugnam: &
ferro soleatus, capite pro Chri-
sto minutus est. Non desunt pio-
rum exempla, vide tu nè desis,*

G 6

Ac-

156 *Majus.*

Accède me exemplis tuis,
sicut tu accensus es alienis,
Ora Iesum, ut & mihi det il-
lam patiendi sitim, ut me ad
certamen mortale accin-
gat, animet, juvet: ut ille
in me pugnet, vincat, ac
æternum triumphet Deus.
Hoc idem, &c. pag. 10.

23. MAII.

*S. Desiderius posito humano
respectu Regine impuritatem
corripuit: ideo contumeliam, &
exilium passus; A Christo ad
martyrium invitatus, pro per-
cussoribus suis oravit. Si homi-
nibus studes placere, servus
Dei non es.*

Intercede & pro me, ut
nullus me humanus respec-
tus ab æternis abducat. Al-
ta

ta illa , & maxima maximi
Dei principia mihi imprime;
ut illorum ductu id agam in
omnibus, ut me post vitæ fi-
nem ad primum omnium
principium Deum deducât.
Hoc idem , &c. pag. 10.

24. MAIL .

*S. Simon stylites , sexta
etatis anno in solitudinē sece-
dens cum cœlitibus familiari-
ter, nectare pastus, vixit . Ser-
xennio sic exacto Cenobium in-
gressus , sic profecit, ut à Ma-
gistro suo ad columnam invita-
tus , staret corpore , & anima
supra terram eminens . Sta ;
sed vide , nec cadas .*

Ora pro me , ut hic ita
stem, ut videam, ne cadam:
ut me oratione, & jejunio fa-
milia-

158 *Majus.*

miliarem celitibus reddam,
quorum solatia, & nectar in
morte prælibé, & post mor-
tem illis æternùm fruam. Hoc
idem &c. pag. 10.

25. MAII.

*S. Mutius latro, spoliatus-
rus Parthenonem somno oppres-
sus, ad tribunal sibi visus est
rapi, & ostendi inferorum pæ-
nas, nisi resipiscat. Unde aliam
vitæ rationem instituens, è la-
trone factus est virtutis Magi-
ster. & alii, ut se ad mortem
pararet, triennium impetravit.
Si latrones recepit, tu ne despe-
ra.*

Impetra & mihi lumen il-
lud, in quo peccatorū atro-
citatem, Judicem, & suppli-
cia vidam, deeam, & emens-
dem:

dē : ne imparatus hinc abripiar : sed cū optimè paratum me viderit, tunc me ad se venire jubeat Deus meus. Hoc idem, &c. pag. 10.

26. MAII.

*S. Philippus Neri*us à puero Virginitatem custodivit, jejuniis, vigiliis, & orationibus intentus. Charitate Dei cor ejus sic aestuabat, ut majus in pectore spatium per miraculū obtinuerit. Omnes amamus aliquid : cur non Deum ?

Utinam ad sanctum illum amorem rude hoc cor erudias, ut amet omnia, quæ amat Deus, & nihil nisi propter Deum, ut felici morte hinc emigrantem animam meam illuc, ubi tu es, videas ascen-

160 *Majus.*
ascendentem. Hoc idem,
&c. pag. 10.

27. MAII.

*S. Restituta V. non alteri,
quàm Christo nubere deside-
rans, Orcum corrivalem sensit;
sed fuga elusit dolos. Fugiens
bonum Angelum comitem ha-
buit, & in carcere, & inter
tormenta solatorem. Scorpio-
nibus pro Christo casa, cecinit
dicens, omnia sibi propter Chri-
stum dulcia esse. Si Deum
amas, nihil tibi difficile erit.*

*O fac mihi dulcia omnia,
quæ Dei sunt! Doce me, et
nuncia tota vita mea fugere
pravas Dæmonum fugge-
stiones: et ad me bonos ge-
nios mitte, ut cum his, et te-
cum apud Deum totam
æter-*

Majus. 161

æternitatem vivā post mortem . Hoc idem, &c. pag. 10.

28. MAII.

S. Germanus Ep. mortis sue ut semper esset memor, V. Cal. Iun. (quæ ultima dies fuerat) ad lecti spondam adscripsit. Expertus nimirum a primis annis, nunquam non de vita hominem periclitari: nam, modum nato Mater; nato a via venenum miscuerunt. Quidni omnem horam timeas, quando omnis ultima esse potest?

O sim, et ego ita semper mortis meæ memor, et vigil, et dormiens semper sim paratus: nec peto scire, quando moriar, nisi id velit Deus; sed ut sancte moriar hoc peto. et ut tu id roges ac
im-

162 *Majus.*

impetres , rogo. Hoc idem ,
&c. pag. 10.

29. MAII .

*S. Andreas de Chio Febri
astuans Mariæ castitatem vo-
vit , & sanitatem impetravit.
Constantinopolis inter dolores
pro fide sine dolores signo hoc u-
num dixit, MARIA juva me.
Vis à Maria diligi? dilige .*

Pro hos ego te dolorum
tuorum agones, et per Dei-
param Virginem , tuam ,
meamque Matrem , rogo ,
adsis mihi inter dolores ul-
timi agonis mei: et cùm ego
non ampliùs potero , clama
pro me : *Maria Virgo juva
eum.* Hoc idem, &c. pag. 10.

30. MAII

Majus. 163

30. MAII.

S. Isaicus, Valentini Imper, interitum vaticinatus, nisi defisteret Catholicos oppugnare: in vinculis detentus, donec ex pralio rediret Valens, veridicus invētus est, nec enim rediit. Morienti celi portas aperuit Deus. Ut & tibi aperiatur, esto servus fidelis.

Adesto mihi, obsecro, quādo iturus sum ad portas mortis, et ora pro me Deum, ut sicut tibi, ita et mihi morienti per tuas, et omnium SS. preces pateant Celi portæ. Hoc idem, &c. pag. 10.

31. MAII.

S. Petronilla V. S. Petri Flia inter ōnes morbos, & dolores Deo sēper gratias agebat.

Recu-

164 *Majus.*

*Recusato nobili matrimonio
precibus se totam impendit, in-
ter quas etiam accepta Eucha-
ristia expiravit. Sic mori cu-
pis? assuesce vivere.*

**Ora pro me, S. Virgo, ut
nullo mihi sit impedimento
corpus meum, et proximus,
quo minus in vita frequen-
ter, et devotè orem; ut ubi
corpus, et omnia deferam,
ad locum eum perveniam,
ubi Deum sine fine laudabo
Hoc idem &c. pag. 10.**



JU-



J U N I U S.

1. JUNII.

Simeon solitudinis aman-
tissimus, multum a De-
monibus passus; sed orationi-
bus, & jejuniis vicit. Quid
mirum toties nos vincis? tepide
oramus, & male jejunamus.

[Arma me contra omne id,
quod morienti mihi obesse
potest ad æternitatem. Ora,
ut oratione, & jejunio ten-
tatem me hostem ita sem-
per vincam, ut cum Dec, &
tecum in æternitate trium-
phem. Hoc idem, &c.
pag. 10.

2. JU.

166 Iunius.

2. JUNII.

S. Blandina V. à manè usque ad vesperam pro fide cruciata, inter dolores clamabat : Christiana sum, apud nos nihil sceleris admittitur. Inter bestias, & tormenta illaesa caput pro Christo dedit. Ab hac Virginis voce quàm procul absum!

O S. Virgo, ora, ut ita vivam, & ita moriar verè Christianus, ut nihil apud me, & nihil à me admittatur sceleris. Defende me, ne me irretire possit Dæmon, & impetra, ut non tradat bestiis meam hanc animam sibi confitentem DEUS meus. Hoc idem, &c. pag. 10.

3. JU-

Iunius. 167

3. JUNII.

SS. Pergentinus, & Laurentinus fratres, quod Christiani fustibus, & inedia vexati, se ipsos animarunt invicem, non presentia, sed aeterna ut timerent tormenta. Inter praesens, & aeternum, magna est diversitas: vide quid eligas.

Amem aeterna praehis, quae ad mortem stulta corda invitant; timeam aeterna praehis, quae hic terrent: et ita per mortem felicem ad vitam felicem inviter. Hoc idem, etc. pag. 10.

4. JUNII.

S. Quirinus Ep. innumeris tormentis cruciatus, Deum negare noluit, inquiens: à Deo se didi-

didicisse, pro immortalitate mortem contemnere. Quid de te sentias, qui non jam finis violenter tibi auferri Deum; sed sponte abjicis?

O quæso nulla creatura è corde meo eximat Deum! ut propter Deum et vitam, et mortem contempnis, ita moriar, ut in moriente corde meo se inveniatur Deus meus, et se cor meum in Deo meo inveniatur in æternitate. Hoc idem, etc. pag. 10.

5. JUNII.

S. Bonifacius Germaniam ad Christum multo labore convertit: ad labores à S. Michaelis Archangelo animatus. Tandem à Frisombus, quos Christo nuper genuerat, dum
eos

Iunius. 169

eos S. Chrismate uncturus adiit, cum 31. Sociis peremptus. Numquam Deus suis operariis deest.

Anima etiam me unà cum S. Michaelē, morientium advocato, in ultimo vitæ agone: ut fortiter contra hostes infernales pro Dei gloria pugnem, et à vobis in æternam gloriam deducar. Hoc idem, etc. pag. 10.

6. JUNII.

S. Norbertus Præmonstratensium Fund., & Archiepisc. Magdeburgi, quòd in pravorum urbis mores pro DEO liberè diceret, odia sibi peperit. Se suosque æternum Mariæ devovit: A Christo Crucifixo, cui imprimis erat devotus, edoctus de

H

Or-

>

170 Iunius .

*Ordinis sui progressu . Quidni
Crucifixum JESUM, & Mar-
riam ardentè diligo ?*

Commenda me Christo in
Cruce morienti, et Mariæ,
ut sim sicut oliva fructifera
in domo Dei mei, ut vivens,
et moriens sit cor meum
conscientiæ candore orna-
tum, et in paradisum æter-
nitatis in pace transferar .
Hoc idem, etc. pag. 16.

7. JUNII.

*S. Robertus Ab. lautè epula-
ri sibi visus, si in Paschate ave-
narium panem butyro adipa-
tum comedisset : Mortuus à
tribus Angelis cœlo visus est
inferri, nequidquam contra
latrantibus Daemonibus . An-
gelos fac habeas cōmites ,*

✠

¶ ridebis *Damonem latrantem*.

O S. Roberte, latrabunt et contra me morientem Dæmones, ut cœlo non inscribar: verum assiste tu mihi tunc cum Angelis tuis, et meo Custode; ut non prævaleant mali Angeli, sed à bonis ad bonam bonorum æternitatem deducar. Hoc idem, etc. pag. 10.

8. JUNII.

S. Medardus opum suarum, ex patrimonio, non alium usum habuit, quàm liberalitatem in pauperes. Puer pretextam suam cœlo donavit, ¶ ad matrem nudus rediens gessit, quòd Christum vestiisset. Morituro cœlum pandi est visum.

H 2 Si

172. *Iunius.*

*Si liberalibus in pauperes cœ-
lum aperitur ; profectò avaris
claudetur .*

*Amem, obsecro, pauperes,
ut me etiam Deus amet !
Aperiā erga illos cor , ut et
mihi morienti Deus aperiat
Cœlum , et animam meam
paventem contra infernales
vultures securè eò deducat.
Hoc idem, etc. pag. 10.*

9. JUNII.

*SS. Primus , & Felicianus
Fratres , pietate sua contra
Deos, patientia contra Tyran-
nos pugnarunt : Virgis plum-
batis, leonibus , & ursis vena-
tis , capite mulctati triumpharunt . Frustra triumphos ex-
pectas , si pugnare nolis .*

*O nobile par Fratrum: ani-
mate*

mate me in adversitatibus ,
ut patientia , et pietate me
JESU Crucifixi servú pro-
bem; ut in morte me ille vo-
cet ad coronam æternitatis,
ubi vobiscum triumphem .
Hoc idem, etc. pag. 10.

10. JUNII.

S. Margarita Scotorum Re-
gina, noctu non prius cubitum
concessit, quàm de SS. Triade ,
S. Cruce , B. V. Matutinum ,
certas preces pro defunctis , &
Psalterium Davidis percurrisset ,
& 6. pauperum pedes ab-
luisset . Manè 9. Infantulos
pauperes flexis genibus cibo
pascibat . Per diem cum Mal-
colino Rege Coniuge 300. pau-
peribus cibos ministrabat : ipsa
dein sola priusquam accumberet,

H 3 ret,

*ret, 14. pauperibus ministra-
bat. Sic peracta dies, putas,
perditur?*

Ora pro me, ut ego dies,
noctesque vitæ meæ sic tran-
sigam, ad Dei mei hono-
rem, ut per illos ego præpa-
rer, non ad noctem, sed diem
æternitatis inchoandum, ubi
hinc migrabo. Hoc idem,
etc. pag. 10.

II. JUNII.

*S. Barnabas Christi discipu-
lus, D. Pauli socius, cum
Christum Salaminæ, æternam
gloriam bonis, pœnas æternas
malis præparatus prædicaret,
lapidibus obrutus, & in ignem
conjectus est. O quam est glo-
riosus, qui pro fide moritur!*

Habe mei curam, S. Chri-
sti

Iunius . 175

ſti diſcipule , cum in ultimæ
infirmiſſimæ loci de-
cumbam; ut inde non ad eū
locum deſcendam , ubi om-
nibus omnium infirmitatum
tormentiſſimæ majores ſunt do-
lores, quia æterniſſimæ ſed amœ-
niſſimæ æternæ ſanitatiſſimæ
locum aſcendam . Hoc
idem, etc. pag. 10.

12. JUNII.

*SS. Baſilides, Cyrius, Na-
bor, & Nakarius milites Rom.
propter Chriſtum vincti, nec in
carcere , nec in tormentiſſimæ ceſ-
ſarunt Chriſtum prædicare .
Verus Chriſti ſervus homines
non timet .*

*SS. milites, ſicut exemplo
veſtro me docuiſtis homines
non timere, ſed potiùs eum,*

H 4 qui

qui potest corpus et animam
perdere in gehennam, ita
etiam precibus vestris mihi
impetrate, ut usq; ad finem
vitæ meæ timeam Deum, et
ei soli placere studeam. Hoc
idem, etc. pag. 10.

13. JUNII.

*S. Antonius de Padua seve-
rè pro concione in vitia inve-
ctus, multos à pravitate vitæ
revocavit: inde Dæmon ei in-
festus, nocturnè suffocare conatus:
Sed Mariæ nomine Dæmonem
fugavit. Quid tu agis?*

*S. Antoni, effice apud
Jesum, et Mariam, ut Ma-
ria à me Dæmonem,
suffocare me æternum co-
nantem, fuget, et Jesus
morienti unà cum illa mihi
be-*

Iunius . 177

**benignus assistat. Hoc idem,
etc. pag. 10.**

14. JUNII.

S. Basilus Magnus per Mariam impetravit, ut Julianus Apostata divinitus puniretur. Virginitatis florem orationibus, jejuniis, & studiis custodivit, ut illabatum tumultu inferret. Tu putas, tuam in otio, deliciis, & tempore custodies?

Illucesce mihi sub vespere, ac tenebras mortis meæ tuis meritis, et precibus discute; et me ex hoc deserto feliciter eductum deduc saluum in terram, imò in coelum promissionis. Hoc idem, etc. pag. 10.

S. Vitus admodum puer baptizatus: quòd egrè ferens Pater, ipse Filium Judici verberibus castigandum sistit: sed is flagra Christiana fortitudine sustinet. Dein mulierculis seducendus traditur: sed opæ celesti vicit. Romæ pro fide Martyrio affectus. Nec inter parentes semper tuta fides.

S. Vite, ora pro me, et impetra mihi illam animi fortitudinem, ut à recto tramite nec parentes, nec consanguinei, nec deliciae, nec minæ, avocare me possint: sed usque ad æternitatem curâ, in qua me coronet Iesus omnium bonorum remunerator. Hoc idem, etc. pag. 10.

Iunius . 179

16. JUNII.

S. Lutgardis V. non ignobiles habuit procos : sed corripulis Christus, ut sibi eam desponderet, in pectore cor suum sanctum ostendit, & ejus vulneris nectare potavit : Ex quo omnia ei humana vilescere, & nulli præter Crucifixi amores placere . Moritura Jesum, & Mariam sibi obvios habuit : Sperne mundum, & sapiet Jesus .

S. Virgo , ora pro me, ut ad talem mortem ita cor meum disponam , ut nil me delectet, nisi quod est secundum cor Iesu, et Mariæ ; ut crucifixi, et Mariæ amantissimus illos ad magnum illud iter duces habeam . Hoc idem, etc. pag. 10.

H 6

17.

180 Iunius .

17. JUNII.

S. Rainerius ad infames adolescentie scopulos naufragium innocentiae fecit : & noxius pudor fecit , ut poenitentiae tabula non enataret. Quare objurgatus ab Angelo , bona fide se reum peregit , cum tanto dolore , ut ex continuis lachrymis oculos perdiderit . Erubescis coram uno homine : O quid facies olim coram toto orbe ?

Ora pro me , ut ita sanctè , ita crebrò confessiones meas , dolore , et proposito solido animatas (non per superficiem tantum) institutam , quasi jam moriturus ; ne ultimum , idque gravissimum in morte naufragium faciam . Hoc idem , etc . pag . 10 .

18.

Iunius . 181
18. IUNII.

SS. Marcus, & Marcellianus fratres propter fidem in pedibus clavis confixi, diem noctemque in tormentis inter divinas laudes transegerunt, dicentes: nunquam se tam jucundè epulatos, quàm libenter hac pro Christo paterentur. Quàm malè epulabitur, qui propter mundum, Christum vel opere, vel verbo negat.

O ardeam et ego illo amore, ut tam libenter pro Christo omnia humana spernam, et injurias, et quidquid mundus intulerit adversi, patiar, ut æternum vobiscum ad mensam Regis cœlestis epulari possim. Hoc idem, &c.
pag. 10.

19. IU-

132 Iunius.

19. IUNII.

SS. Gervasius, & Prothasius
fratres distributo patrimonio
in pauperes, & servis libertate
donatis Gentilium Sacerdotes
in se concitarunt. Cumque ne-
gare Christum non vellent, hic
gladio, ille plumbatis enectus.
Malite oderunt? gaude: hoc
bonitatis tue testimonium est.

Impetrate mihi, O' SS. fra-
tres, ut ita semper vivam,
quo Deus et Cælites me
ament, licet totus mundus,
et omnes Dæmones oderint:
ut post talem vitam cum
Deo, et ejus amicis æternum
gaudeam, et Deum sine fine
amem. Hoc idem, &c,
pag. 10.

20. IU-

Iunius . 183

20. IUNII .

S. Sylvester Papa omni humano respectu altior , & constantissimi animi , à vero , & recto deduci nunquam potuit , ideo in exilio post multas ærūnas extinctus est . Quid juvat esse in patria , & exulare à Deo ?

Ora pro me , ut hoc exilium , quod habitamus omnes filij Adæ , non eijciat me in exilium æternum ; sed ducat ad patriam cælestem , ubi nobis Maria ostēsura est Jesum benedictum fructum ventris sui . Hoc idem , &c. pag. 10.

21. IUNII .

B. Aloysius Gonzaga ope Mariæ natus , adhuc Infans a-
sten-

*stendit , qualis futurus esset .
 Prima verba , dum fari ca-
 pit , dixit : Iesus , & Maria .
 Hanc , gradus ascendens in
 singulis salutavit . Vix audiit
 Iesum , aut Mariam dici , &
 mox in teneras lachrymas so-
 lutus , & in amoris tesseram
 Florentiæ coram ejus imagine
 Virginitatem vovit . Mariam ,
 sumpta Eucharistia , consu-
 lens de vitæ statu , audiit :
 Societatem Iesu ingredi . In-
 gressus , (sed post multas cum
 Patre pugnas) in ea instar
 Angeli vixit , & mortuus nul-
 lius gravioris noxæ conscius .
 Qui sic vivit , quidni letus
 moriatur ?*

*O Angelice juvenis , Iesu ,
 et Mariæ ardentissime ama-
 tor !*

Iunius . 185

tor, doce me ita tenero, et affixo coelo corde orare, ita Iesum, et Mariam ardentem amare, sicut tu: ita Iesu in Eucharistia, et Maria consiliarijs in omnibus agendis uti, sicut tu: ut moriens lætus illuc abeā, ubi unā cum illis es tu. Hoc idem, &c. pag. 10.

22. IUNII.

S. Paulinus, Iuvenis amplissimum patrimonium in pauperes distribuit: Episcopus Nolanus factus, omnibus in captivos liberandos expensis, se ipsum viduæ dedit in commutationem pro filio abducendum. Quid huic charitati dabit. Deus, qui etiam haustum frigida remunerabit.

Ora,

186 *Iunius.*

Ora, ne moriens abripiar
in captivitatem æternam :
Offer merita Dei Iesu, et tua
pro me: Solve vincula mor-
tualium tædiorum meorum in
in tædijs mortis meæ: Voca
me, vindica me, et duc me
hinc illuc ad liberos Dei.
Hoc idem, &c. pag. 10.

23. IUNII.

*S. Maria Ogniacensis Cruci-
fixum nunquam sine lacrymis
aspexit, nunquam coram eo si-
ne suo, vel aliorum bono oravit.
Centies quotidie genibus flexis
oravit, & trecentis plagis cor-
pus laceravit. Famine morien-
ti, & ob vestium luxum dam-
nandæ, cor penitens impetra-
vit. Quid non impetrat anima
Deo per orationem familiaris?*

O ne-

Iunius . 187

O ne patere me mori desolatum! impetra mihi orationis studium, et in hora mortis cor verè pœnitens, ut migrans hinc Spiritus meus, ad Iesum, et ad Mariam abeat, æternùm victurus in cœlo. Hoc idem , &c. pag. 10.

24. IUNII.

S. Ioannes Baptista in utero sanctificatus , Deum suum in Maria utero latentem agnovit, & in gaudio exultavit. A puero eremum habitavit : cibum habuit locustas , & mel agreste Vestem cameli exuvias . Inde poenitentiam prædicans, viam Christo munivit . Sic vivunt sanctificati , Væ mibi .

Ora pro me S. Ioannes, ut post tot comissa peccata dignos

gnos agam pænitiæ fructus, et sic sine peccato renascat æternitati. Confige cor meum, ut non adhæreat hisce mundi fallacijs; sed soli Deo; et in umbra mortis meæ me trepidum unâ cum Iesu, et Maria in umbra manus, tuæ protege. Hoc idem, &c. pag. 10.

25. IUNII.

S. Gallicanus, licet Gentilis, votum fecit Deo pro victoria: & Angelum cum cruce habuit frategum, quo duce ipso Angelis cinctus Scythas devicit. Redux Victor, Christo nomen dedit, & mundo valedixit, pauperum, ac peregrinorum factus Pater, hospes, servus: nunquam melior, quam
cum

Iunius . 189

cum se , & mundi gloriam vi-
cit .

S. Dux, adesto mihi, cum
ultimum mundo dicam vale
per mortem : adesto mihi
cum tuis Angelis, et cruce,
quando cum principe tene-
brarum pugnabo , ut vin-
cam, et moriar æternum co-
ronandus . Hoc idem , &c.
pag. 10.

26. JUNII .

SS. Ioannes , & Paulus ,
fratres, Juliani impij familia-
ritatem declinarunt, ne conta-
minarentur in moribus . Om-
nes facultates in pauperes ero-
garunt , ut paratiores ad mor-
tem essent . Ne sic desipiam, ut
mundi sim amicus, & Dei ini-
micus .

Orate

Orate pro me, ut fugiam
 et ego inimicas amicitiae
 Christi amicitias. Amicitia
 hujus mundi, scio, inimica
 est Deo. Me precibus vestris
 juvate, ut Deum præ om-
 nium hominum respectu ha-
 beam semper præ oculis; et
 Dei potius, quam ullius
 mortalium, amicus vivam
 et moriar. Hoc idem, &c.
pag. 10.

27. JUNII.

*S. Ladislaus Ungariæ Rex
 Apostolicus, familiares in au-
 la sua habuit Angelos: qui tum
 in duello cum patruo suo: tum
 in aliis pugnis assisterunt. Dux
 lectus cosiarum pro recipienda
 terra sancta, in ipso aditu glo-
 riosè occumbens cælum ingres-
 sus*

Iunius . 191

*sus est . Angelos devotè cole :
experieris amicos .*

*O S. Rex, defende me cum
Angelis illis tuis in ultimo, et
singulari meo certamine . O
experiar opem tuam, ut vin-
cam in horrendo illo mortis
duello, ubi mihi pro æterni-
tate pugnandum , vincean-
dum, et moriédum erit. Hoc
idem, &c. pag. 10.*

28. IVNII .

*S. Potamiena spretis pluri-
bus procis contra Tyrannum
Virginitatem suam patientia
defendit . Ad rogum ducta à
Basilide , & contra populum
defensa ; gratitudinis ergò ad
cælum invitavit , quod capite
plexus adiit . Quàm gratus in
es Calitibus .*

O Cæ-

192 *Iunius .*

O Cælestis Virgo! quæso ,
ora illic pro me , ut pro be-
nificiis è cœlo acceptis gra-
tus vivam semper , gratus-
que moriar. Tuere me vivē-
tem, et morientem contra
hostes omnes in terris : ut
æternitate coronatus , æter-
nūm Deo, ac tibi sim gratus
in cœlo . Hoc idem , &c.
pag. 10.

29. JUNII.

*SS. Petrus, & Paulus Apo-
stoli , Ecclesiæ Principes : quo-
rum ille Christi in terris Vica-
rius, quæ ad ignem Jerosolymis
peccaverat , jugi oculorum im-
bre plectens , Jesum secutus est
usque ad mortem crucis . Hic
verò Vas electionis nomen Iesu
portavit coram gentibus; capite
ab-*

Iunius . 193

*abscisso lac fudit , caput reser-
tum ter Iesum inclamans tri-
plici saltu tres fontes elicuit .
Quanta vis charitatis : Petrũ
infidum , & Paulum persecu-
torem Deo reconciliavit .*

Orate pro me, SS. Aposto-
li , ut in ultimo vitæ pericu-
lo, nō me periclitari permit-
tat Deus: adeste mihi, sicut
pluribus morientibus adfui-
stis ; ne in tempestuoso illo
portu naufragium faciam ,
patiarque . Hoc idem , &c.
pag. 10.

30. JUNII .


*S. Erendrudis V. Abbatif-
sa , pauperum pedes abluabat,
& ulcera, ceu gemmas tracta-
bat . Ad mensam accumbens ,
plũs divinis colloquiis , quàm*

I . cibo

cibo pascebatur. Dicere solebat:
Mihi adhærere Deo bonum
est, ponere in Deo spem
meam. Nonne Deo bonum Ser-
vire est.

O Deo addicta V., illam
 mihi divinorû aviditatem,
 illam Deo adhærédi volun-
 tatem, illam adeò cordatam
 spem impetra; ut illud *ad-*
hærere Deo bonum, sit mihi bo-
 num æternum, neque me à
 Dei adhæsione avellat æter-
 nitas. Hoc idem, &c. pag. 10.





J U L I U S .

I. JULII.

S Theodoricus à parentibus
 ad nuptias cōpulsus, pri-
 ma nocte cōjugi Votum Virgi-
 nitatis suavit: & consulente S.
 Remigio persuasit. Inde Sacer-
 dos ordinatus, virtutum studio
 deditus, cum fama sanctitatis
 obiit; quem Rex suis ipse hu-
 meris ad sepulchrum tulit. In
 quanto pretio tunc erat Virtus!

S. Theodorice, impetra
 mihi tam flexibilem ani-
 mum ad virtutes, ut iis ani-
 mam meam ornem, quo pla-

I 2 cere

196 *Julii.*

cere possim Iesu, et Mariæ, ut
in hora mortis meæ mihi
adsint, et ad æternam glo-
riam me deportent. Hoc
idem &c. pag. 10.

2. JULII.

*Postquam B. V. nunciante
Angelo Verbū divinum conce-
perat, iivit in montana divini-
tatis impulsā, tum ut Ioannes
sanctificaretur, tum ut Elisa-
beth Cognatę gratularetur fru-
ctum ventris à Deo impetra-
tum. Felix, quem Maria cum
Iesu vīstat.*

O Virgo! non potui te
amare, antequam nascerer,
sicut parvulus Ioannes, ora,
ut saltem nunc, et in hora
mortis meæ, et per omnes
beatitudinis æternitates sim in
nu-

numero fervorum & filiorum tuorum latantium in te. Ut hoc fiat, ò Domina, visita me frequenter cum tuo Jesu, ita, & nunc, & in hora mortis meæ visitatio tua custodiat spiritum meum hinc migrantem, ut in æternum unà tecum Magnificet anima mea Dominum, & exultet spiritus meus in Deo salutari meo. Hoc idem, &c. pag. 10.

3. JVLII.

S. Iraneus pro Christi fide in equuleo suspensus, ferreis ungulis in lateribus discerptus, in flammis injectus, aliisque cruciatibus inter gratias Deo actas immortalis. Si patiendum, cur non libenter, ut prosit?

I 3 Nemo

Nemo est , scio , qui hinc exeat,quin adversis exerceatur:et quàm infelix, si ex his in æternas misérias labatur! Ora,ut illas hujus mûdi adversitates sustineam , ut per eas securam mihi viam sternam ad beatitudinem. Hoc idem, &c. pag. 10 .

4. IVLII.

S. Udalricus à puero levibus sermonibus nec linguâ, nec aurem dedit , socios mundi declinavit . Cupidinem cilicio absterruit . Veneris flammâs immisso in ignem digito extinxit, fœminas omnes fugit . A teneris sic assuescere , multùm .

Assiste mihi , & instrue me, quid fugere, quid omittere, quid agere debeam, ut
Deo

Deo placeā in vita, & morte: sed simul precibus, & meritis tuis juva, ut, quod doces, opere compleam. Hoc idem, &c. pag. 10.

5. IVLII.

S. VVilhelmus Mathematicus, & Orator insignis, sed factus Ep. maximè celebris sua in pauperes liberalitate, quibus vestiendis nō semel seipsū nudavit. Cū omnia erogasset, divina manu deinceps aurum, frumenta, vina recepit. Miraris Deum in te tam illiberalem? vide qualis tu sis in pauperes.

Impetra & mihi hoc donum sanctæ in omnes charitatis, ut in hora mortis meæ liberalem, & mei amantem

reperiam illum, qui omnium bene amatum amantissimus est DEUS. Hoc idem, &c. pag. 10.

6. IULII.

S. Goar, Trevirensium Apostolus inimicis suis euntibus aut innocentiam ejus apud Archiepiscopum traducerent, & mensam paravit, & in via ne deficerent, ceruam impetravit, quæ lacte foveret. Ad tribunal Archiep. fornicationis accusatus, ex infante Patrem suum rogavit, qui alium lingue & digito ostendit. Discite benefacere his, qui vos oderunt.

Innocentem ab omni nævo vitam non duce, multorum apud Deum criminum reus; sed tuis precibus mihi im-

impetra talem poenitentiam
in vita mea , ut in morte, &
post mortem coram Deo ju-
dice innocens compaream .
Hoc idem, &c. pag. 10.

7. JVLII.

*S. VVilibaldus puer adhuc,
se peregrinum in mundo agno-
vit. Hinc positis Regiis insigni-
bus, peregrinorum more Romã
cum Patre, fratre, & sorore
dein Ferofolymam peregrina-
tus. Quam desipit, qui hic sibi
patriam fingit .*

S, VVilibalde cum tota
sancta familia tua, ora pro
me , ut ita me in hoc exilio,
et peregrinatione mea ge-
ram , ut non adhæream cor-
de his perituris rebus , sed
toto corde aspirem , et ten-

I 5 dam

dam ad patriam coelestem .

Hoc idem, &c. *pag. 10.*

S. IVLII.

*S. Chilianus cum Colemanno
& Totnano Soc. Christum, ut
Franconiam primò intulerant,
ipsumque Ducem Gesbertum
Herbipoli Christo conciliarunt.
Huic dum fratris defuncti
Conjugem dissuadent, ab ea ne-
cantur. Tu, si sapias, nec blan-
dienti, nec iratæ fœmine fide.*

*S. Chiliane cum Sociis im-
petra mihi eos animos, ut
nec blandimenta, nec erro-
res me unquam à veritate
avertant: sed eam per omnia
pericula usque ad mortem,
et si opus est, sanguine fuso
constanter profitear. Hoc
idem, &c. *pag. 10.**

Julius . 203
9. IVLII.

*S. Anatolia V. ob fidem in
exilium missa . Sed ibi , cum
morbidorum esset asylum , in-
struitur Magus , qui immanem
serpentem in eam armet . Er-
ravit serpens , & magis collo
implicatus eum suffocasset , nisi
precibus Virgo liberasset . Si
malus es , time serpentem infer-
nalem .*

*Intercede pro me , ne an-
tiquus ille , et callidus ser-
pens , qui calcaneo , hoc est ,
ultimo vitæ meæ insidiatur ,
mihî noceat , meque Paradi-
so extorré faciat ; sed ut po-
tius Paradiso Beatorum , è
quo ille infelix excidit , eter-
nùm tecum vivam . Hoc
idem , &c. pag. 10.*

I 6

10. IV-

204 Iulius:

10. IVLII.

*S. Felicitas septem filios suos
Martyres in tormentis, Ianua-
rium sub plumbatis, sub fusti-
bus Felicem, & Philippum, in
precipitio Silvanum, Alexan-
drum, Vitalem, & Martialem;
sub securi, generosè hortata,
non penas, sed quæ cælum gau-
dia spondet, aspiciant. In filiis
postquam septies mortua, ferrea
& ipsa martirium subiit. Hæc
verè est Mater!*

*Esto et mihi mater: adesto
mihi, et adhortare, ut et ego
in agone meo ultimo pro
DEI gloria gloriosus decer-
tem, et moriar de hoste vi-
ctor; tecumque, et cum filiis
tuis æternùm Deo triûphos
decanté. Hoc idè &c. pag. 10.*

11. IV-

II. JULII.

S. Golinducha adhuc Gentilis epulo assidens , animo cælestes delicias primò, dein fame, & siti cruciatum apud inferos Epulonem , & cum eo proprios parentes contemplata, ad Christum se convertit . Novissima cogita , & non peccabis .

O recorder & ego æternitatis utriusque in omnibus actionibus meis ; & sic me præparem ad beatam mortem , per quam deducar ad vitam sine morte vivendam, ubi æterna est felicitas , & felix satietas. Hoc idem, &c. pag. 10.

12. JULII.

S. Joannes Gualbertus cognat

*gnati sui interfectori, in Cbri-
sti gratiam veniam poscenti
dedit : & templum ingressus
vidit Crucifixum capite annue-
re, & cœlum donare . Hac
charitate Cœlum expugnatur .*

*Roga etiam pro me Ie-
sum Crucifixum , ut in tui
gratiam mihi omnia agno-
scat, quibus eum offendi.
Ego etiam ex nunc omnibus
libentissimè propter ipsum
ignosco. Utinam & nunc ti-
bi pro me felicem mortem
petenti inclinato capite an-
nuat Deus . Hoc idem, &c.
pag. 10.*

13. *IVLII .*

*S. Justina V. inter carnifi-
cinā lata, rogata à Zenone ut è
Paradiso fractus mitteret, mi-
sit*

*fit strophium, quod dum frontem
cum risu abstergit, & Chri-
stianus, & Martyr factus.
Quid horres dolores, quibus
Cœlum emitur?*

O S. Virgo, mitiga tua il-
la lætitia mortis meæ dolo-
res, & mortales meos sudo-
res illo tuo sudariolo ab-
sterge, ut lætus moriar, &
amœnam Paradisi æternita-
tem lætus ingrediar. Hoc
idem, &c. pag. 10.

14. IVLII.

*S. Bonaventura Bibliotheca
non alia usus, quàm Crucifi-
xo. Primus sub noctem pulsum
æris Campani instituit, quo
B.V. salutamus. Quid desit,
si Iesum habeam, & Mariam,
Rogo te per Iesum Cruci-
fixum*

fixum, & Mariam, ora pro
 me, ut bonus Crucifixi disci-
 pulus, bonus Mariæ servus,
 & filius vivam, & moriar.
 Hoc idem impetra mihi S.
 Henrice Imper. castissimæ
 Cunegundis caste cōjux: &
 omnes, &c. pag. 10.

15. IVLII.

*S. Jacobus Nisibensis Ep.
 precibus saxum in testimonium
 veritatis in sexcentas partes
 confregit, & hominem fictè
 mortuum, verè mori, dein rur-
 sum vivere fecit. Cur tuæ pre-
 ces non audiuntur? vide, quo-
 modo ores.*

Ora pro me, optime ora-
 tor, ut & ego bene discam
 orare. Tota mea & vita, &
 mors sit sancta oratio, ut
 etiam

etiam in æternitatem orem,
& Deum adorem, & semper
amem. Hoc idem, &c.
pag. 10.

16. IVLII.

*S. Raineldis V. Christo ve-
rè ad aras usque amica, quan-
do crucis in modum prona, in-
ter laudes divinas virginitatis
Deo victima cecidit. Vis Deo
esse charus? gratias frequenter
age.*

En ego humilis corde ad
aram illam tuo sanguine
crué tam supplex provoluor
ut id pro me à Deo impetres,
ut amando Deo, illique gra-
tias agendo, vitam, mortem,
& æternitatem meam im-
pendam. Hoc idem, &c.
pag. 10.

17. IV.

210 *Julius.*

17. IVLII.

S. Alexius, prima nocte nuptiarum Edessam fugit, & inter mendicabula latuit. Proditus Romam rediit, & in paternæ domo ignotus, tanquam mendicus delituit usque ad mortem. Quam magnus erit qui sic se humiliavit!

S. Alexi Virgo, Sponse, commenda me Mariæ, matri humilium, ut seriò eligam abjectus esse in militante domo Dei mei usque ad mortem: ut post mortem sum gloriosus in triumphante Dei mei domo. Hoc idem, &c. pag. 10.

18. IVLII.

*S. Symphorosa VII. filiorum
MM. Mater saxo ad collum
al-*

*alligato in aquas demersa filios
hortata animosè per mortem
sequerentur in cœlum. Omnes
VII. ad palum alligati, Cre-
scentius ferro guttur, Julia-
nus pectus, Primitivus umbi-
licum, Nemesus cor trajicitur:
Eugenius in duas partes, mem-
bratim secatur Justinus: Sta-
tueus telorum fit scopus. Feli-
ces hac matre filii: bis filiis
mater!*

Orate pro me unà cum
Matre vestra, Fratres fortis-
simi: conjurate in meam sa-
lutem, & impetrate mihi fe-
licem hinc exitum; ut sim
Frater vester, & ejusdem cœ-
lestis Patris hæres, inter ele-
ctos filios in æternum. Hoc
idem, &c. pag. 10.

17. IVLII.

S. Alexius, prima nocte nuptiarum Edessam fugit, & inter mendicabula latuit. Proditus Romam rediit, & in paterna domo ignotus, tanquam mendicus delituit usque ad mortem. Quam magnus erit qui sic se humiliavit!

S. Alexi Virgo, Sponse, commenda me Mariæ, matri humilium, ut seriò eligam abjectus esse in militante domo Dei mei usque ad mortem: ut post mortem sim gloriosus in triumphante Dei mei domo. Hoc idem, &c. pag. 10.

18. IVLII.

*S. Symphorosa VII. filiorum
MM. Mater saxo ad collum
al-*

*alligato in aquas demersa filios
hortata animosè per mortem
sequerentur in cœlum. Omnes
VII. ad palum alligati, Cre-
scentius ferro guttur, Julia-
nus pectus, Primitivus umbi-
licum, Nemefius cor trajicitur:
Eugenius in duas partes, mem-
bratim secatur Justinus: Sta-
teus telorum fit scopus. Feli-
ces hac matre filii: his filiis
mater!*

Orate pro me unà cum
Matre vestra, Fratres fortis-
simi: conjurate in meam sa-
lutem, & impetrate mihi fe-
licem hinc exitum; ut sim
Frater vester, & ejusdem cœ-
lestis Patris hæres, inter ele-
ctos filios in æternum. Hoc
idem, &c. pag. 10.

212 *Julius.*

19. *IVLII.*

S. Arsenius Arcadii, & Honorii Magister, audita è cœlo voce: Fuge, tace, quiesce: fugit ex aula Eremum. Continuo lachrymatus, mortis se horram timere dixit. Quis ego? & non timeo! heu me!

O timeam & ego timore sancto, ut morte non timenda, sed speranda, & amanda defungar: & demum illic tecum sim æternum, ubi nemo habet malum ullum, quod timeat. Hoc idem, &c. pag. 10.

20. *IVLII.*

S. Margarita V. pro Christi fide virgis cæsa, & uncis lacerata, in carcere Daemonem Draconis specie infestum cruce

ce fugavit, & calidius solatia accepit. Cur tu solatia petis e terra?

Aderit & mihi morienti infernalis Draco; sed & tu adesto, ut illum, ope, ac exemplo tuo, crucis signo vincam, & in amaro illo mortis silētio solatia cælestia accipiam; tandemque illuc perveniam, ubi solatia sunt æterna. Hoc idem, pag. 10.

21. IVLII.

S. Praxedes nobilissima Virgo Romana SS. Martirum Ancilla, Mater, & Matrix, quibus ab eorum tribulationibus pro Christi fide perpassis opes suas large distribuit, ac necessariis subvenit. Eorum Sanguinem sollicita collegit, Marty-

rio consumptos clam sepulture tradidit. Nec ullum præteribat diem, in quo insigne aliquod pietatis opus sedulo non exercet, & eorum calamitates, ac strages ferre non sustinens Deum deprecata est, ut si mori expediret, tantis se periculis eriperet, unde ad tantæ pietatis premia evolavit in Cælum.

S. Praxedes, tantis misericordiæ exercitationibus illustris, ne sinas diem obitus mei, & ultimum meæ peregrinationis tuo præsidio exire inanem, ut tuæ charitatis auxilio SS. tuorum, quorum necessitatibus presto fuisti, in mortis meæ angustiis destitui, sed eorum commercio copulari.

Julius . 215

22. IVLII .

*S. Maria Magdalena licet
post lachrymas audierit à Chri-
sto : Remittuntur tibi pec-
cata : annos 33. prope portum
Massiliensem acerbam egit pœ-
nitentiam. Peccasti ? ne despe-
ra : Magdalenam sequere pœ-
nitentem .*

Doce me Pœnitentialem
amorem Dei , ut in morte
anima è corpore in cœlum
abeat, & inde iterũ ad Cor-
pus redux, illud ad paratam
& corpori, & animæ æterni-
tatem ducat . Hoc idem ,
&c. pag. 10.

23. JULII .

*S. Apollinaris Ep. Petri Di-
scipulus oratione sua Dæmones
fecit obmutescere, mutos loqui,
mor-*

216 *Iulius.*

mortuos vivere . Inter cruciatus, gratias Deo egit . Cur non tam potentes apud Deum oratores tibi amicos facis ?

Fac , obsecro , tuis apud Deum precibus, me semper eloqui divinas laudes ; & Dæmonem mihi adversantem obmutescere ; & defende , ut vincam securus in amaro illo, & periculoso agone æternitatis meæ . Hoc idem, &c. pag. 10.

24. *IVLII.*

S. Christina V. Christi legem ab Angelo edocta, Deos Parentis aureos, & argenteos comminutos in pauperes distribuit . Ideò à Patre alapis, vinculis, uncis, rotis, flammis dirè cruciata : sed Angelica manu sana-

na.

Julius. 217

*nata. Nullibi frequentius sunt
Angeli, quam cum Virginibus.*

*S. Virgo, adesto mihi cum
S. tuo, & meo Angelo vivē-
ti, ut me doceatis, Deum
ardenter amare; & morien-
ti, ut adjuvetis, ne incidam
in lacum profundum æter-
nitatis miseræ. Hoc idem,
&c. pag. 10.*

25. IVLII.

*S. Jacobus Major, Juvenem
innocentem suspensum vivum
conservat: Carolo Magno, aliis-
que in agone supremo opifuit.
Times agonem illum? patronos
tibi concilia.*

*Adscribe me, S. Apostole,
in eorum Clientum nume-
rum, quos morientes juvas,
& es adjuturus. Iesu, Mariæ,*

K

&

218 *Julius.*

& tibi commendo agonem
meum. Vos ne mori me finit-
e imparatum, Hoc idem,
&c. pag. 10.

26. IVLII,

*S. Anna, Mariæ Dei ma-
tris Mater, & Jesu Christi
Avia, potens apud Nepotem
patrona.*

Per illum, quo te Deus
Jesús, & Maria filia tua dul-
cissima honoravit amorem,
& honorem, ora pro me, ut
ita te colam, ut experiar,
quod Maria filia tua Clie-
ti cuidam tuo morienti
dixit: Quia Matrem meam
honorasti, Infernum, ne
illum in eas, occludam.
O IESV, O Maria, audi-
te pro me deprecantem S.

An-

Julius . 219

*Annam , nunc , & in hora
mortis meæ. Hoc idē, pag. 10.*

27. IVLII.

*S. Pantaleon Medicus Chri-
stianus , velut panacea pluri-
mos in Christi nomine curavit.
Non ferens Maximianus, va-
rie in medicum sevit, & capi-
te multavit . Verè Christus
unus omnia est .*

*S. Medice, curam mei ha-
be pro æterna vita in morbo
ultimo, ut ad æternam æter-
næ sanitatis patriam perve-
niam , ubi morbus nullus,
omnis verò sanitas est . Hoc
idem, &c. pag. 10.*

28. IVLII.

*SS. Nazarius, & Celsus puer,
dignus tali Magistro discipu-
lus : cū Christum negare nol-*

K 2 lent ,

*lent, ille calcibus afflictus, hic
virgis atrociter cæsus, uterque
pro Christo capite plexus. O sic
ego proficiam sub sanctis Ma-
gistris, qui nunquam desunt.*

*Suscipite curā animæ meæ,
ne quādo, vel inter adversa,
vel prospera à Christo defi-
ciam, sed vobiscum ad Ie-
sum omnium Magistrū per-
veniam. Hoc idem, pag. 10.*

29. IVLII.

*S. Martha V. Christi in ter-
ris hospita, circa plurima soli-
cita, de uno necessario monita
est: cum sorore sua impetravit,
ut is suscitaret fratrem suum
Lazarum. Excipe Christum in
pauperibus, ut ab eo excipiaris*

*O S. Christi hospita, à
Christo vicissim excepta,
esto*

esto nūc apud ipsum de me
solicita pro uno illo neces-
sario . Ora , ut in tui , & so-
roris tuæ gratiam me mo-
rientem suscitet ad æterni-
tatem vitæ idem I E S V S .
Hoc idem , &c. pag. 10.

30. IVLII .

*SS. Abdon, & Sennen, nobi-
les Persæ, quod Martyrum cor-
pora sepelirent, vincti Romam
sunt ducti , ut Deus colerent :
sed maluerunt gladio percuti .
O si tam sedulo tu animam tuam
cures, ut illi Martyrū corpora!*

Obsecro, habete mei mo-
ribundi curam , & animam
meam curate : si enim hanc
cælo intuleritis , illic postea
etiam erit corpus cum ani-
ma in gloriosa beatorum

222 *Iulius.*

*æternitate . Hoc idem , &c.
pag. 10.*

31. *IVLII.*


S. Ignatius Lojola in propugnanda Pampilonensi Arce graviter læsus melioris mentis sanitatem recepit ; vulneris curationem Apostolorum Principi ; vitę Sanctioris initium , ac professorum piorum , librorum lectioni ; castitatis donum B.V. , debere , testatum reliquit . Ut in animarũ salutẽ ad maiorem ubique Dei gloriam procurandam totus incumberet 33. Annorum literarum tyrocinium suscepit ; ut Christianis morum , ac artium disciplinis instrueretur , & ut ab Ecclesia labe hæretica propulsaretur , & ut universus Orbis Christi Evan-

van-

vangelii jugo subderetur , omnibus conatibus insudavit. Ob me deceptū! quanta pro Mundi gloria frustra perpeſſus ſum.

O Majoris Dei gloriæ promovendæ Procurator egregie, intercede pro me, ut in extremo vitæ discrimine Sanctiſſimum JESU nomen ſæcundiſſimæ tuæ Prolis , ac familiæ glorioſum vexillum in corde , & in labiis habeam , & meum in libro vitæ æternum duraturum reperiam . Hoc idem, pag. 10.





AUGUSTUS.

I. AVGVSTI.

S *S. Fides, Spes, & Charitas,
S. Sophiæ filiæ, pro Christo,
& fide passæ, vicerunt Tyran-
num, dum occubuerunt, tri-
duo post sequente Matre. Sine
his virtutibus ne Cælū speres.*

Orate pro me, ut vestris,
vestrorumque nominū vir-
tutibus instructus ita vivam,
et mōriar, ut tandem in Re-
gnum charitatis inductus
æterna charitate amem il-
lum, qui charitate perpetua
dilexit me. Hoc idem, p. 10.

2. AVGVSTI.

*S. Franciscus Seraphicus,
bo-*

Augustus. 225

Hodie in templo Mariæ de Portiuncula, gratiam prius inauditam à Deo impetravit, Indulgentiam plenariam omnibus, qui confessi (ceteris operibus seclusis) eo die in templo illo orarent. Quam Sixtus IV. et V. ad omnes Ordinis Seraph. Ecclesias propagavere. Hic salutis tuæ satage, si sapis.

O Seraphice Pater, commēda hanc, et ultimam vitæ meæ horam Deiparæ Virgini, et Angelis tuis. Doce cor meum, ut sit ad Iesu, et Marię cor, et nutum; et impetra illi plenariam à Iesu per Mariam pro hora mortis indulgentiam. Hoc idem, &c. pag. 10.

3. AVGVSTI.

S. Stephani Protom. Corpus

K 5 di-

226 *Augustus.*

*divinitus repertum, hodie transf-
latum. Flores corpori admoti,
caeca visum restituerant. Quid
nocebit, si tales tibi concilies
amicos?*

*Adesto mihi ope tua, S.
Stephane, usque ad fu-
nus, et me non solum hic
videre fac ea, quæ Deo pla-
cita sunt, sed ipsum Deum
eternum in cælis. Hoc idem,
&c. pag. 10.*

4. AVGVSTI.

*S. Dominicus, cuius mirifi-
cæ Doctrinæ, ac Sanctitatis mi-
rabile fuit præsagium catulus
facem in ore præferens, adhuc
in ventre Matris in visu fuit.
Ingeniosus instruendæ Christianæ
plebis in quotidiano cælestium
Mysteriorum exercitio illustris
auctor; atque uterrimo sui In-
stitutum*

stituti præsidio Catholicam Fidem roboravit. O quam præclarum elogium ! Qui fecerit, & docuerit, hic magnus vocabitur in Regno Cælorum.

O tam Sanctæ fecunditatis, ac tantarum virtutum Auctor, & exemplar, sis mihi morienti fax, & lumen, ut ad æterna tabernacula te adjuvante è mortis tenebris, securus pertranseam. Hoc idem, &c. pag. 10.

5. AVGVSTI.

Anno Christi 365. Romæ Ioannes Patricii sanguinis, quod prole careret, ingentium opum heredem scripsit Mariæ. Inde hodie monstrante cælo nivibus locum, in Monte Exquilino Templum, quod Mariæ Majoris dicimus, ædificavit.

K 6 Opum

228 Augustus.

Opum hæredem eam scribere non potes ? Operum bonorum scribe , & animæ tuæ .

Oro, te Domina, dignare opera omnia vitæ meæ, mortem, et animam meam pro hæreditate tua accipere ; sicut ex nunc tibi transcribo. Quare rogo, ut semper invigiles, et maximè in hora mortis, ne in tuam hæreditatem hostis manus iniiciat. Hoc idem, &c. pag. 10.

6. AVGVSTI.

Hodie in monte Thabor transfiguratus est Iesus, & audita Patris vox: Hic est filius meus dilectus, in quo mihi complacui, ipsum audite ; Audi illum, ut audiat, & te.

Miserere mei, vivorum, et
mor-

mortuorum S. Iudex, ut resurgens corpus meum configuretur corpori claritatis tuæ, videamque gloriam tuam, et experiar, bonum esse, me ibi esse, ubi tu es. Hoc idem, &c. pag. 10.

7. AVGVSTI.

S. Cajetanus magnanimus Evangelicę Providentię interpreter, qui spreto seculi fastu totū se divini amoris aestibus dedit. Unde factus, & dictus venator animarum. Familiare sui oraculum fuit: Amanti Deum levia sunt omnia.

O excellens animarum venator, me in periculo rugientis leonis eripe ab insidiis, dum ultimum vitę meę periculum subibo, ut te patrocinate filiorum Dei libertatem

230 *Augustus.*

tem non amittam. Hoc idē,
&c. pag. 10.

S. AVGVSTI.

S. Cyriacus, filia Regis Persarum à Damone liberata, Regem, & 430. alios baptizavit : Romæ post multos circa proximum labores securi percussus . Felices labores quibus Cœlum & impletur, & obtinetur.

Clament labores tui pro me , ut in hora mortis meæ non moriar , sed vivam : separetur anima à corpore in tempore , quæ mors est ; sed conjungatur cum Deo in æternitate, quæ est vita æterna . Hoc idem , etc. pag. 10.

9. AVGVSTI.

*SS. Firmus, & Rusticus post
pla-*

Augustus. 231

plagas à patria pro Christo acceptas , passi sunt ab Angelis in carcere . Ab iisdem , gladio cæsi , sunt sepulti . Sic amantur ab Angelis , qui patiuntur pro Christo .

Orate pro me , ut ita libenter pro Christo patiar , ut et vitæ , et mortis meæ Curam vobiscum suscipiant Angeli lucis contra Angelos tenebrarum , à quibus è carcere mortis hujus egressus educar ad Deum . Hoc idem , &c. pag. 10.

10. AVGVSTI.

*S. Laurentius, quòd thesauros Ecclesiæ in pauperes dispersisset , in craticula assatus est , & gratias egit Deo , quia januas ejus ingredi meruisset . Si
pati*

232 *Augustus.*

*pati janua est ad Deum, v. e. re-
nuentibus pati !*

Accende me tuo illo igne,
ut pro Deo patiar : et cū
ego jacebo in lecto ultimo ,
qui valde me uret de æter-
nitate sollicitū , ora pro me,
ne degenerem me reperiāt
Deus : sed ita obdormiam ,
ut mortem meam sequatur
nox , quæ sicut tua , obscu-
rum nihil habeat . Hoc idē,
&c. pag. 10.

II. AVGVSTI.

*S. Tiburtius pro Christi fide
se Cruce signans , per prunas
ardentes nudipes ambulavit
dicens , prunas sibi flores vide-
ri . Patientia in doloribus re-
perit flores ,*

Impetra mihi concordem
cum

cum Dei voluntate patientiam; ut omnia, quæ patior, mihi flores fiant, quibus ultimus vitæ meæ lectulus floridus reddatur: ex quo non ad igneam, sed floridam æternitatem transeam. Hoc idem, &c. pag. 10.

12. AVGVSTI.

S. Clara pro urbe Assisio coram V. Sacramento orans audit: Ego vos semper custodiam. Tunc precibus suis hostem, alias morbos, & dæmones fugavit. Orantes, sed ferventer, petite, & accipietis.

Ora Iesum, et Mariam, ut me semper, sed in morte maximè, custodiant. Tunc precibus tuis animæ meæ morbos, peccata, et dæmonem

234 *Augustus.*

nem à me fuga ; ut tecum
Deum adorem in beata æ-
ternitate. Hoc idem , pag. 10.

13. AVGVSTI.

*S. Cassianus posita Infula
pueros docuit . Quod Deos nol-
let colere , ab iisdem jussu Ty-
ranni sylis acutis confixus, &
excarnificatus est. Solitum ju-
venitus Minerual ; sed quo
Magistro cælum , sibi reserant
infernum .*

Instilla cordi meo grati-
tudinem , ut parentibus , et
præceptoribus , quibus par
reddere nunquam poterō ,
saltem gratum animum
exhibeam ; ut tuo consortio
indignus cælo non excludar
ab eo , qui reddet unicui-
que secundùm opera sua .

Hoc

Augustus. 235.

Hoc idem , etc. pag. 10.

14. AVGVSTI.

S. Eusebius Presbyter Romanus Mart. qui sub Constantio Imperatore ob defensionem Catholicæ Fidei inclusus in quodam cubiculo domus suæ , omni penitus subsidio destitutus , ibique per septem menses nunquam à sua constantia recedens , sed semper in oratione perseverans ad celestis libertatis Patriam ascendit . Cujus corpus SS. duo Presbyteri , Gregorius , & Orosius in Cameterio Callisti sepelierunt : Gregorius verò ob piū ejusdē sepultura officium ab eodē Imperatore vivus fuit sepulture traditus .

O' Beati Martyres Christi Eusebius , et Gregorius , quo-

236 *Augustus.*

quorum vitæ finis ob illustré
fidei confessionem adeò ex-
titit gloriosus, rogare Deum
pro me, ut in ultimo agone
meo, antequam sepulturæ
tradar, charitatis vestræ pa-
trocinium sentiam, et in
Christi fide, quam ab initio
meæ vitæ professus sum ve-
stro exemplo usque ad ulti-
mum spiritum sanguinis
Christi merito, & vestris
præcibus perseverem. Hoc
idem, &c. pag. 10.

15. AVGVSTI.

*Hodie Deipara Virgo anno
ætatis (juxta probatos autho-
res) 72. post Christi Ascensio-
nem 24. mortua terreis, unæ
cum corpore assumpta est in cæ-
lum. O si trabat nos post se!*

O glo-

O gloriosissima cœlorum,
ac terrarum Imperatrix Ma-
ria, per sacrosanctam, et di-
vinissimi amoris plenissimā
mortem tuam, et per amo-
rem, quo Dei, Deoque
amantissima fuisti, erisque
æternūm, rogo, sit tibi cor-
di vita, mors, et æternitas
mea. Assume misellam hanc
animam meam, ad æterni-
tatis nomen trepidam, ut in
morte itinere sancto abeat à
me ad te. Cupio Deum, et
te modis omnibus amare,
colere, et honorare. Trahe
me post te, ò mater, ut currā
in odorem unguentorum
tuorum, et in pretiosissimo
altissimi erga Deum amoris
actu corde humillimo emo-
riar,

238 *Augustus.*

riar, et postea tecum æternum vivam. Hoc idē, pag. 10.

16. AVGVSTI.

S. Rocchus peste laborantibus amore Christi serviens, cruce plures sanavit: egera cane dietim panē accepit. Demum peste mortuus cælitus contra pestem patronus promissus est. Ne time hoc, vel illo morbo mori; sed malè mori.

Adesto mihi morienti; ut illo morbo, morte illa, tunc, et ibi bene moriar, ubi, et quando glorię suę, et eternitati meę quàm optimū fore judicavit Deus. Hoc idem, &c. pag. 10.

17. AVGVSTI.

S. Mammæ in carcere ex matre M. natus, cum primò lacte suxit fortitudinem: hinc in for-

fornace ardente, velut inter flores, psallebat. Vis coronari? flores patiando collige.

Per patiētiam tuam, rogo, impetra mihi cum Matre tua patiendi desiderium per vitam meam, et fortitudinem in ultimo agone: qua ita pugnem contra Dæmones, ut vincam, et in æternitate à Deo merear coronari. Hoc idem, &c. pag. 10.

18. AVGVSTI.

S. Agapitus 15. ann. puer nervis, inedia, carbonibus, equuleo, fumo, aqua bulliente cruciatus, Deo semper gratias agebat. Vel à puero discas pati.

O ætatem virtute supergresse Martyr, tuæ fortitudini commendo ultimam illam infirmitatem, et fragilitatem

240 *Augustus*

tatem meam, ne cum corpore tunc langueat anima mea: sed fidelis Deo inter agores persistat. Hoc idem, pag. 10.

19. AVGVSTI.

S. Ludovicus Sicilię Regis Filius Ep. Tholosanus frequenter Mariam de die salutavit, Rogatus, cur? dixit: Morientem me ipsa juvabit. Et juvit. Times mori? & Mariam non salutas?

Ora pro me vivente, & moriente; pro vivente, ut serviam Deo in munditie, & puritate; pro moriente, ut morientem Maria juvet. Hoc idem, &c. pag. 10.

20. AVGVSTI.

S. Bernardus, vale mundo dicens fratres suos, aliosque post se traxit. Jesu, & Marię sē. per.

Augustus. 241

per amantissimus : huic quotidie tam amanter (Salve) dixit, ut meruerit ab ea (Salve) recipere. Et quis non amet Mariam?

Impetra mihi animæ puritatem, & instilla cordi meo illum in Mariam, tuam, & meam matrē, filialem amorem; ut, quod tu verè dixisti; Mariam esse spei nostræ fiduciam, & ad cœlum scalam; in hora mortis meæ merear experiri. Hoc idem, &c. pag. 10.

21. AUGUSTI.

S. Bassa licet sacrificulo nupta, tres tamen filios fide Christi imbuat, & Cœlo per Martyrium secū genuit. Hanc mulierum fortē neges? fortior est.

L S. Ma-

242 *Augustus.*

S. Mater, cum filiis tuis
ora pro me, ut vobiscum Je-
sus, & Maria me adjuvent
morientem: ne in ultimo, &
difficili agone illo deficiam,
sed vobiscum victor ad Cœ-
lum perveniam. Hoc Idem,
&c. pag. 10.

22. AVGVSTI.

*S. Symphorianus adolescens
post diros cruciatus ad mortem
ductus, audiit matrem monen-
tem, esset memor: horæ unius
negotium esse æternitatem.
Et obediit. O brevis hora! O
longa æternitas?*

In illo tanto unius horæ,
& præcipuè horæ ultimæ
negotio juva me, & è cœlo
ad me moriètem cum S. Ma-
tre tua respice, ut illud ne-
go-

Augustus. 243

gotium negotiorum in hora
illa ex animi sententia con-
ficiam. Hoc idem, &c.
pag. 10.

23. AVGVSTI.

*S. Philippus Ord. Serv. B. V.
Pontificatus honorem fuga elu-
sit. A Rodulpho Imp. redux
ante Mariæ aram abjectus di-
xit: Hæc requies mea. Næ
suavis, & secura!*

Serve bone, & fidelis Ma-
riæ, ora, & impetra pro me,
ut requies mea, idest, mors
mea, sit in servitio Jesu, &
Mariæ, quando meliùs mori
non possum. Hoc idem,
&c. *pag. 10.*

24. AVGVSTI.

S. Bartholomæus Inderum,

L 2

¶

244 Augustus.

U majoris Armenia Ap. centies noctu genibus flexis orare solitus . Pro Christo vivus excoriatus . Tu de die vel semel devotè ora .

Per illas ferventes preces tuas , & mortis tuæ dolores te rogo , impetra mihi studium Sanctæ orationis , & adesto mihi in doloribus mortis meæ , ne me circumdent dolores inferni, sed lætus intrem domum æternæ felicitatis . Hoc idem , &c. pag: 10.

25. AVGVSTI.

S. Ludovicus Gallia Rex , matris Blanchæ voto imbibito , mori maluit , quàm mortaliter peccare . Innocentiam corporis afflictione custodivit , dum vixit .

xit . Hac via cœlum securè tenetur .

Ora pro me , S. Rex , ut ita morti me parem , ut semper , & ubique mori malim , quàm peccato , quàm iræ Dei , quàm gehennali æternitati obnoxius esse . Hoc idem , &c. pag. 10.

26. AVGVSTI.

S. Alexander ad fidei lumen vocatus maluit mori , quàm ad Idololatriæ tenebras reverti . Ad mortem damnatus , ultro iētum excepit , & vicit . Quàm cæcus tu , qui tenebras lumini præfers !

Ora , ut vincam semper , et sanctas Dei illuminationes , tenebrosis aliorum ad peccatū suggestionibus præ-

246 *Augustus.*

feram usque ad mortem , ut
post mortem in admirabile
lumen videntium Deum in-
ducar . Hoc idem , &c.
pag. 10.

27. **AVGVSTI.**

*S. Margarita Vidua panem,
quem unicum habebat, pauperi
(Christus erat) dedit, & è cælo
aliud recepit. Ut haberet por-
rò , quod egenis daret , mendi-
cavit . Nemo non potest, si ve-
lit , pauperibus benefacere .*

O fiat in me hic spiritus
tuus, ut pauperibus libenter
elargiar! Tu verò nunc è cæ-
lestibus thesauris emendica
à Deo tuo, et meo, quod pau-
peri animæ meæ nunc , et in
hora mortis largiaris , quo
beatè migrem . Hoc idem ,
&c. *pag. 10.* 28. **AV.**

Augustus. 247.

28. AVGVSTI.

S. Augustinus moriturus 7.

Psal. Penitenciales cum lachrymis legit, dicens: neminem, licet nullius sceleris conscium, sine pœnitentia debere mori. Aut pœnitendum, aut ardens!

O amore divino inflammatissime Augustine, veris pœnitentiæ, ac amoris lacrymis, puro Dei calore cor meum imbue, ut sancta verè pœnitentium, & verè amantium morte emoriar. Hoc idem, &c. pag. 10.

29. AVGVSTI.

S. Joannes Baptista ob reprehensam liberè Herodis Regis impuritatem dicendo: Non li-

L 4

cet

248 *Augustus.*

cet tibi &c. decollatus fuit .
Veritas odium parit .

Ora , ut quidquid mihi
non licet, procul sit à me, ut
ego sim prope Deum . In
mortis angustiiis ostende mi-
hi Jesum dicens: Ecce Agnus
Dei &c. et roga , ut Jesus
peccata mea tollat à me , et
me tollat ad se . Hoc idem,
&c. pag. 10.

30. *AVGVSTI.*

*S. Bononius adolescens mor-
tis cogitationem altius animo
imprimens , posthabitis homi-
num judiciis , mundo mori do-
ctus est . Non malè moritur ,
qui priùs mundo moritur.*

Imprime et mihi sanctas
bonæ, et malæ mortis cogi-
tationes , et humanorum ju-
dicio-

diciorum despectum, ut verè servus Christi sim, et placeam Domino in regione. Hoc idem, &c. pag. 10.

31. AVGVSTI.

S. Aidanus Episc. stipem, quam pauperi daret, non habens, donatum à Rege Osuvino equum cum omni ornatu dedit. Verè misericordi nihil nimis est, vel charum, vel pretiosum.

Ne neges et mihi unam à te eleemosynam flagitanti. En mensē hunc hodie finio, sed nescio ubi, et quomodo vitā finia. Tu juva, ut feliciter, et omnes menses meos per ultimum vitæ momentum finia, et nunquam finiendam sanctorum æternitatem ingrediar. Hoc idem, &c. pag. 10.



SEPTEMBER.

I. SEPTEMBRIS.

SÆgidius puer pauperi vestem dedit. Adolescens omnia egenis distribuit, ut perfectè Deo serviret. Vis perfectus esse? ecce modum.

Ora pro me, ut ita omne imperfectum meum abjiciam, ut nihil sit in me, quod divinæ majestati displiceat, et me morientem ab ejus amplexu morari possit. Hoc idem, &c. pag. 10.

2. SEPTEMBRIS.

S. Antonius Sac. à puero
Vir-

September. 251

Virginitatis amans, & martyrii sitiens. Ejus caput in undas abjectum Angeli navicula exceperunt. Talibus Angeli ministrant.

Ora Jesum, & Mariam, ut boni Angeli miserum hoc meum, et (nisi Deus protegerit) damnandum caput, custodiant: et in horrendo mortis periculo ad æternam securitatem deducant. Hoc idem, &c. pag. 10.

3. SEPTEMBRIS.

S. Albertus Conf. olim auro, cælum vendidit: tempestate doctus, quàm propè Infernum adesset, in ipso portu è voto opẽ sponte inter pauperes naufragium fecit. Merge opes, ne te mergant.

L 6

Im-

252 September.

Impetra mihi à Deo illam gratiam, ut animum ab opibus perfectè abstraham ; ne in portu æternitatis mihi sint oneri, quod me in barathrum infernale demergat .
Hoc idem, &c. pag. 10.

4. SEPTEMBRIS.

S. Rosa V. ut contra procaces manus suum florem tueretur, à primis annis carnem asperitatibus armavit. Quo quia placuit Deo, ei Maria Jesum ostendit saucium. Hoc munus est cœli.

Ora pro me Iesum crucifixum, et Mariam dolorosam, ut cordi meo profundè imprimatur crucifixus Iesus; utque sigillo illo signatus, quasi ipse, vivam,
et

September. 253

et illi conformis emoriar.

Hoc idem, &c. pag. 10.

5. SEPTEMBRIS.

S. Eudoxius licitoribus mensē adhibitis, se ipse Tyranno sistit. In tormentis oravit, ut omnes, qui suum patrocinium implorarent, audiret Deus. Annon hoc est Deum, proximum, & se amare?

Tuum ego nunc patrocinium imploro, ora pro me apud Deum, ut ex hac vita, quæ militia est, mihi decedenti mors sit triumphus.
Hoc idem, &c. pag. 10.

6. SEPTEMBRIS.

S. Eleutherius sola presentia sua puerum à Dæmone liberavit, sed cum id à se factum recen-

254 September.

*recenseret, denuo puer obside-
tur; donec vanam gloriam ipse
eluit. Subtile malum vana
gloria.*

Repelle à me et vanæ
gloriæ nequam spiritum, et
omnes dæmones in mortis
periculo me oppugnatorios
compesce: ne in vita, vel in
morte in ullam tentationem
inducar. Hoc idem, &c.
pag. 10.

7. SEPTEMBRIS.

*S. Stephanus, ut aleas alios-
que dierum festorum ludos ab-
rogaret, coegit Dæmonem pro
concione talem apparere, qualis
ea suaderet. Comparuit, &
nemo non abhorruit. Væ iis,
qui hic non absterrentur.*

Ora pro me, ut non sim ex
iis,

September. 255

iis , qui à vitiis , nisi Dæmone exhibito , non possint avocari sed ut sancti audiēs monita , securè tendam ad beatam æternitatem . Hoc idem , &c. pag. 10.

8. SEPTEMBRIS .

Hæc dies gaudium annuntiavit & terræ , & celo : quia hodie ex sterilibus , sed felicissimis parentibus nata est Maria , ex qua deinde natus est Jesus . Et esse poterit , qui non amet Mariam ?

O Maria parvula beatissima ad tuas beatissimas cunas , ad primum tuum lectulum supplex provoluor , et rogo , ut me in ultimo meo lectulo morientem non deseras . Adesto mihi tunc , et

ju-

256 *September.*

juva , ut in solidissimo erga
te , tuumque Filium amoris
actu animam meam in tuos
amplexus expirem . Hoc
idem , &c. *pag. 10.*

9. SEPTEMBRIS.

*S. Gorgonius Diocletiano &
cubiculis , spretis honoribus ,
martyrii amore se Christia-
num confessus , dirè cruciatus
est . Quid prosunt honores , si
Deus te contemnat ?*

Impetra mihi gratiam , ut
spretis omnibus , quæ mun-
dus offert , Christum corde,
ore, et opere confitens, me-
rear ab eo agnosci , et audi-
re: Intra in gaudium Domi-
ni tui. Hoc idem, &c. *pag. 10.*

10. SE.

September. 257

10. SEPTEMBRIS.

*S. Nicolaus Tolentinus au-
dito illo Joān. Nolite diligere
mundum &c. inter D. Aug.
Eremitas se abscondit. Tantū
plūs diligeris a Christo, quanto
minūs diliges mundum.*

Subveni mihi, ut bono-
rum Mariæ filiorum more,
divinis monitis aurem, et
animum sequacem præbens,
et bona vita vivam, et bona
morte moriar. Hoc idem,
&c. pag. 10.

11. SEPTEMBRIS.

*S. Euphrosynus humilibus
in Monasterio culinæ laboribus
libenter occupatus, ad excel-
sum sanctitatis apicem perve-
nit. Respiciit humiles Deus.*

Im.

258 September.

Impetra mihi veram illam,
et ad feliciter moriendam
necessariam humilitatem,
ne superbo mihi resistat
Deus; sed humili mihi mo-
rienti det gratiam, et glo-
riam postea æternum viven-
ti. Hoc idem, &c. pag. 10.

12. SEPTEMBRIS.

*S. Guido, puer adhuc nun-
quam letior, quam cum preces
Deo, aut pauperi stipem dedis-
set. Errata etiam minima,
crebra confessione, & multis
lachrymis eluit. Hæc tu dedeco-
ri ducis?*

Ora pro me, ut vestigiis
tuis insistam, et si Deum of-
fendi, sanctè doleam: ut mo-
riturus audiam vocem,
quam tu audisti: *Veniat di-
lectus*

September. 259

lectus noster ad coronam fucunditatis . Hoc idem , &c. pag. 10.

13. SEPTEMBRIS.

S. Maurilius humilitate, et animarum Zelo insignis : moriturus adstantes hortatus , perpenderent, animas suas Christi sanguine redemptas esse . Tu toties tuam tantillo vendis ?

Impetra mihi à Jesu , ut pretiosam illam cogitationem toto corde imbibam, et pretiosam animam meam, ita curem in vita, ut moriens illi reddam , qui eam redemit . Hoc idem , &c. pag. 10.

14-SE-

260 September.

14. SEPTEMBRIS.

S. Christi crucem Heraclius Imp. non nisi abjecto regio cultu, & nudipes, referre potuit illuc, ubi prius steterat. Etiam crucem suam Deus superbis non indulget.

Sit mihi, obsecro, humillime Jesu, et viventi, et morienti pretiosa humilitas, tanquam certissima felicitatis tessera; ut, dum me humilio in terris, per crucem tuam exalter in coelum. Hoc idem, &c. pag. 10.

15. SEPTEMBRIS.

S. Nicomedes Sac. dum Martyris corpus sepelit, capitur; & jussus diis sacrificare, negat se alii, quàm Deo cœli sacri-

September. 261

*sacrificare posse . Cave Deo
subtrahas , quod Deo debes .*

Assiste mihi, ut per totam
vitam semper , quod Deo
meo debeo , tribuam ; ut et
animam meam multis ipsi
debitam, in morte in manus
ejus tradam . Hoc idem ,
&c. pag. 10.

16. SEPTEMBRIS.

*S. Euphemia multis ad Chri-
stum conversis, inter tormenta,
& feras illaesa fuit : donec cæ-
teris pedes lambentibus , orans
unius feræ morsu obiit . Nec
citiùs , nec seriùs morimur ,
quàm Deus velit .*

Ora pro me, ut nunquam,
nisi ex Dei mei nutu vivam;
sic spero , fiet, ut etiam non
moriar , nisi ex Dei nutu ,
hoc

262 September.

hoc est sancte . Hoc idem ,
&c. pag. 10.

17. SEPTEMBRIS.

Hac die , biennio ante mortem , S. Francisco Seraphinus crucifixus quinque SS. Christi stigmata impressit. Putas meliora sunt mundi oscula , an Christi vulnera ? elige .

Sine, Seraphice Pater, tibi Jesu stigmata in corpore portanti molestus sim, & rogem, ut me accendas, quò cognoscam, mihi viventi, et morienti meliora esse Jesu diligentis vulnera, quàm mundi, vel carnis blandientis oscula. Tu contra hæc me in vita, et in morte protege. Hoc idem, &c. pag. 10.

18. SE-

September. 263

18. SEPTEMBRIS.

*S. Ferreolus solutis divina
vi catenis Rhodanum succollā-
tibus Angelis tranavit: Retra-
ctus capite plectitur. Fidelibus
DEI servis omnia serviunt.*

Ora cum Angelis tuis pro
me, ut vincula, quæ me in
terris tenent, felix exuam,
et rapacem mortis fluvium
subcollātibus Angelis trans-
mittam, in æterno portu
futurus æternum felix. Hoc
idem, &c. pag. 10.

19. SEPTEMBRIS.

*S. Januarius inter flammās
cum Angelis cecinit. Blandien-
tibus ei feris gladio percussus
est. Concretus ejus sanguis in
capitis conspectu positus ebul-
lit.*

264 *Septembris.*

lit. Deo ferventer servi ; & nihil time.

O bulliat sanguis tuus apud DEUM pro me , tum vel maximè , quando meus hic sanguis mortuali tempore torpescet in venis , et impetra mihi ferventia animi amantis suspiria , inter quæ expirem . Hoc idem , &c. pag. 10.

20. SEPTEMBRIS.

S. Eustachius , Christi crucifixi intra cerui cornua invitatu, fidem amplexus est: eamque tam in exilio, conjugis, filiorumque amissione , quam inter victorias , & triumphos constanter tenuit . Tu quàm leviter perdis !

Doce me obedire Jesu
Chri-

September. 265

Christo ad bona vocanti, ut
sicut ad fontem cervus, ita
desideret anima mea ad
Deum. Assiste mihi nunc, et
in hora mortis, ut in fide
nunquam vacillem. Hoc
idem, &c. *pagio.*

21. SEPTEMBRIS.

*S. Matthæus publicanus ad
unam Christi vocem relictis
omnibus, Apostolus factus.
Dum fidem Patribus, & Æthio-
pibus attulit, securi percussus.
Pudeat, promptius nos Damo-
nem audire!*

Intercede pro me, ut sem-
per citò, et ferventer JESU
mihi loquenti obediam. Ora
verò, ut ita mihi loquatur
Jesus, ut simul det mihi gra-
tiam obediendi, et morte

M obe-

266 September.
obedientium moriendi. Hoc
idem, &c. pag. 10.

22. SEPTEMBRIS.

S. Mauritius Thebæta Legionis Princeps, occiso decimo quoque pro Christo, author fuit, omnes, hoc est, 6666. pro eo occumberent. Nunquam gloriosius hæc Legio vicit.

O SS. Milites, gloriosi Martyres, adesto mihi, cum militiæ meæ finem moriendo imponam. Orate, et clamate tunc pro me, ad omnia muto: ut me, licet meritis meis bona morte indignum, tamen propter Iesu, et Mariæ merita, vestra societate dignetur. Hoc idem. &c. pag. 10.

23. SEPT

September. 267

23. SEPTEMBRIS.

S. Thecla à S. Paulo in vinculis conversa Christo nupsit : non sat tutam se videns inter homines , fugit , & vicit. Fugiam & ego pernicioſa hominum consortia .

Adeſto mihi S. Virgo , in arena mortis , & protege me , ne fera peſſima animam meam devoret ; ſed duc me tecum in Paradifum . Hoc idem , &c. pag. 10.

24. SEPTEMBRIS .

S. Gerardus Hungaros Chriſti , & Mariæ cultum docuit . Nihil negavit , quod interpoſito MARIÆ nomine rogabatur . Quid talis non impetret à Maria ?

M 2 Ora

268 *September.*

Ora pro me, ut & ego alios
ad Mariam traham. O me
totum, vitam, & mortem,
meam ejus amorì conse-
crem! ut post mortem me
ipsa tanquam suum, in cœ-
lum deducat. Hoc idem,
&c. pag. 10.

25. SEPTEMBRIS.

*S. Puer, quod audierat ab
Angelis cantari, S. Deus,
S. Fortis, S. Immortalis,
miserere nobis, docuit suos.
Et quievit à terræ motu Con-
stantinopolis. Disce Deum
placare ab Angelis.*

Doce me placare Deum;
& maximè illa hora, quæ
ultima erit, mecum clama:
*S. Deus, da sanctè vivere in
timore tuo; S. Fortis, da for-
titer*

September. 269

titer mori in amore tuo;
S. Immortalis da morienti
sanctam immortalitatem.

Hoc idem, &c. pag. 10.

26. SEPTEMBRIS.

S. Justina legem Christi clam
docta, parentes eandem docuit.
Impuras faces, à mago accen-
sas, signo crucis extinxit, quo
& ipsum convertit. Discet vim
crucis.

Impetra mihi, ut multos
doceam viam salutis, & ne
ab ea aberrem; adesto mihi
in omni tentatione, maximè
cùm migrabit anima ex hac
vita: & *S. Crucis* signum ten-
tatori objice, ut nocere non
possit. Hoc idem, &c. pag. 10.

M 3 27. SE-

270 September.

27. SEPTEMBRIS.

S. Elzearius Comes à Maria doctus, in aula sua neminem nisi probum passus est. Passioni Christi tam devotus, ut in latere ejus se diceret habitare. An tu Magistram habes Mariam? mores tuos inspice.

Ora Maria, ut à Christo, quod me docet, sanctè vivere, & mori, mihi discendi gratiam impetret: & ut vivus in latere Iesus habitem, & moriens in illud spiritum meum emittam. Hoc idem, &c. pag. 10.

28. SEPTEMBRIS.

S. Venceslaus Dux ab avia Ludmilla piè educatus, nudis pedibus hieme templa obibat,
sa-

September. 271

*sacerdoti ministrabat, omnia
oratione inchoabat. Tanti est
à piis educari!*

Exora mihi gratiam, edu-
catoribus (qui boni mihi
non desunt) obsequendi; ut
sic recto tramite tendam ad
portum felicissimæ æternita-
tis, quam tu inhabitas. Hoc
idem, &c. pag. 10.

29. SEPTEMBRIS.

*S. Michael Arch. Angelorum
honorum Dux, malorum do-
mitor: cui Deus tradidit ani-
mas sanctorum, ut ducat in
Paradisum. Hunc, si sapias,
stude habere Patronum.*

Ne me deferas morientem,
S. Michael, & cum Dæmone
luctantem, & suscipe beni-
gnus animam meam mi-

M 4. gran-

272 September.

grantem . Ora pro me , ut
te Duce, & Angelo meo ita
vivam , & moriar, ut hære-
ditatem capiam salutis. Hoc
idem . &c. pag. 10.

30. SEPTEMBRIS.

S. Hieronymus flens dicebat:
sive edam , sive bibam , sive
aliud agam , semper videtur
mibi sonare : Surgite mortui ,
venite ad judicium . Sancti
timent judicari : tu rides ?

Ora pro me , ut & ego
dùm vivo à Judiciis divinis
timeam , & ita me parem ad
securum transitum ex vita ;
et demum inter sanctas ad
crucifixum Jesum aspiratio-
nes expirem . Hoc idem ,
&c. pag. 10

OCTO-



O C T O B E R .

I. OCTOBRIS .

S Remigius Episcopus Rhe-
 mēsis in Gallia, qui primus
 Francorum gentem ad Christū
 convertit, de quo illud insigne
 humilitatis exēplum traditur,
 quod cum ob illius Sanctitatem
 à Populo invitatus ad Episcopale
 munus in 22. annorum etate
 eligeretur, quod Ecclesiasticæ
 leges obstarent, cælesti signo
 fuit approbatus, à Christo nem-
 pe ipsum sacro chrismate un-
 gente, ac consacrante. Quo
 insigni miraculo acquiescens,

M 5. ma-

274 October.

maximis inde virtutis splendoribus ad totius Galliae christianam felicitatem effulsit.

O S. Remigi, qui Pastorali munere adeo in Ecclesiam ad populorum salutem præfulsisti, pauperrimum me peccatorem de cælo respice, ut quod vivens pro mea salute neglexi in meæ vitæ agone, extrema unctione delibutus, inimici insidias fortiter eluctando Atletæ confortatus victor evadam. Hoc idem, &c. pag. 10.

2. OCTOBRIS.

S. Leodegarius cruce è templo armatus hostibus suis obviam ivit: nec vilis tormentis coerceri potuit, quin de Deo loqueretur. Non confunditur, qui in cruce spem ponit. Ora

October. 275

Ora pro me, ut non nisi in cruce sperem. Hæc mea sit armatura contra hostes, in ultimo maximè conflictu, & in adversis solatium; ut securè transeā ad æternos triumphos. Hoc idem, &c. pag. 10.

3. OCTOBRIS.

S. Joannes Chuzubita, humilitate eximius: in adversis non aliud solitus dicere, quàm, si Deus hæc pati potest, quidni ego velim? Et quis tu, qui nolis?

Doce me agnoscere meum nihilum, ut verè sim parvulus in oculis meis, & in omnibus me Dei dispositioni accómodem; ne me tanquam sibi cōtrarium à cœli porta repellet. Hoc idem, &c. pag. 10.

M 6

3. O-

276 *October.*

3. OCTOBRIS.

*S. Franciscus simul pauper-
rimus, & ditissimus. Vis nos-
se, quomodo? Relictis omnibus
possedit Deum; in Deo omnia.
Non potes omnia dimittere?
saltem cor non affige.*

*Agnoscam hanc verita-
tem, quam docuisti, Deus
meus, & omnia: ut maturè ab-
omnibus, quæ Deus non
sunt, cor abstraham; & nihil
sit, quod in morte me impe-
diat, quò minùs tendam ad
Deum, qui est omnibus om-
nia. Hoc idem, &c. pag. 10.*

5. OCTOBRIS.

*S. Meinulphus audito: Vul-
pes foveas habent, Filius ho-
minis non habet ubi caput
ponat: Illico Christo locum in*

cor-

October. 277

*corde dat , & templum struit .
Quoties eadem audis , & ani-
mum claudis ?*

Impetra mihi sacris elo-
quiis tam promptas aures, &
cereum cor, ut me , meaue
Deo planè transcribam: non
enim me in morte recipiet ,
nisi eum in vita recepero in
cor meū. Hoc idem, pag-10.

6. OCTOBRIS .

*S. Bruno , audito , probat . e
alias vitæ viro post mortem , se
justo Dei judicio accusatum ,
judicatum , condemnatum
asserente , elongavit fugiens , &
mansit in solitudine . Quisquis
sapis , time judicia Dei .*

Imprime mihi magna illa
æternitatis lumina, et tepidā
voluntatem meam accende;
ut

278 *October.*

ut solidè perpenſis Dei judi-
ciis , me ita parem , ut *miſe-
ricordiſſimo Dei judicio* adjudi-
cer cælo. Hoc idem, &c. p. 10.

7. OCTOBRIS.

*Hoc die an. 1571. ad Inſu-
las Lchinadas ope Deiparæ
Turcas, Duce Joanne Auſtrio,
Pius V. cum Hiſp. & Venetis
vicit. Cæſa Barbarorũ 30000.
Chriſtiani liberati 3486. naues
captæ 190. flammis , & aquis
haußæ 80. Tormenta hoſti ere-
pta majora 116. minora 256.
Hæc ſcilicet Virgo Lunam ba-
bet ſub pedibus .*

*Invictiſſima Virgo , nos
etiam hodie juva, & creſcē-
tem ſemper Lunam pedibus
tuis contere. Chriſtianis unū
cor, & animā unam impetra,*

ut

ut cum illis faciat potentiā
suam Deus. Mihi verò nunc,
& in ultimo mortis conflictu
sis cum Iesu tuo certanti tes-
tera; ut unicā, & tu mihi sis
Maria de Victoria in terris,
& Maria de triumpho in cę-
lis. Hoc idem, &c. pag. 10.

8. OCTOBRIS.

*S. Brigitta Sueca, ex quo Je-
sum sauciū vidit, nunquā sine
lachrymis de ejus passione memi-
nit, & tota vita pauperibus in-
firmis servavit. O vel semel sic
ego Christi passionem recolam!*

Ora pro me, ut sic Crucifi-
xum, & Mariā amem, ut eorū
amore pauperibus, & infir-
mis libēter me impendā. In-
spero, Iesum in morte mihi
adfuturum, qui, quod uni ex
his

280 October.

his minimis fit, sibi factū æstimat. Hoc idem, &c. pag. 10.

9. OCTOBRIS.

S. Dionysius à S. Paulo conversus, in Gallia multa pro Christo fecit, & tulit. CX. annorū senex capite plexus, quod ipse 200. passus ad tumulū tulit. Vis scire, quantū Christum ames? quantum pro eo pateris.

Impetra mihi id, quod optimum est: ut, dum vivo, caput meum in manibus portem, Deo, et superioribus illud subjiciendo; ut demū in morte illud in sinū Iesu mei deponam. Hoc idem, pag. 10.

10. OCTOBRIS.

S. Franciscus Borgia Gandie Dux viso Isabelle Imp. nuper formosissima putrescente cadave-

October. 231

*davere, in Jesu Societatem se
abdedit. Corpus, ut servum
habuit: singulis horis ad mor-
tem se paravit. Viso in Mariæ
sinu Jesulo dicebat: mihi Vir-
go hoc onus gestat: mihi lac
Matris, et Filii sâguis bullit.
Omnes hoc agnoscant!*

*Impetra mihi S. Franciscus,
bulliat et pro me nunc, et
in hora mortis peroret lac
Matris, et Filii sanguis: ut
lacte cādida, et sâguine pur-
purea mea anima, ad fontes
ipsos, Iesum, et Mariā abeat.
Hoc idem, &c. pag. 10.*

II. OCTOBRIS.

*S. Bruno Archiep. Col. visita
sub divinis Henrici Fr. & Co-
monis Affinis sui fabulis, & le-
vitare, palam arguit, dicens,
fami-*

familiaritatem hanc fore semen magnæ inimicitia; quod & factum. An non & hodie id pluries dici posset?

Ora pro me, vt nunquam ego tam perniciosam sub diuinis cùm homine familiaritatem contraham, quæ mihi possit facere æternam cum Deo inimicitiam, sed potius sim cum Deo in templis & vbiq; familiaris nunc & in æternum. Hoc idem, etc. pag. 10.

12. OCTOBRIS.

S. V. Wilfridus patientia insignis, quadriennium vitæ, Mariæ ope, impetratum, præparatione ad mortem impendit. Tu si sapiis, totam vitam huic impende.

In-

October. 283

Intercede pro me cum Maria apud Jesum, ut det mihi tempus, et voluntatem præparandi me ad S. mortem; ut ita mihi vitam proroget, vel abrumpat, prout scit mihi prodesse ad æternitatem. Hoc idem, etc. pag. 10.

13. OCTOBRIS.

S. Venantius Ab. audiens Angelos. canentes Sanctus, se, suosque ad Deum laudandum accendit dicens. Væ nobis inertibus! Putas hoc væ nos evasuros?

O accendat et me ad laudes divinas cœlestis curia! Me verò, ò Dei amice, juva nunc, et in agone mortis, ut non iners, sed fervēs vivam: ne post mortem audiam illud

284. October.

Iud tepidorum Væ ! Hoc
idem , etc. pag. 10.

14. OCTOBRIS.

*S. Burchardus primus Her-
bipoli Episcopus à tenebris in
lucem Franconiam deduxit, ei-
que Christi, & Mariæ amorem
instillavit. Omnibus charus ob
Zelum , & modestiam . O non
sim ego degener filius.*

Excita in me , si tepescat,
in Iesum , et Mariam amo-
rē, ut in agone, et à te filius
tuus hoc signo agnoscat, et à
Iesu , et Maria vicissim me-
rear amari, et æterna beati-
tudine, qua jam frueris, do-
nari. Hoc idem, etc. pag. 10.

15. OCTOBRIS.

*S. Tereſia V. Christo à B.V.
desponsata , amore ejus vovit
sem-*

October. 285

*semper agere, quod perfectius
nosset. Viso semel Jesu spinis
coronata, semper dicebat: Do-
mine aut pati, aut mori.
Quid tu eliges?*

*Impetra mihi, sic Deum
amare, ut eligam nunc, aut
pati, aut mori. Ora pro me, ut
eligam semper optima; et
adepto cum JESU, & Maria
dilectis tuis agoni meo, ut
ab illis tunc assumar inter
electos, futurus tecum in
æternum. Hoc idem, p. 10.*

16. OCTOBRIS.

*S. Gallus, ne carnem hostem
sentiret, triduanis jejuniis, ci-
liciis, & catenis domuit. Hinc
quæ voluit, impetravit à Deo.
Disce, qui quereris à Deo ni-
hil te impetrare.*

Im-

286 October.

Impetra mihi, ut domem
carnem meam, et elevem ad
cœlum; ne illa indomita è
cœlo detrahat blandientem,
et conniventem nimiũ ani-
mam meam in Infernum.
Hoc idem, &c. pag. 10.

17. OCTOBRIS.

*S. Andreas Sanctorum ima-
gines per multa tormenta pro-
pugnavit, in quibus non aliud
dicebat, quàm, Domine ser-
va, Domine dirige. Si pro
Deo pugnas, ne metuas.*

Dic pro me vivente, & mo-
riente, *Domine serva, Domi-
ne dirige*, et doce me Sancto-
rum imagines colere, ut ad-
sint mihi in vita, et morte, et
ene servet, et dirigant in viã
pacis æternæ. Hoc idẽ, p. 10.

18. O-

October. 287

18. OCTOBRIS.

S. Lucas Evang. primus pietatē suā manu Mariæ Effigiem posteritati reliquit, quæ etiam hodie miraculis Romæ claret : O sic & nos Mariæ effigiem in moribus exprimamus !

Impetra mihi à Jesu, et Maria felicem coronidem omnium gratiarum, hoc est felicem mortem ; ut Mariam, non jam à te pictam, sed de facie ad faciem videam in templo sancto gloriæ in æternum . Hoc idem , &c. pag. 10.

19. OCTOBRIS .

S. Ethimus adol. ad illud Christi : Qui non renunciat omnibus , non potest meus esse

288 *October.*

*esse discipulus , omnes oper
egenis , seque Deo dedit. O nos
indociles ! quàm pauci hanc
Philosophiam capimus !*

*Impetra mihi hanc docili-
tatem, & in miseros charita-
tem , ut quando cum morte
luctabor, à Christo agnoscar
discipulus, & ab ipso exci-
piar in cœlo. Hoc idem, &c.
pag. 10.*

20. OCTOBRIS.

*S. Fides V. pro Christo super
candentē craticulam lento igne
assata , constantia sua Capra-
sum ad Martyrum pellexit .
Pudeat te , à Virgine patien-
tia vinci !*

*Offer Deo, pro ultimo le-
ctulo meo aliquid de meri-
tis igneæ tuæ craticula ; et
roga ,*

October. 289

roga , ut mihi morienti ro-
tem æternæ suæ benedictio-
nis infundat. Hoc idem ,
&c. pag. 10.

21. OCTOBRIS.

*S. Ursula ad sponsum suum
itura, adverso vento Coloniā
ejicitur, ubi ab Hunnis cum
11000. Virg. pro fide, & Virgi-
nitate sagittis confossa, agoni-
zantium est Patrona. Invoca,
& experire.*

S. Ursula cum sodalibus
advola ad agonem meum,
nec permitte me perire. Val-
late me morientem, & facta
quasi contra hostes meos
manu , me in illa , in qua
estis, æternitate collocate.
Hoc idem, &c. pag. 10.

N 22. O.

22. OCTOBRIS.

S. Joannes, nomine Bonus, sed ex divitiis malus. Ex matris precibus, & morbo sapuit, & opes abjecit, ut Deum teneret, & esset bonus. Tales bonos Christus amat.

Ora pro me Christum, qui te ad vulnerum suorum oscula invitavit, ut me doceat amare, et odisse, quod ille amat, et odit; et ut morienti mihi è suis vulneribus propinet vitam, in qua nemo est, nisi bonus. Hoc idè, &c. pag. 17.

23. OCTOBRIS.

S. Macarius post vitam diu austere actam, incautus foeminam tuzurio recepit, & in impuram

October. 291

*puram cogitationem fuit deie-
ctus: Culpam multis lachrymis,
& jejuniis eluit. Vis non labi?
Semper cave.*

Impetra mihi, ut nun-
quam non cautè ambulem;
aut si incautè prolapsus sū,
illico resurgam: ut cum An-
gelis super poenitente gau-
dentibus æternū gaudeam
Hoc idem, &c. pag. 10.

24. OCTOBRIS.

*B. Joannes Angelus, Mariæ
servus, carnem vite austerita-
te totam prodegit, ut in morte
nil nisi cutem, & ossa relin-
queret. Hunc prodigum imite-
ris licet.*

Ora pro me, ut Mariæ
ferviens, et carnem spiritui
subigam, et bene vivam, quò

N 2 bene

292 October.

bene moriar, et tecum inter
Mariæ servos merear in cœ-
lis numerari. Hoc idem, &c.
pag. 10.

25. OCTOBRIS.

*S. Chrysantus, paucis ex
Evangelio lectis, Christo ma-
nus dedit: & contra patris
blanditias, mulierum insidias,
Tyranni sævitiam stetit, & vi-
cit. Si stare nosci pro Deo, stabit
Deus pro te.*

Aperi mihi castissimis tuis
precibus cor ad legenda, et
agenda, quæ me legere, et
agere vult Deus; ut morien-
tem me lux sancta adducat
in montem sanctum DEI.
Hoc idem, &c. pag. 10.

26. O-

26.OCTOBRIS .

S. Fulco è pauperrimo factus Episcopus . Hujus memor , quotidie 5. studiosos pauperes cum suo Magistro mensæ adhibuit . Honores mutant mores : quàm pulchrum, si in meliores ?

Revoca mihi frequenter in memoriam, quis, qualisve fuerim, ne elatus ruam, unde nō tam facilè resurgam : et ut per pauperum manus mihi securam semitam sternam ad vitam æternam. Hoc idem , &c. pag. 10.

27. OCTOBRIS.

S. Elesbaan Rex invocato S. Gabriele hostem vicit . Victor positis Regiis vestibibus, pri-

N 3 *vata*

294 October.

vata, & aspera vita ad mortem se paravit. Quidni cælum applaudat?

Invoca pro me Gabrielem, ut mihi morienti adsit, qui (frigidè licèt) toties ejus ad Mariam orationem perorans petii, ut illa me nunc, & in hora mortis meæ tueatur. Hoc idem, &c. pag. 10.

28. OCTOBRIS.

SS. Simcon, & Judas, Ægypto ille, hic Mesopotamie, deinde simul Persidi Christum prædicantes, & morte Christum glorificarunt. Si sic Christus glorificatur, certè tu non honoras.

Orate pro me, ut in vita omnia dirigam ad Dei, & majorem quidem gloriam;
& de-

October . 295

& denique morte in Dei gratia obita Deum glorificé : ut ab ipso doner æterna gloria. Hoc idé, &c. pag. 10.

29. OCTOBRIS.

S. Ermelindis V. 12. ann. sensit corrtuales Deum, & Mū- dum : elegit pulcherrimum & Christum. & ne perderet, mundo exiuit . Putas sapit , qui mandum eligit ?

Impetra mihi , ut agnoscam quantò Christus sit mundo melior, ne præ Christo mundum , qui totus in maligno positus est, eligam, quo cum impossibile est salvari . Hoc idem , &c. pag. 10.

N 4 30. O-

296 October.

30. OCTOBRIS.

S. Zenobius aditam hæreditatem brevi inter pauperes distribuit: pro qua reddidit ei Deus, ut morbos solo tactu curaret. Date, & dabitur vobis.

Ora pro me, ut hanc artem feliciter discam, qua Deū mihi faciam tam liberalē amicum; ut ubi ab omnibus deferat, reddat mihi hæreditatem æternam. Hoc idem, &c. pag. 10.

31. OCTOBRIS.

S. VVolfgangus Ep. per vitam suam ingenium suum gratis Juventuti ad Dei gloriam excolendam impendit. In lubrico stat Juventus: obsequium præstas Deo, si dirigit.

Adjuva me, ut juventutem

November . 297

tem, & meam, & aliorum, eò
dirigam, ubi omnia momen-
ta vitæ sanctis Dei obsequiis
impendantur; ut in hora
mortis sanctam æternitatem
feliciter inchoemus. Hoc
idem, &c. pag. 10.



NOVEMBER.

I. NOVEMBRIS.

Omnes SS. , & Fusti ,
qui in Domino gaudent,
& in carne positi sanguinem
suum fuderunt , & in sanguine

N 5 ne

298 November.

*ne Agni laverunt stolas suas ,
& modo coronantur , & acci-
piunt palmam . Sic Deus
laborantes , & oneratos solet
reficere .*

*O Beati Patrię Cælestis Ci-
ves , & me etiam vocate in
Patriam cū defecerit in A-
gone vitæ virtus mea , ut ego
vobiscum hæreditatis vestræ
particeps reficiar . Hoc idem
&c. pag. 10.*

2. NOVEMBRIS.

*Iustorum anime in manu
Dei sunt , & non tangit illos tor-
mentum mortis , sed purgationis
ad æternam vitam . O utinam
tam Sancto perfruarur exilio ,
ut spem in beata Dei visione
habeamus ;*

O

November. 299

O æternis felicitatibus destinatæ Animæ, mihi morienti à Deo impetrate, ut mercedem post vestram beatitudinem recipiam. Hoc idem, &c. pag. 10.

3. NOVEMBRIS.

S. V Venfrida V. Christo nupta, in templo, quò fugerat, à lenone pro Virginitate, & fide obtruncata est. Quam malè tuta Virginitas apud alterum sexum!

Impetra mihi, ut fortiter pro animæ salute pugnem dum vivo, et dum moriar, et coronam accipiam æternitatis, legitimè certantibus paratam. Hoc idem, pag. 10.

N 6 4. NO-

300 November.

4. NOVEMBRIS.

S. Carolus post egregios labores pro Clericis, populique morum disciplina, & Animarum salute sollicitè in Veralli Monte totus in Christi passione contemplanda se præparavit, & in postremis sue vitæ momentis, fixis in Christi imaginem oculis Spiritum beatè emisit. Hæc solet esse Sanctorum Dei retributio.

O S. Carole, tantorum laborum affecutus præmium, ora pro me, ut in extrema vitæ periodo totam spem meam in fontem vitæ Crucifixum reponam, ut felici morte te præclaro benè morient-

November . 301
riendi Magistro æterna asse-
quar præmia. Hoc idem, &c.
pag. 10.

5. NOVEMBRIS.

*S. Emericus S. Steph. R.
Hung. Fil. audiens, Cælo nil
gratius esse Virginitate, suam
Deo dicavit, & sponsæ persua-
sit. O quàm erunt cælo ingrati,
qui eam prodigunt !*

Ora pro me, unà cum B.V.
à te in matrem electa, ut sē-
per id agam quod Domino
maximè placere cognove-
ro: ut citò post mortem unà
tecum Deum laudare inci-
piam. Hoc idem, etc. pag. 10.

6. NO-

6. NOVEMBRIS.

S. Leonardus tam charus erat Deo, ut precibus suis reos è carceribus, solutis sponte vinculis, educeret. Disce orare, & potes quidvis apud Deum.

Ecce mortis (utinam non eterne) rea hæc anima mea, carcere hoc per mortem egredi horret, quia æternum timet. Elice ex oculis meis lachrymas, quibus vîcula peccatorum rumpam, ut sim æternum liber. Hoc idem, etc. pag. 10.

7. NOVEMBRIS.

S. Engelbertus Archiep. Col. de Friderici Cognati insidiis monitus, noluit cum prodere :



November. 303

Et moriens pro ipsa, à quo pro Ecclesia 47. vulneribus sanciat. us fuerat, à Deo sanctam mortem exoravit. Hoc est, Christi esse discipulum.

Doce me, obsecro, hanc charitatem, ut agnoscar verus Christi discipulus in vita, et morte. Hoc idem, etc. pag. 10.

8. NOVEMBRIS.

S. Godefridus Ep. quotidie 13. pauperes, abluens prius eorum pedes, cibavit: hyeme suis nudos vestibus texit: Reis subditis supplex factus, ut resipiscerent. Talis in te erit Deus, qualis tu in alios.

Ora pro me Deum, ad parcendum, quàm ad puniendum proniorem; ut me ceu
filium

304 November.

filium benignè arguat viventem, ne æterno furore corripiat morientem. Hoc idem, &c. pag. 10.

9. NOVEMBRIS.

S. Theodorus miles, accenso matris Deorum fano, dire fame, & ungulis cruciatus psallens in igne expirat. Latè moritur, qui bene vixit.

O quàm felix & ego hinc migrabo, si tecum, & cum Angelis migrem; Impetra mihi, ut benè vivam, ut mortem habeam lætam, quæ Deo æternùm benedicam. Hoc idem, &c. pag. 10.

10. NOVEMBRIS.

S. Theoctista V. è captivitate Arabica, ut pudorem servaret, fugit, & in sylvis 35. annos

nos

November. 305

*nos nonnisi ex herbis vixit.
Non expugnatur pudor, nisi
proditor sit animus.*

Intercede pro hac anima
mea miseranda, quæ tam
lâguide se parat ad æterni-
tatem; & impetra mihi è tuis
ardoribus unam constantē
scintillam, quæ mihi semper
in corde vivat usque ad
mortem. Hoc idem, pag. 10.

11. NOVEMBRIS.

*S. Martinus adhuc Neophy-
tus in paupere Christum vesti-
vit. Moriturus Daemonem vi-
dens dicebat: Nihil in me fu-
neſte reperies. O me felicem,
ſi hoc dicere poſſim!*

Interpone pro me, preces
tuas, ut, dum vivo, fune-
ſtum illum vincere aſſue-
ſcam;

306 November.

scam ; ne quid in morte bestia illa cruenta reperiar.

Hoc idem , &c. pag. 10.

12. NOVEMBRIS.

S. Didacus idiota ; Mariæ festa jejuniis colebat ; & crucis amantissimus, expirans arrepta cruce dixit : Dulce lignum, &c. Ecce surgunt indocti, & doctis cælum eripiant !

Interveni pro me, ut Mariam, & Crucem sic semper amem, ut dulce lignum, dulces clavi, & Crucis dulcissimum pondus Jesus dulcem mihi morientidet æternitatem. Hoc idem, pag. 10.

13. NOVEMBRIS.

*B. Stanislaus Kostka Soc. Jes. adhuc Tyro adeo B. Virginem Mariam in vita coluit, ac
ama-*

November. 307

*amavi, ut tanquam Matrem
eam unicè haberet; in ejus In-
stitutis, ac Sanctitatis Tyrocinio
in beatis cū ea colloquiis cele-
stibus delitiis recreatus, innocē-
tissimū suæ adolescentiæ Spiritū
fervore exultans Deo reddidit,
& consummatus in brevi ex-
plevit tempora multa. Quam
pretiosa mors justī, cujus ani-
ma Deo placita est!*

B. Adolescens, impetra
mihi à tua dilectissima Do-
mina, & mea, ut transeun-
tis animæ meæ ex Mundi
angustiis, iniquitates de-
fleam, & tantæ Patronæ ope
non cadam in obscurum; ut
tādē in habitaculo tuo sine
macula egrediens requie-
scam. Hoc idem, &c. pag. 10.

14. NO-

308 November.

14. NOVEMBRIS.

B. Albertus S. Thomæ Magister, audito Mariæ Magistræ suę nomine dulcissime flevit. Ultimo vitę triennio omnis sciētię repenti oblitus, quotidie tumultum suum est contemplatus. Putas, talis imparatus morietur?

Hoc est, quod desidero. B. Alberte, Magistram sanctę vivendi, & moriendi habere Mariam: adjuva me, ut nunc sanctę vivam, & postea sanctę moriar. Hoc idem, &c. pag. 10.

15. NOVEMBRIS.

S. Leopoldus Austriæ Marchio, in egenos, & ad fundanda Deo templa liberalis, sibi thesauros condidit in cœlo. In æternitate ne egeas, jã provide.

Itm-

November. 309

Impetra mihi, ut semper
sim liberalis in pauperes, &
ea quæ Dei sunt : ut ita vi-
cissim Deum in morte, ac
æternitate mea erga me ex-
periar liberalem. Hoc idem,
&c. pag. 10.

16. NOVEMBRIS.

*S. Edmundus malos socios
fugiens, Jesum habuit socium,
à quo doctus contra repentinam
mortem, vesperi cruce frontem
signare, & dicere : Jesus Na-
renus Rex Judæorum. Fuge,
qui Jesum fugant, & habebis
socium Jesum.*

Ora pro me Jesulum tuum,
& Mariam, ne me improvi-
sa morte mori permittant;
sed faciant, ut sim semper
paratus mori. Hoc idem,
&c. pag. 10.

17. NO,

310 November.

17. NOVEMBRIS.

S. Gregorius Thaumaturgus dictus ob miracula . Maximus ipse fuit , quòd Mariam , & S. Joannem Evang. Magistros in fidei mysteriis habuit . Nec mirum: Virgo fuit .

Ora pro me Magistros tuos Mariam, & Joannem, ut me docilem reddant scientiæ æternitatis. Ora Deum , ut in vita, & morte mirabili sua ope me protegat , ut salver. Hoc idem , &c. pag. 10.

18. NOVEMBRIS.

S. Odo plàs vanis poetis, quàm piis libellis tempus impendens , expertus est cœlum sibi iratum. Monitus destitit. Putas , cœlum non irascatur , si volvas lasciva?

Ade-

November. 311

Adesto mihi et oranti, et
studenti, & quidvis aliud
agenti præcipuè morienti;
ut avertas à me quidquid
veneno suo me tradere po-
test æternæ morti. Hoc
idem, &c. pag. 10.

19. NOVEMBRIS.

*S. Elisabetha Regina, visa
Crucifixi effigie, omnem orna-
tum abiecit, & extructo Xe-
nodochio 900. pauperibus ser-
viebat. Mortuo conjuge arce
pulsæ, fortiter tulit. Tu non
possis, quod fœmina?*

Accende me illo, quo Je-
sum in cruce amasti, igne
coelesti. Feliciter moriar,
si ita succensus extinguar;
neque ardebo igne infelicitatis
æternitatis. Hoc idem, &c.
pag. 10. 20. NO-

312 November.

20. NOVEMBRIS.

S. Dasius Juvenis gratiosissimus, maluit Christo pro fide victima fieri, quam Saturno more patrio, deliciis saginatus immolari. O sic vel parentes, vel Filii sapiant!

Ora pro me, ne suis me deliciis mundus fami, & siti æternæ saginet, sed ut pctiùs fame, et siti ad suas epulas paret Deus, et hujus solius vivens, et moriens sim victima. Hoc idem, &c. pag. 10.

21. NOVEMBRIS.

SS. Joachim, & Anna Mariam trimulam, longè charissimam, obsequio Dei in Templo dicarunt. Ipsa promptè secuta, & sponte sola templi gradus ascen-

November. 313

*ascendit. Habent parentes,
& liberi, quo erubescant.*

O Deo, Angelis, & hominibus amabilis parvula, Maria! ego me tibi, & per te Deo præsento in servum. Ad te jam pertinet, ò Domina, curare, ut ita vivam, ita moriar, sicut decet tuum servum, et à te Deo offerendum. Adesto mihi, ò dulcissima parvula, hodie, et in tota vita mea. Hoc idem, &c. pag. 10.

22. NOVEMBRIS.

*S. Cecilia licet Virginitatis
sue singularem haberet Angelum
Custodem, tamen cilicio, jeju-
niis, oratione, & lectione sacra
eam custodiit. Nimirum inter
hec tutissima Virginitas.*

O

Im.

314 November.

Impetra mihi, ò S. Virgo, mortificationis studium, & pete pro me à Deo, pro sancta ad mortem præparatione, quod pro te petiisti, ut fiat cor meum immaculatum. Hoc idem, &c. pag. 10.

23. NOVEMBRIS.

S. Clemens Pont. Chersonæ in exilio 2000. Christianorum, in latomiiis aquæ dulcis fontem orans impetravit. Qui rectè novit orare, omnia habet.

Roga Agnum illum fontis Indicem, ut me fonte vitæ nunc, et morientem ita recreet: ut postea torrente voluptatis perpetuæ fruatur. Hoc idem, &c, pag. 10.

24. NO:

24. NOVEMBRIS.

S. Chrysogonus nullis honoribus, aut divitiis induci potuit, ut Deos coleret, qui (ut agebat) essent Demonum simulacra. Etiam hodie sub his escis Diabolus sua retia ponit: cave.

Impetra mihi tam generosos spiritus, ut non quæram alium honorem, et divitias, quam Deo fervire; cui servire in terris, est regnare in cœlis. Hoc idem, &c. pag. 10.

25. NOVEMBRIS.

S. Catharina Maximinum sacrificantem diis arguit, 50. Philosophos Christo lucrata: spreto Imp. amoribus per Mar-

316 November.

tyrium eos secuta est. Hoc Christianorum est.

Converte me, ut totus ab iis, quæ Deus non amat, averſus, totus convertar ad Ieſum; & ad memorientem ſit ejus converſio, qua mihi æternùm faciem ſuam oſtendat. Hoc idem, &c. pag. 10.

26. NOVEMBRIS.

S. Sylveſter, viſo ſodalis ſui olim pulcherrimi cadaveris, exclamavit mundo valedicens: Hoc ſpeculum meum eſt; ſum, quod hic fuit; brevi ero, quod hic eſt. Hoc ſpeculum & tu inſpice.

O B. Juvenis! objice mihi quotidie hoc ſpeculum, ut agnito quid ſim, et quid futurus ſim, diſcam mundum ſper-

November. 317

spernere , et totum me ad
Deum convertere . Hoc
idem, &c. pag. 10.

27. NOVEMBRIS.

*S. Jacobus in Isdegerdis gra-
tiam Christum ejurat: sed à
Matre, & Conjuge objurgatus,
resipuit , & membratim disse-
ctus sanguine factum oblitera-
vit . Errare humanum est;
perseverare Diabolicum .*

Impetra mihi, toties Deo
infideli , per merita tua gra-
tiam , ut in lapsu non perse-
verem, sed per pœnitentiam
exurgam , et usque ad vitæ
finem in bono perseverem .
Hocidem, &c. pag. 10.

28. NOVEMBRIS.

S. Stephanus M. acerrimè

O 3

pro

318 November .

*pro Sanctorum imaginibus pug-
nans, exitium primo, dein &
mortem tulit . O sic Dei in no-
bis imaginem tueamur .*

Ora pro me, ut Dei in me
Imaginem contra Dæmo-
nem, Mundum, et Carnem
sanctè defendam, ut in illa
die Deus imaginem suam
cognoscat, et in sua reci-
piat. Hoc idem, &c. pag. 10.

29. NOVEMBRIS .

*S. Radbodus Sanctorum vi-
tis velut speculo usus, ut suam
componeret . Morituro adfuit
B. V. quòd ejus in precibus
semper fuisset memor . Num-
quid & tu sic eam potes face-
re patronam ?*

Ad uva me, ut semper
sim Mariæ memor, quò &
illa

November. 319

illa sit memor mei; et ut cōponam vitam meam ad speculum vitæ, et mortis Iesu; et SS. ut mors mea sit speculum mortis sanctæ. Hoc idem, &c. pag. 10.

30. NOVEMBRIS.

S. Andreas Ap. in Acbaja pro fide cruci affigendus dixit: O bona crux, diu desiderata! Accipe me ab hominibus, et redde me Magistro meo. Non est brevior ad Deum via Cruce!

O crucifixe Crucifixi discipule, impetra mihi, ut non fugiam crucem, sed pretiosè æstimé. Et ora, ut Christi crux ultimam meam crucem sic reddat efficacem; ut per eam veniā ad gloriam. Hoc idem, &c. pag. 10.

O 4 DE-



D E C E M B E R.

I. DECEMBRIS.

S Philaretus Rusticus , ob liberalitatem in pauperes , vidit neptem suam Constantini Imp. Conjugem , se Consulem. Testamento orbi relquit , quod ipse fecit : Estote misericordes.

Adjuva me, ut hoc documentum altè animo imbibam, et si corporali non possum , spirituali eleemosyna pauperibus succurram ; ut etiam in morte Dei misericordiam experiar. Hoc idè, &c. pag. 10. 2.DE-

December. 321

2. DECEMBRIS.

*S. Bibiana propter Christum
bonis omnibus spoliata, dein ad
columnam plumbatis caesa,
obiens triumphavit. Hac mor-
te an tu gloriosorem nosti?*

Precibus tuis me confor-
ta, ut nulla tormenta à fide,
et Christo me absterreant,
sed quidvis libenter patiar,
ut vivens, et moriens Iesu
meo fidelis inveniar. Hoc
idem, &c. pag. 10.

3. DECEMBRIS.

*S. Franciscus Xaverius In-
diarum Ap. insatiabilis ani-
marum Zelator, laboribus,
exemplis, precibus, & miracu-
lis multis hominum millibus
felicem mortem, & aternitatem*

O 5

pro-

322 December.

procuravit - In laboribus, & ærumnis dicebat: Amplius, amplius, Domine, in solatiis: satis est, Domine, satis est. Quam multi hodie sentiunt contrarium!

O genuine S. Ignatii fili! lucrare, obsecro, etiam hanc animam meam. Adesto mihi ægro, et morienti, qui Mastrillo tuo, et plurimis aliis morientibus adfuisti. Commenda me Crucifixo tuo Iesu, et Mariæ, ad quos suspirans expirasti; et impetra mihi sanctum desiderium multa pro Christo patiendi, donec me ducens ad cœlum & ego dicam, satis est. Hoc idem, &c. pag. 10.

4. DE-

December. 323

4. DECEMBRIS

S. Barbara V. ab ipso Patre suo pro Christo decollata. A Christo obtinuit, ut sine viatico nemo, qui ipsam colet, moriatur. Tantillo tantam gratiam emes.

Numera me inter clientes tibi devotos, ut tuis precibus adjutus non discedam ex hac vita, nisi Corpore, et Sanguine Christi munitus, in cuius cibi fortitudine progrediar ad montem Dei. Hoc idem, &c. pag. 10.

5. DECEMBRIS.

S. Subbas Ab. signo Crucis scævientes flammæ, extinxit. Contra Dæmonem ab ipso Christo armatus pugnavit, &
O 6 vicit

324 December.

*vicit . Pugna , & Deus non
deerit .*

Impetra mihi, obsecro , à
Iesu , ut nunc , & in ultimo
meo agone me armet : ut in
Iesu Dæmonem vincam , et
victor æternum vivam. Hoc
idem , &c. pag. 10.

6. DECEMBRIS.

*S. Nicolaus Ep. quam In-
fans jejunii consuetudinem cœ-
pit, ut feria 4. & 6. semel tan-
sum, idque vesperi lac sugeret,
tota vita sua tenuit. Cœpisse à
teneris , & continuasse, lauda-
bile est .*

Doce me constantè te-
nere sancta proposita , ut
ita ad quævis mortis peri-
cula paratus , morte san-
cta ad patriam securè per-
ve-

December. 325

veniam . Hoc idem , &c.
pag. 10.

7. DECEMBRIS.

*S. Ambrosius Augustino con-
verso , Te Deum laudamus ,
fecit, & cum eo cecinit. Mori-
turus flentibus aliis dixit: Mo-
ri non timeo : bonum Do-
minum habemus . Per nos
stat , ut bonum habeamus .*

Ora pro me , ut Deo fer-
venter in vita serviendo , il-
lum mihi bonum Domi-
num faciam ; ut in fine vitæ
nec me vixisse pudeat , nec
timeam mori . Hoc idem ,
&c. pag. 10.

8. DECEMBRIS.

*E. Virgo ab aeterno in Ma-
trem Filii Dei electa, speculum
est*

326 December.

*est sine macula . Tuas tamen
tibi ostendit : inspice.*

O Maria sine macula concepta ! fiat cor meum immaculatum , ut plus amet , et honoret te apud omnes , quàm ulla creatura te possit inhonorare ! Tu vitam tuam sine macula inchoasti : ora pro me apud Filium tuum Iesum , ut ego meam sine macula finiam . Hoc idem , &c .
pag. 10.

9. DECEMBRIS.

S. Syrus egregius fidei prædicator , pro veritatis testimonio mortuum excitavit ; & cum Diabolo semper inimicitias gessit . Cave eum & vicinum habere , & amicum .

Ora pro me , ut nunquam
vel

December. 327

vel leviter consentiam Diabolo, et operibus ejus, sed sicut in Baptismo abrenuncia-
vi, ita ejus sum inimicus us-
que ad mortem. Hoc idem,
&c. pag. 10.

10. DECEMBRIS.

*S. Eulalia duodennis, An-
gelis comitata, Judicem im-
pietatis arguit: ei blandienti
in faciem expuit: flagris cæsa
in igne obiit. A puella hac di-
sce, unum Deum amare.*

Propulsa è tepido pectore
meo pigrum, et semi-volens-
nolens Cor; et impetra mihi
cor amore Dei constanter
ardens: ne in decretoria
æternitatis hora à Deo evo-
mar. Hoc idem, &c. pag. 10.

11. DE-

328 December.

II. DECEMBRIS.

S. Daniel, annos 29. in columna stans, pio supercilio terrena omnia despexit; ut conversatio ejus verè fuerit in cœlis. Ubi tua est? Væ si in terra!

Ora pro me, ut constanter stem in amore, et timore Dei, et juva, ne cadam; ut sic stantem mors sancta inveniat, et deponat in sinu Jesu mei. Hoc idem, &c. pag. 10.

12. DECEMBRIS.

S. Spiridion ex opilione Episc. factus, pauperes pavit: cùm opes deficerent, ad ejus preces Deus serpentes in aurum mutavit. Vide, quam

December. 329

quàm Deo sit grata misericordia !

Impetra à Patre misericordiarum, et misericordiæ Matre pro me in agone meo æternam misericordiam ; ut me morientem ponat inter æternùm viventes . Hoc idem , &c. pag. 10.

13. DECEMBRIS .

S. Lucia accepto ad D. Agathe sepulchrũ nuntio de morte pro Christo obeunda , cum Matris venia omnia sua pauperibus distribuit . quare in igne gladio necata . Nullibi opes profunt , quàm in manibus pauperum .

Per illos tuos ignes, oro ; impetra mihi, ut non ponam fiduciam meam in opibus
ter-

330 December.

terrenis, sed lætus illas expendam; ut pro illis in morte recipiam divitias cœlestes. Hoc idem, &c. pag. 10.

14. DECEMBRIS.

S. Nicasius Ep. Rhemenfis irruente Attila, ut Pastorem decet, hosti obviavit, ostendit. que gregi, quomodo pro peccatis & Deo deberent cadere. Brevi morte æternam redimere, prudentis est.

Ora pro me, ne iram Dei, et hostes in me peccatis meis armem, sed poenitentia placeam; ut moriens talis inveniar, qualibus felix æternitas promissa est. Hoc idem, &c. pag. 10.

15. DE-

December. 331

15. DECEMBRIS.

S. Ancilla apud Iberos serviens, divino obsequio se totam tamen impendit; unde Regina sanitatem, Regi fidem, & Iberis libertatem contulit. Ubi que Deo servire potes, si velis.

Ora pro me, ut anima mea impigrè serviat Jesu, et Mariæ in vita; ut etiam in morte sit in manibus Iesu, et Mariæ. Hoc idem, &c. pag. 10.

16. DECEMBRIS.

SS. Ananias, Azarias, & Misael propter Dei cultum in fornacem Babyloniam missi, Deo benedixerunt. Hoc fidelis amici est.

Ora-

332 *December.*

Orate pro me, ut semper
mori malim, quàm Deum
offendere, et in adversis
æquè, ac prosperis Deo be-
nedicam, ne mittar in for-
nacem æternitatis damnato-
rum. Hoc idem, &c. p. 10.

17. DECEMBRIS.

*S. Lazarus Christo tam fide-
lis fuit, ut ab ipsomet Amicus
diceretur. A Judæis propter
Christum præter alia exilium
passus. Utrum meliùs, Chri-
sti, an mundi amicum esse?
elige.*

Veni ad me, & una cum
Sanctorum sororibus tuis
juva, ut in vita, morte, et
Iudicio inveniar amicus Ie-
su. Hoc idem, &c. pag. 10.

18. DE-

December. 333

28. DECEMBRIS.

S. Modestus à cohæredibus suis in Ægyptum venditus: Feropolymis deinde Patriarcha factus, venditoribus suis benefecit. Disce diligere inimicos.

Impetra mihi, ut illud Christi præceptum, diligite inimicos vestros, animo altè imbibam, & opere exequar: ut in morte mea etiam me diligat Iesus. Hoc idem, &c. pag. 10.

19. DECEMBRIS.

S. Megengor Comes, & Dux militum, occiso in bello Bobemico filio, mortem, & æternitatem meditando, se ad mortem paravit. Te mortalem credis?

334 December.

*dis? & ad mortem non pa-
ras?*

Ora pro me , ut feria , &
frequens mortis , et æterni-
tatis memoria me doceat
bene vivere , & quod maxi-
mi refert , bene mori ; à quo
pendet æternitas. Hoc idem,
&c. pag. 10.

20. DECEMBRIS .

*SS. Ammon , & Socii mili-
tem territum , & in fide laban-
tem animarunt : unde ad sup-
plicium rapti gaudentes , quod
Cæli civem servassent . Væ il-
lis , qui perdunt !*

Adeste mihi tum in pec-
candi occasionibus , tum in
agone ultimo , et labantem
omni ope excitate ; ut me
Deo servetis , et in beatam
æter-

December. 335

æternitatem ducatis . Hoc
idem, &c. pag. 10.

21. DECEMBRIS.

S. Thomas primus Indiarum
Ap. incredulus prius ; sed vul-
neratus , & latere Christi pal-
patibus accensus , ut pro eo sagit-
tis , & hasta confixus sit . Fi-
nis coronat opus .

Obtestor te per amabile
cor Iesu , impetra mihi , ut
vitam bene finiam , et quæ
nunc credo de gloria æter-
na, illic lætus videam, & ex-
periar. Hoc idem, &c. p. 10.

21. DECEMBRIS.

S. Anastasia cum aliis navi
perforatæ propter Christum im-
posita, S. Theodora velificante
ortum tenuit , ubi palo alli-
gata

336 December.

*gata exusta est . Cælum suis
non deest .*

Adjuva me precibus tuis,
& veni in auxilium mihi, ne
mala navi navigem, neve
naufragium patiar in im-
menso æternitatis mari. Hoc
idem, &c. pag. 10.

23. DECEMBRIS.

*S. Servulus paralyticus, in-
ter dolores psallendo, Deo gra-
tias agendo, & lectione sacra,
& suam stipem pauperibus lar-
giendo, ad bonam mortem se pa-
rabat. Tu fac similiter.*

Effice apud Deum, ut
omnes mei dolores ad mor-
tem bonam me præparent;
ut nimirum eos libenter pa-
tiar, quia Deo ita placet.
Hoc idem, &c. pag. 10.

24. DE-

December. 337

24. DECEMBRIS.

S. Tarsilla Virgo Romana, quæ cum aliquando Sororem suam Gordianam adverteret secularibus vanitatibus occupari frequenter Deum deprecabatur pro ea, ut in pristinum humilitatis rediret fervorem. In his votis illi S. Felix PP. III. ejus Atavus apparuit, qui ostendit Palatium delitiis plenum, eique ait: Tarsilla mecum veni, & tantæ felicitatis compos eris. Unde illico febris correpta, dum à circumstantibus Virginibus inviseretur ad ipsas conversa ait: Abite quia Jesus Christus Sponsus meus venit; in quibus verbis animam suavissime efflavit.

S. Tarsilla, quæ Sponsum
P tuum

338 December.

tuum Christum tibi morienti præsentem habere meruisti, & in ejus præsentia felicitate tuæ vitæ terminum consolata videre. Factulis precibus me vitæ meæ cursu à Sæcularibus vanitatibus frequenter distractum. Præcor te, ut Sponsum tuum in hora mortis meæ mihi morienti concilies, & ad ipsum cælestibus recreatus desideriis lætus perveniam. Hoc idem, &c. pag. 10.

25. DECEMBRIS.

Jesus Christus, Filius Dei, & Hominis verus Deus Homo, bodie ex Maria V. natus Betslebemi, mundi Salvator: panis involutus, reclinatus in præsepio. Nisi hic amas, homo non es. O

ODeus in stabulo nascens,
ut pro me moriaris in cruce;
Primam gratiam peto à te
parvule Deus, ut morientē
fufcipias me; ut vivens, &
moriens, & postea æterno
amplexu complectar te; ut
Francisci tui lachrymis allo-
quar te, Ignatii tui silentio
amem te, Catharinæ tuæ Se-
nensis osculis desiderem te,
Bernardi tui ore osculer te,
Josephi tui æstimatione ad-
mirer te, Mariæ dulcissimæ
Matris tuæ corde hauriā te,
omnibus Angelorum obse-
quiis demerear te, omnibus
tuis, & Mariæ cordi devotis
cordibus diligam te, et
denique in ardentissimis a-
moris actu emoriar tuus.

340 December.

Hoc idem , &c. pag. 10.

26. DECEMBRIS .

S. Stephanus Diaconus ab impiis Judæis lapidatus , primus pro Christo sanguinem fudit . Exemplo Christi , pro lapidantibus se oravit . Disce : non supra hominem est , inimicis ignoscere .

S. Stephane Protomartyr , impetra mihi , ut exemplo tuo omnia odia in dulci Dei amore absorbeam , ut anima mea in morte coelos apertos & videat , & introeat . Hoc idem , &c. pag. 10.

27. DECEMBRIS .

S. Ioannes , Discipulus quem diligebat Iesus , qui sub Cruce Mariam accepit in sua , nihil aliud usque ad mortem

tem

December. 341

*tem suos est adhortatus, quā-
Filioli diligite alterutrum .
O banc unam lectionem bene
discam .*

Ora pro me, ut ex hac ho-
ra Mariam accipiam in cor,
animum, cogitationes, ver-
ba, et opera mea: et illi de
me moriente dicat Iesus: Ec-
ce filius tuus: et illa tunc me
recipiat in sua, et Filii ater-
na tabernacula. Hoc idem,
&c. pag. 10.

28. DECEMBRIS.

*SS. Innocentes ab Herode,
et sic simul Christum, quem
Magi querebant, tolleret, oc-
cisi sunt in Bethlehem Iudæ.
Quanta furia, ambitio; & tu
eam foveas?*

Adeste mihi morienti, &

P 3 me

342 December.

me cingite, S. Legio tot mil-
lium Innocentium ; ut nihil
possit contra me in illa hora
inimicus , sed per vos Deo
sistat immaculatus . Hoc
idem, &c. pag. 10.

29. DECEMBRIS .

S. Thomas Archiep. Can-
tuar. pro Ecclesia exilium , &
mortem passus: ut suis caveret
hostibus obviam iuit . Suis è
feretro benedixit, & Regi pœ-
nitens cor impetravit . Qui
verè amat , in finem amat .

Benedic etiam è cœlo mi-
hi , per mortem abeunti in
tumulum , et impetra mihi
cor pœnitens ; ut ad palmā
possim æternam aspirare .
Hoc idem , &c. pag. 10.

30. DE-

30. DECEMBRIS .

S. Philaterus *adol.* ob formæ decus multum hominibus , ob virtutem Superis . plurimum amabilis , maluit per tormenta formam , quam fidem , relinquere . Hæc pulchritudo vera est : altera vana .

Impetra Animæ inæ virtutis pulchritudinem , qua DEO placeam , ut in amabili pulchritudinis fonte Deum æternum contemplet
Hoc idem , &c. pag. 10.

31. DECEMBRIS .

S. Sylvester Papa Constantinum , monitu SS. Petri , & Pauli accersitus , baptizavit , & lepram ejus extinxit . Peccati lepra vis

P 4 libe-

344 *December.*

liberari? lachrymis baptizare.

Extingue in me omne id, quod exitio esse animæ meæ potest: & aufer à me quid. quid oculis Dei displicere potest.


Hodie annum, mi Deus, hunc finio, dum multi per orbem finiunt vitam: da mihi felicem diem, & horam ultimam ultimi anni vitæ meæ. Doleo de omnibus, quæ hoc anno, et aliàs commisi, malis; et quæ ullus commisit: gratias ago de omnibus, quæ à te hoc anno, et aliàs accepi, bonis; & quæ accepit ullus: gaudeo de omnibus, quibus hoc anno à cœlo, & terracul.

December. 345

cultus es honoribus : et per
omnia Sanctorum , quos
Deus hoc anno, et unquam
beavit , intercessionem sup-
plex peto felicem exitum
ex his annis momentaneis ,
& felicem ingressum ad im-
mortalem æternitatem , in
qua Jesum , & Mariam cum
omnibus Angelis, et Sanctis
æternùm amem, et laudem .
Hoc idem, &c. *pag. 10.*



P 5 FESTA



FESTA MOBILIA .

*Ad sanctum tui Nominis ,
quo die occurrit , vel
semel in mense .*

S N. Cujus patrocínio ,
& nomine jam ab ipsa
hora baptismi me **DEUS**
munivit , respice ex illa æ-
ternæ securitatis **Urbe** me
hic inter quotidiana æter-
nùm pereûdi pericula exu-
lem , & juva , ut felicem hu-
jus nominis catalogum no-
mine meo augeam in libro
vitæ .

Mobilia . 347

vitæ . Tolle à me quod me impedit, & impetra id, quod mihi magis expedit ad salutem ; nec me desere , usque dum unà tecum coram Deum videam , & amem in æternum .

Feria IV . Cinerum .

Adrepo cinere aspersus ad te, cùm sim pulvis, & cinis, DEUS meus , qui tuum altare olim cinere mundari iussisti . Da mihi feliciū , & infeliciū cinerum sapienter meminisse, ut à cineribus damnatorum discam te timere : cineres verò Sanctorum ignem amoris tui in me custodiant . Munda cor meum , velut tuum altare , veræ pœnitentiæ cinere , &

P 6 acci-

accipe omnia mea jejuniâ ;
quæ cum jejuniis Jesu , Ma-
riæ, & omnium SS. conjun-
go , ut tibi placeant : et me
mensę tuæ celestis post hanc
vitam facias participem, qui
verè poenitentibus pro ci-
nere das coronam .

Feria V. in Cæna Domini .

Prostratus coram te , ad
Judæ Pedes prostrato , divi-
nas tuas manus adoro , &
exosculor: meumque cor ad
Apostolorum pedes à te la-
vandos abjicio ; ut illud si-
mul abluas, & Eucharistico
tuo epulo deinde saties . O
amabilissime Jesu ; Gratias
tibi ago , pro infinito illo a-
more, quo in hoc SS. Sacra-
mento se totum mihi cum
cor-

Mobilia. 349

corpore & anima, carne,
& sanguine, Divinitate, &
Humanitate dedisti. Da,
ut vicissim me totum tibi
reddam: et ut in fine vitæ
meæ non nisi hoc Sacra-
mento munitus, ingrediar
viam æternitatis.

Feria VI. Parasceves.

Salve Jesu Nazarene, Rex
Judæorum! *Vespere* pedes la-
vans, orans, sanguinem su-
dans, capte, vincte: *Nocte*
illa apud Annam, et Cai-
pham: *Manè facto* in aulis
Pilati, & Heròdis accusate,
percusse, illuse, flagellate,
spinis coronate: *Hora sexta*
Crucifixe: per tres horas
pendens, & sole obscurato
Patrem, Matrem, Joannem,
con-

conversum latronem allo-
cute : *hora non* voce magna
clamans , & expirans : *sero*
de cruce deposite, ac sepul-
te . Ecce horas omnes tuis
cruciatibus mihi implevisti :
tuæ sint ergo omnes , et sin-
gulæ horæ meæ . Rogo te per
illum amorem, quo me dile-
xisti usque in finem, da mihi
gratiam illam efficacem , ut
te omnibus horis vitæ meæ
amem , nec amare prius de-
sinam , quàm vivere .

Die Paschatis .

Salve Jesu , gloriosissime
Victor Mortis : à morte ho-
die resurgens ! O vere Agnes,
qui abstulisti peccata mûdi ,
aufer et mea ; qui mortem
nostram moriendo destruxi-
sti ,

Mobilia . 351

sti, destrue et meam: qui vitam resurgendo reparasti, repara et meam . Regna in me, ne regnet in me peccatum: et da mihi, ut totus vivam tibi; mihi, Mundo, et Carni planè mortuus: ut ita hora mortis meæ sit felix Pascha, hoc est transitus ad vitam in Urbe illa, per cujus vicos perpetuum cantabitur Alleluja .

Die Ascensionis .

Adoro te, Victoriose Triumphator Jesu: qui ascendens hodie in altum, captivam ducis captivitatem: O! illam etiam captivitatem in triumpho tuo duc captivam, quæ me captivum tenet, ne liberè te amem .

amem. Ideo flecto genua
mea supplex; et rogo per
admirabilem Ascensionem
tuam, ut benedicas mihi in
benedictionibus dulcedinis
tuæ, et trahas me post te. ut
sicut Sanctis tuis ita et mi-
hi, sordeat terra, dum coe-
lum aspicio; ut te in hora
mortis meæ sequar in celum

Die Pentecostes.

Veni, O Amor Deus; Ve-
ni Numen, et Lumen; mitte
ignem tuum in omnia ossa
mea, et erudi me. Da lin-
guas igneas, et doce me ta-
cere, et loqui: lava, riga, sa-
na, flecte, fove, rege, sordi-
dum, aridum, faucium,
rigidum, frigidum, de-
vium cor meum: et fac, ut
Deum

Deum suum verè amet. Da mihi amorem, ut exurat in me multitudinem peccatorum meorum, & accendat: ut tibi in holocaustum nūc, & in hora mortis meæ, & in æternum ardeam.

Festo SS. Trinitatis.

Credo, spero, amo te, SS. Trinitas unus Deus; offero tibi pro libello supplici omnia merita Jesu, Mariæ, omniumque SS.; rogo, ut tuis beneficiis bene utar semper; ut nunquam te offendam; ut semper faciam, quæ tibi placeant; ut te sancto timore timeam, & perfecto amore amem, tota vita mea, & in hora mortis meæ, usque dum te videam Deus Trine,
&

& te fruar, ò bonitas infinita, in æternum.

Festo Corporis Christi.

Domine Jesu, in hoc Amoris Sacramento abscondite, da, ut hoc Sacramentum sit mihi amoris veri gymnasium, qui me ipso me exutum faciat, ut per totam vitam id, quod tibi placeat, quæram: tibi annuam, cum aliquid inspiras; mihi verò omnia negem, quæ dicat amoris proprii instinctus. Fac ut amorem dolore acuam: dolore cordis de tanta mea ingratitude; dolore corporis, in illius odio amore tui suscepto. Fac, ut quidquid agam, agam instinctu amoris tui, quo ad
re-

Mobilia . 355

recipiendam in hoc Sacramento tuam gratiam semper magis idoneus reddar .
Fac ut semper ad hoc Sacramentum tuum sumendum me præparem, quasi ultimò, & pro viatico sumpturus: ut denique sic ut, per illud futuræ gloriæ nobis pignus dedisti, ita per illud particeps fiam æternæ gloriæ tuæ .

F I N I S .

MCG 2011 364

